


KUPA MULANDU

 Wa lumbwa, Mukwesu Neville. Ka tuciiimvwi kwa kaindi kasyoonto ku mupailo. Atu kotamike mitwe yesu. Sena kuli nkumbizyo iili yoonse yaambwa, inga yazibwa kwiinda mukusumpula janza, buyo kuli Leza, kwaamba, “Nda—Nda . . .”? Kojatisya mu mizeezo yako eno eco—eco nco yanda ku Mu lomba, a ku cisyoma a moyo wako oonse, kuciindi ne Ndi pa mupailo wangu nkambo ka ndinywe, anywebo.

² Taata Wakujulu, tu li . . . kulanganya eci coolwe cili boobu, kuboola ku ng’anda ya Mwami, ku buzuba obu busiyasiya, a— a kujana Mumuni wa Mwana iwa Leza kaumweka, a ku mvwa Muuya Uusalala kawiiimba kwinda mu bantu, a kwaambaula kwiinda mu bantu, buyo i—i cikungo cisyoonto ca kumweka kwa Mwana mukati. Twa Ku lomba nkambo ka ceeci, kumweka kwa Mwana Wakujulu koonse ku myoyo yesu. Ino mbotu Ku lomba nkambo ka nguwo! Lino bali . . .

³ Bantu bako batambika maanza abo mu mbungano eyi, kuteeti bajisi nkumbizyo, cakuti inga bayanda kuti Yebo ubavwiile kuseeni kuno. Elyo Nda lomba, Taata, kuti Uyo bapa umwi amwi nkumbizyo zyabo. Kuli kunji maningi, kulundikidwe aa desiki, a nkumbizyo zinji maningi ku masena oonse, bantu baciswa, bali mukupenga; kwiitwa ku luwaile, misinzo milamfu, batandila kuli bali makumi osanwe a buzuba. O Leza, ino tula cita nzi? Ko tusololela buyo, Mwami. Ta—ta tuzyi na nzila iili yakuya na eco cakucita, pele Yebo inga walailila zintu ezi, nkabela twa Ku lomba kuti kocipa kuli ndiswe. Nkaambo, mbo—mbo bukanze bwesu, Mwami, obo buumi mbo tujisi aa nyika bulapegwa kuli ndiswe kwiinda kuli Nduwe, alimwi tu yanda ku bubelesya ku bulemu Bwako. Lino Ko tusololela mu zintu ezi, Taata.

⁴ Kotulongezya sunu mbuli mbo tubungana antoomwe kumvwa Ijwi lya Mwami, ku kwiimba nyimbo, ku kupa mupailo. Koswiilila mipailo yesu. Koba a luntangalo a ndiswe mu nyimbo zyesu, a kwaambaula kuli ndiswe kwiinda mu Ijwi, nkambo twa cilomba mu Zina lya Jesu. Amenii.

Inga mwakkala.

⁵ Ta ndizyi buyo busena buli boonse obo mbo ndinga Nda langanya kuba coolwe maningi ku kwiima, kwiinda mbo cinga caba kwiima mu—mu cikambaukilo, ku kukomona Cinkwa ca Buumi ku bantu balindila, bafwide nzala, abafwide nyota. Alimwi eci ncoolwe cipati.

⁶ Kusaanguna, Ndi yanda kubuzya ikuti—ikuti na kuli umwi wa mukwasyi waba Wright uuli ano, Hattie na Orville, na kufumbwa? Hattie. Sa Orville uli anduwe, Hattie? Ee, ko

mulomba kuti aboole ku ng'anda, cakufwaambana, kwa ceeco nce Nda kamwaambila, yebo ulizi. Koswaya ku ng'anda kaindi kasyoonto, ikuti na ulakonzya. Nda luba ku ciletelezya, kuseeni kuno, cintu cimwi ca mubwa wabo muniini ngo bajisi kunselelo kuya. Aboobo Nda—Nda buyo. . . Ikuti na uyocita, weenzye buyo nkoonya ku ng'anda mbuli mbo kotoka ku—ku kwako kuswa- . . . kwamana kuswaangana.

⁷ Elyo eno, Edith, mucizi wa Hattie, oyo ngo tuzyi kuba musimbi muniini walo wakali mulema kuzwa na kali i—i muvwanda. Elyo ngu mwanakazi eno, alimwi uuli mu ciimo cibyaabi maningi. Lino Mebo, kutandila mwaka wainda, Nda kaunka kunselelo kuya cindi na kajisi kujatwa mabibo kwakwe kutaanzi, alimwi mpawo buyo Nda kaziba penzi lyakwe mbo lyakabede, kwiinda ku lugwasyo a luzyalo lwa Leza. Lino, ncobeni, eelyo penzi a mwana. . .

⁸ Uli kkede, mauu aakwe akaumana antoomwe, nkabela takonzyi akwalo kwaatantamuna, ngu kaambo ka kufundilila kupati aa—aa bubambe bwa maseelo aansinga zyakuyeeya. Pele, mbo cibede, taakwe cilubide ku mubili a mwana, kunze lya kupenga kwa kulebuka kucitika aakati ka bana cindi nakali kutandila myeezi ili cisambomwe yakukomena. Waa kakwiila a kulila buumi bwakwe boonse, kutandila boonse, mane. . . Twa kamukombela myaka minji yakainda, alimwi—alimwi uli kkomene lyoonse kuzwa leelyo, kusikila kutandila mwaka wainda.

⁹ Elyo eno nku pasukilwa bulowa ncobeni kwaku mweezi. Mu majwi aambi, kucinca kwa buumi bwakwe, alimwi nsinga zyakwe zyakuyeeya zili mu ciimo ciyoosya. Alimwi mulindu muniini uyeeya kuti uli mukufwa, ta—ta kaponi buyo, kuzwa buyo ku oora lyomwe kusika kuli limbi. Elyo nywebo mulizi. Alimwi banakazi bayumu, banseba zibotu bajisi ciindi cibyaabi, ciindi cimwi balelede kuyaswa ndonga zya mahomoni, alimwi—alimwi kuya mu tubunga tulela bantu bapengede, a kusilikwa kulebuka a zintu zyoonse, mu ciindi eco.

I muntunsi ujisi kucinca kobile kwa buumi.

¹⁰ Ba leelede kucinca kuzwa ku mulombe kuya ku—ku mwaalumi; kuzwa ku mwanakazi. . . kuzwa ku musimbi kuya ku mwanakazi. Kutandila myaka ili kkumi acisambomwe, kkumi acisambomwe yakukomena, bala njila mu nkamu zitakwe busyome buyo. Alimwi—alimwi ikuti wapengana buyo ambabo kuciindi ca myaka eyo yakukomena. Ndi jisi mwana musimbi mu myaka eyo yakukomena ndyoonya eno, Rebekah. Amu mukombele. Elyo Billy, oh, toonse swebu, tula boola kwiinda mu myaka yakukomena eyo ya kupengana. Alimwi—alimwi aboobo tweelede kupengana ambabo, mukuziba kuti ngu cintu cimwi eco—eco nco—eco nco beelede kwiinda mo.

¹¹ Elyo eno, Edith, a kucinca oku kwa—kwa i—kwa myaka iili ciloba. Kwamana myaka iili ciloba, buumi bwako bulacinca. Aboobo ziindi zili ciloba, nywebo mwabona, alimwi—alimwi cicibamba kubaanga nciyumu, alimwi oko nkucinca kumaninide. Elyo ci—ci lapenzya banakazi. Baalumi kanji balaba a musyobo wankwela ugambya mu ciindi eco, alimwi ziindi zinji balasiya banakazi babo. Pele banakazi ta—ta bajisi kukasaala kwamana eco. Elyo toonse tulainda muli eco, nkabela tweelede kuyeeya kuti cileta zintu ezyo nzyo tweelede kukkazikilana myoyo kuli umwi aumwi, alimwi akumvwisya zintu ezyo.

¹² Elyo Edith muniini wanjila mu ciimo eci, nkabela wasweekelwa kunji kwa kulema, nkabela uboneka bubyaaabi. Elyo—elyo—elyo Nda mwaambila, busiku bumwi, kutali nyoonse antoomwe, pele lweendo buyo lusyooonto kunselelo... Bala kkala a nguwe, isikati a masiku. Elyo i—i lweendo lusyooonto kunselelo kuya kuzwa ku cikombelo eci alimwi—alimwi zikombelo zyandeene, i—i zikombelo cibelesa antoomwe kuno, nobamwi nywebo nobantu mulainka kunselelo a kuyobona mukwasyi wa Wright. Ndili masimpe inga bayo cilumba. Kamuya buyo kunselelo, mukakkale ambabo kwa kaindi kaniini, a kwaambaula kuli mbabo, kusukana maanza abo, alimwi na nkuba a kuswaya buyo kwa bulongwe.

¹³ Tula—tula luba eco mubuteteete loko, nywebo mulizi. Alimwi caboola ku maanda eesu eeni, mpawo tula cilumba. Alimwi tulelede kuyeeya, bamwi bala cilumba, abalo. Elyo mukwasyi waba Wright, Ndili masimpe, inga balumba eco. Ndi—Ndi lizyi nomwaka cicita ikuti nomwali kuzyi kuteeti ciimo eci cakaliko. Pele tii mwakacizyi pe, aboobo kuli—mpawo Nda li kwaambila cifumo eci, nkambo kancico.

¹⁴ Kamuya a kuyo swaya mukwasyi waba Wright, a kusola kukkomanisya Edith. Lino, muta kamwaambili kuti uboneka bubyaaabi. Muka mwaambile kuti “uboneka kabotu,” walo “uyooba kabotu.” Akwalo, uyooba kabotu ikuti na twa zumanana mubuyumuyumu nkambo kanguwe. Ako nke kaambo ncotuli ano. Mucizi wesu, alimwi—alimwi tuli aano ku zumanana mubuyumuyumu mu ziindi ezi nkambo ka mwana oyo. Mbuli buyo mbo Ndi yanda muntu umwi kundigwasya a kukomba kuciindi ni Nda kali kwiinda mu masunko aangu, alimwi inga wayanda muntu umwi nkambo ka zyako.

¹⁵ Elyo—elyo mukwasyi waba Wright wali i—i wakaindi loko . . . umwi wa mamembala bakaindi kwiinda abo baboola ku kuswaangana oku. Balo, Nda yeeyela, a Mukwesu Roy Slaughter a Mucizi Slaughter. Nda babona kwa ciindi buyo cisyooonto cainda, ndaba tambika cindi noba njila. Nda yeeya, lwangu, mbuli mbo Nde enzya kuzunguluka kkona, “Myaka yongaye nje Nda kabona Mukwesu a Mucizi Slaughter kababweza masena abo mu mbungano eyi, kwiinda mu ziimo zyoonse zyandeene,

nkabela baci zumanana munzila yanguzu?” Elyo mukwasyi waba Wright, alimwi mbuli obo, mulalumba bantu abo, nywebo mwabona. Elyo atu—atu tondezye kulumba kwesu kuli mbabo.

¹⁶ Lino, sunu, Ndi jisi Mulumbe mulamfu. Uli aa kupa mulandu.

¹⁷ Elyo—elyo mpawo, sunu masiku, Nda mvwa kuti kuli mulalilo a kusanzya kwa matende, azimwi zimbi. Aboobo mweembeli uyo kanana, alimwi tuyo ba . . . tuyo boola kunselelo. Elo ikuti na uuno—ikuti na uuno liko, koboola a kubotelwa i—i mulumbe kuzwa ku mweembeli, kuzwa ku Mwami, alimwi mpawo akwalo kuzwa ku kusanzya kwa matende a i—a mulalilo, sunu masiku. Bu nooli i—i busiku buzwide bantu maningi, aboobo inga twa botelwa kuba a ndinywe, ikuti na tojisi busena bumbi bwa kuunka.

¹⁸ Elyo tu yanda kulumba Don Ruddell, a—a mukwesu wesu, a Mukwesu Jackson. Elyo—elyo aba bakwesu aba ngu mabungano, aazwa kumwi aswebo ayo nge tubeleka antoomwe. Mukwesu Jack Palmer kuya awa, oyo uubamba i—i nkamu kunselelo mu Georgia. Elyo tu—tu—tu yanda kulumba baalumi aba a boonse a moyo wesu oonse. Nkambo, ziindi notu jisi miswaangano, kwalo Nda boola, alimwi bala—bala boola kutuswaya, nkabela tula cilumba.

¹⁹ Nda bona, cifumo cino, mweenzuma wangu mubotu, Mwiiyi Lee Vayle a mukaintu wakwe. Nda ziba Mucizi Vayle kuya, kusaanguna, nkabela Nda zumanana kulanga koonse oko Mukwesu Lee nkwabede. Elyo Ndi jisi, obo bwaambe bwakaindi bwa ku Musanza na kuti, “tuyo bamba lwiimpano cabulongwe,” mwabona, kufumbwa ciindi Nda mujana. Nda mulangila mazuba oonse, ku muswaangano oyo mupati, kuba kunselelo kuya kuyoogwasya. Nda kaamba, “Ee, ikuti na Lee waboola, amulekele ku kambauka, nkabela Njo bamba mupailo wa balwazi.” Elyo twa kamubamba, alimwi zintu zyoonse zimbi, a kutasola ku mujana. Aboobo, Ndili—Ndili, Ndi cijisi, tuyo bamba lwiimpano cabulongwe, cindi Nda talika kwaambaula. Elyo tuli kkomene kuba a Mukwesu a Mucizi Vayle, cifumo cino.

²⁰ Elyo ndiza kuli banji bambi kuno abo mbo tutamvwisyi. Nda bona mucizi awa, Nda syoma, kuzwa ku Chicago. Ta ndikonzyi. . . Ndi lizyi nkamu kuno, pele Ta ndikonzyi kwiita mazina abo kweelede. Aboobo tula—tula balumba kuzwa ku masena oonse, kufumbwa nko mubede.

²¹ Nda bona bakwesu kuno, balombwana bobile bakubusyi abo beelede kunanikwa (bakubusyi mu mulimo, no kuceya) cifumo cino. Bobile, bakwesu basiya kuzwa kutala mu New York, bakazwaa kutambula buyo mapepa abo aazyeelelo zybubelesi kwiinda mu mbungano ya Philadelphia, a kupa mbungano eyi kuti ibe busena nko bazwida. Elyo tula bikka maanza aali mbabo, kuti Leza a kaleleke mulimo wabo mu New York. Tu

jisi bobile mabungano maniini obile na otatwe kutala kuya, Nda syoma. Mukwesu Milano ulijisi imwi ya nkamu niini kuya, alimwi tuli. . . tula balumba. Elyo—elyo kuno kuli banji bazwa eno kupanga, kuba a miswaangano ya bantu kuya. Elyo tula—tula lumba zintu ezi.

²² I Mwami amu longezeze cabuvubi. Banji loko; Nda langa koonse a kubona bamwi bandeene, alimwi tokonzyi buya kwiita mazina abo boonse, pele Ndi lizi kuti Ula mvwisya.

²³ Lino, Nda syoma, ikuti na mucizi wesu, sikulizya piano, na umwi wabo kaboola kuno a ku tulizizya.

Cindi ikkala Iya Mulilo ni Iyaka guma musinsimi,
 Ku munjolomya mbuli kunjoloma mbo kukonzeka kuba,
 Elyo cindi ijwi Iya. . . jwi Iya Leza Iyakati,
 “Nguni utii twiinkile?”
 Mpawo wa kavwiila, “Mpaawa Mpendi, kondi tuma.”

²⁴ Cindi, twa nanika bakutausi aba kwiinda ku kubikka kwa maanza. Lino, tula mvwisya kuti nzila ya Magwalo ya kunanika mukutausi njaku bikka kwa maanza. Ndi yeeya awo mpempawo bakwesu besu ba Latter Rain, na bantu baku Battleford, abamwi bambi, nko bakanyongana; alimwi cindi no bakabona eco, ku bikka kwa maanza, kupa zipego zya kumuuya. Lino, ta tusyomi kuti zipego ziboola kwiinda ku kubikka kwa maanza. Tula syoma kuti i. . . ku bikka kwa maanza nkuzumizya kuli ceeco nco twa kabona kale. Mwabona? Ngu “ameni.” Mwabona?

²⁵ Lino, cindi niba kabikka maanza aali Timoteo, a aa bakwesu abo, ba kabona muli mbabo baalumi kuti cakali cipego. Amuyeeye, “Kobukulusya cipego eco cili muli nduwe, cakazwa kuli banyookulu Loisi.” Elyo baka bona eci muli Timoteo, alimwi mpawo baalu baka bikka maanza aali nguwe a ku munanika. Kutali ku bikka maanza aa muntu kwalo atakwe cintu caka tondezegwa, nywebo mwabona. Elyo bakalomba buyo zilongezyo. Elyo toonse tula syoma boobo. Aboobo ta tupi zipego zya kumuuya; tu bazuminina buyo, a ku bikka maanza aali mbao, ku bazumizya, kuti tula syoma kuteeti Leza wacita zintu zili boobo nkambo ka bantu.

²⁶ Nda bona, cifumo cino, kulaale kusule, Mukwesu McKinney kuzwa. . . Nda syoma ngu Kinney na McKinney, mukambausi muna Methodistu uukkede kusule kuya, oyo wakazwaa kunanikwa kuno calino, awalo, Nda syoma eco cakali mbombubo, kuzwa ku cibumbili; ku kujatilila ca nguzu mu Ohio, a Mukwesu Dauch a Mucizi Dauch, a nkamu kuzwa kutala mu Ohio.

²⁷ Oh, cindi toonse twa bungana antoomwe, aya masena maniini kaboola antoomwe, calo ncibotu loko. Taakwe

kabungwe; taakwe zintu ziswaanganya, pele buyo kuli Jesu Kristo, kwa mana, mwabona, buyo “kukkede antoomwe mu myeenya ya Kujulu.”

²⁸ Ncibotu, mucizi, ikuti na inga watupa . . . Atwiimbe buyo aka kamwi kampango ka eyo, “Cindi ikkala lya Mulilo nilya kagama musinsimi.” Atu yiimbe antoomwe lino.

Cindi ikkala lya Mulilo ni lyaka guma musinsimi,
 Ku munjolomya mbuli kunjoloma mbo kukonzeka kuba,
 Cindi jwi lya Leza nilya kaamba, “Nguni utii twiinkile?”
 Mpawo wa kavwiila, “Mpaawa Mpendi, kondi tuma.”
 Koamba, Mwami wangu, koamba, Mwami wangu,

Lino bakwesu nga mwaboola, ikuti na inga mwacita.

. . . nkabela Njo fwambaana ku- . . .

²⁹ A baboole bamwi bakwesu bakutausi, ikuti na inga bacita, abo bayo bikka maanza aali mbabo.

. . . Mwami wangu . . .

Mbo tubeleka aamwi iba cikombelo kuno, Mukwesu Ruddell, Mukwesu Lamb, a balo. Nkoonya *kuno*, ikuti na inga mwacita.

. . . nkabela Njo vwiila, “Mwami, kondi tuma.”

Munzila ya bucebuce eno, kaka.

Oh, bali mamilioni eno bali mu cibi a mause bali mukufwa;
 Koswiilila ku kuusa a koomoka kwabo kupati;
 Amubinde, bakwesu, amubinde ku kuvunwa kwabo;
 Cakufwambaana amwiingule, “Simalela, mpaawa Mpendi.”
 Koamba, Mwami wangu, koamba, Mwami wangu,
 Koamba, nkabela Njo fwambaana ku Ku vwiila;
 Koamba, Mwami wangu, koamba, Mwami wangu,
 Koamba, nkabela Njo vwiila, “Mwami, kondi tuma.”

³⁰ Nduweni zina lyako, mukwesu? [I mukwesu waamba, “Orlando Hunt.”—Mul.] Mukwesu Orlando Hunt, kuzwa ku Dolopo lya New York. Mbo mbubo na? Elyo Mukwesu. . . [I mukwesu uumbi waamba, “Joseph Coleman.”] Joseph Coleman.

Lino walombwa kuti mulange ku baswiilizi, bakwesu bangu.

31 I Mukwesu Hunt a Mukwesu Coleman, kwiitwa kwa Leza ku myoyo yabo. Elyo mbuli mbo twazwaa kwiimba nyimbo, “Kuli bali mamililoni eno mu cibi a mause, bali mukufwa.” Ba kamvwa kuusa oko a kulila kupati. Elyo twa balomba: amubinde, bakwesu, amubinde ku kuvunwa kwabo! Mwabona, cakufwambaana ko vuwa, “Simalela, mpaawa Mpendi.” Eyo nje nzila njobavuwa, cifumo cino.

32 Elyo mbuli ndiswe, mbuli bakwesu iba mbungano eyi, a nkamu eyi, twazumizya eci, kwiinda ku kubikka kwa maanza aali mbabo a kubapa janza lya lulyo ilya luswaanano, mbuli kuba bakamboni ba Jesu Kristo, a lugwasyo lwesu kuno, kuti tuyo baiminina mu zintu zyoone ezyo zyabulemu a ziluleme, mu Makani mabotu. Mipailo yesu iyo zumanana nkambo ka baalumi aba, kuti Leza uyo babelesya kuteeti baka Mu lemye. Elyo akube kuti milimo yabo ibe iivubide a mipati mu New York. Akube kuti buumi bwabo—bwabo buzule mulimo nkambo ka Nguwe, kuyobolola maila mayandisi ku Bwami. Akube kuti bapone buumi, bwamoongole ibwa kukkomana. Akube kuti Mwami Leza aba gwasye a Busyu Bwakwe buteeli, akupa kuli mbabo nseba mbotu a nguzu, a ku babamba mu mulimo Wakwe kusikila Jesu Kristo akabaite ku Muunzi wabo Uutamani ku Julu lya kulyookezya.

33 Ko lekela mbunga eyi eno . . . mbuli mbo tukotamika mitwe yesu, alimwi swebo to bakutausi kuya kumbele ku bikka maanza esu aali mbabo.

34 Taata wesu Wakujulu, twa bikka maanza esu aa Mukwesu Hunt, mu Zina lya Mwami Jesu Kristo, mbuli eco nco twakaziba kuli nguwe, Mwami, wali mululami. Elyo twa Ku lumba nkambo ka kwiitwa oku mu buumi bwakwe, kwa mulimo. Mwami, koamba kwiinda mu mukwesu, kulijanina bantu, kuleta lwaanguluko, Mwami, kuli baabo bali mu bwaange, koonse bwa mukuciswa a—a zyakuyeeya, a ku mubili a kumuuya. Mwami, ndamupa mulimo wini, kuti akonzye, ku mamano a lweendo lwakwe, kulanga musule kwiinda muciiindi eco ca mukondo mulamfu a kubona kuti ulakonzya, kwiinda ku luzyalo lwa Leza, kweendelezya basinkondo boonse canguzu. Kwiinda muli Jesu Kristo Mwami wesu, twa cilomba. Amen.

35 Ku Mukwesu Coleman akwalo twa bikka maanza esu, mbuli bakamboni, Mwami, kupa kuzumizigwa ku kwiitwa kwakwe, kuti swebo, mbungano eyi, nkamu eyi ya bamba, basyome muli nguwe mbuli muzike wa Kristo. Elyo twalomba kuti Uyo mulongezya a ku mupa mulimo, mupati wanguzu, cakuti uyo lijanina bantu nkambo ka Nduwe, Mwami, a kwangulula baange, a—a kumwaya nguzu zya Saatani, koonse ku maumi aa bantu abo mbo beleka abo. Ko mupa, Mwami, buumi bwa micelo, nseba mbotu a bube bwanguzu. Elyo, akwalo, cindi na boola ku mamano a lweendo, Leza, kopa kuti akonzye kulanga aansi ku mukondo mulamfu a kubona oko, kwiinda muli Jesu Kristo, ula

konzya kunyonyoona nketani zyoonse zya sinkondo, ku bulemu bwa Leza.

³⁶ Taata Wakujulu, akube kuti baalumi lino bapone loko a ku beleka mu butebuzi bwa Leza. Akube kuti zilongezyo Zyako zibakkalilile a kuba ambabo kusikila ku ciindi eco toonse no tuyo bungana ku matende aa Simalela wesu mupati. Mu Zina lya Jesu Kristo twa cilomba. Amen.

³⁷ Leza aku longezye, Mukwesu Hunt, akupe mulimo wa micelo. Leza aku longezye, mukwesu, aa kukupa mulimo i—i wa micelo, ayebo. Leza aku longezye. Lwabili:

Cindi ikkala lya Mulilo ni lyaka guma musinsimi,

Ku munjolomya mbuli kunjoloma mbo kukonzeka kuba,

Cindi jwi lya Leza nilya kaamba, “Nguni utii twiinkile?”

Mpawo wa kavwiila, “Mpaawa Mpendi, kondi tuma.”

Oh, koamba, wangu. . . (Akube kuti A ambe ku myoyo minji ya bakubusyi.) . . . koamba, Mwami wangu, (Kwiitwa aa Leza!)

. . . nkabela Njo fwambaana Ku vwiila;

Koamba, Mwami wangu, koamba, Mwami wangu,

Koamba, nkabela Njo vwiila, “Mwami, kondi tuma.”

³⁸ Obo mbo tulumba Mwami cifumo cino nkambo ka bulemu obu bupati, bwa mbungano kupa bumboni ibwa kutuma bakutausi mu mulimo mu buzuba obu bwa mamanino. Luzyalu lwa Leza luunke a ndinywe, bakwesu bangu! Nda syoma kuti Ula mutuma ku masena aa milimo akumasi aambi a ku nyika yoonse, kukambauka buvubi obu butaambiki ibwa Jesu Kristo, oko nko bubulide maningi. Kubula maningi, nyika mboibede sunu.

³⁹ Lino, kunji loko kwa zintu ezi zibotu, tweelede buyo kubweza kuyiigwa *awo* a kuyiigwa *awo*, kutegwa tu cibambe coonse mu kuswaangana cifumo cino. Lino sunu tuli. . . Ndi kanana aa ciiyo cakuti Mebo. . . Mebo ziindi zimwi ta ndiyandi kulanganya ziindi ezi ziyooosya ncobeni.

⁴⁰ Lino, Munsondo yainda, ikuti no bamwi teemwakaliko kuno alimwi—alimwi teemwaka jana Mulumbe wa *Kulonga Kwa Tatu*; alimwi ikuti mu yanda mateepu, Nda syoma muyo botelwa imwi eyo, *Kulonga Kwa Tatu*.

⁴¹ Eco nco tujisi, mulombe uucisidwe awa, na cintu cimwi na? Oh, mulombe, muniini mulema. Inzya. Akube kuti Leza amu longezye. Nce cico. Ncibotu. Ku mamanino buyo aa kuswaangana, tula unka ku kombela baciswa, akwalo, nywebo mwabona. Aboobo swebo, eno, swebo tuli. . .

42 Elyo twalomba, ndiza ikuti mwakonzya, kujana Mulumbe, aa *Kulonga Kwa Tatu*, ciindi ca tatu cakuti Mumuni, Angelo wa Mwami oyo waaita bantu ku kulonga, walibonya mubusena buzizilwe ku bantu Lwawo cantangalala aa nyika, mu kulonga. Mwabona? Ndi yeeya kuti eco ncintu ciinda kwini, kuli ndime: kulonga kwa tatu!

43 Sa inga mwayeya bumwi kuti Nda samununa bbaki lyangu? [Mbunga yaaamba, “Peepe.”—Mul.] Ku lapyā maningi mu cikombelo cifumo cimo, alimwi kubambwa kwa eya kkondishina buyo njo tu jisi ngu—ngu eco nco mukonzya kuvupauzya. Mu leelede kuzwa kupya kwanu nobeni. Aboobo tuli mukukanza, kuti buzuba bumwi, kubikka bubambe bwakutontozya mukati muno, cakufwambaana mbuli mbo tukonzya kubamba zintu.

44 Lino, inga twa lumba, ikuti mula—ikuti mula yanda ku—ku mwā Mulumbe, *Kulonga Kwa Tatu*. Lino, twakali jisi ikulonga kunji, pele inga wabikka ncobeni janza lyesu aa busena, ciindi, ikulonga kotatwe oko Leza, mu ciimo ca Musumpululu wa Mulilo, waboola aansī ku kwiita a kwaandanya bantu. Elyo eno nkwardaanya bantu.

45 Elyo tu jana kuti, cindi Na kaita kulonga Kwakwe kutaanzi, Wa kainka kumbele lyabo mu Musumpululu wa Mulilo, a kuba sololela ku. . . kubasololela ku nyika oko kumane Nkwa kalibonya kumbele lyabo, mu ciimo ca Muntu uutegwa Jesu Kristo. Wa kazwa kwa Leza, alimwi wakaunka kuli Leza. Elyo i. . . mpawo Wa kakakwa. Elyo Wa kaboola mpawo kwiita bantu kuzwa ku—i ku ciimo camulao eco ncoba kanjide, mbuli mbo baka jisi ku musanza mu Egepita, bakaabwa kukubisya a ku i—i nzila zya ba Egepita. Elyo Leza wakabaita kuzwa.

46 Elyo eno tu jana kuti, ciindi cabili, bakaabwa kubweendelezi bwa bwaange ku i—i Bulelo bwa ba Roma. Elyo bakaleya kunjila mu tunsiyansiya a kuzwa ku kusinizya kwini kwa ku komba, nkabela Leza alubo wakatuma kulonga kumbi. Elyo i. . . Wa kalibonya muciiimo ca Muntu oyo wakaba sololela.

47 Mu kulonga, Wa kali Musumpululu wa Mulilo. Mpawo, cindi Na kasika aa nyika, mu cisi omo Mwa kaba sololela. Ino ncikozyanyo cibotu mbo ciyakuba mu Mileniamu, oko Nkwa yosololela Mbungano lino. “Tuyo Mu bona mbuli Mbwa bede, alimwi tuyo ba a mubili mbuli mubili Wakwe Wini wabulemu.”

48 Elyo sunu, kwiinda ku Mumuni wa Makani mabotu kuutondezegwa kuzwa ku Mumuni, Musumpululu wa Mulilo mubusena buzizilwe ku bantu aakati kesu! Sayansi ya Ubona. Cili mu ma magazini, a koonse ku nyika. Elyo Uli, munzila ya sayansi a kumuuya, kuzuminwa mbuli nguonya Musumpululu wa Mulilo, kwiinda ku zitondezyo nzizyonya a zintu nzizyonya Ngu wakacita lyoonse. Elyo eno aakati ka mazuba cindi nokuli ciimo ca kwiindilizya kunji a zintu, akwalo, Leza lyoonse ula Li zibya. Lino tu jana eci.

⁴⁹ Elyo ino ncintu cabulemu mbocibede kuziba eco, “Eci cilawo caansi, buzuba bumwi,” mubili oyu uupwayika buyo oyo motuciswa a kupenzegwa mo, “uyo cincwa a kubambwa mbuli ku mubili Wakwe Wini wabulemu; mpawo tuyo Mu bona mbuli Mbwa bedede,” a kuba a Nguwe mu Nyika eyo nkotuya sunu. Oh, Inga nda . . . kutandila ku ndibamba kulimvwa mbuli kwiima a kwiimba kuti *Ndi Ya Ku Nyika Iya Cisyomezyo*. Antela ba noimba eyo ku mulimo wa lubapatizyo, nekuba, nkaambo eyo nje nyimbo yesu ya lubapatizyo.

⁵⁰ Lino ku bakwesu, boonse kuno a mu cilawo oko matepeu nkwaaya, alimwi oko nku nyika koonse. Eyi Milumbe tayi gamikidwe ku muntu umwi cigaminina. Elyo inga tii twayanda bantu kuyeeya kuti tuli musyobo umwi wa nkamu yacilengwa, na cikungo ca basikwiindilizya abo bakali bunganya lwesu antoomwe, “ku kulyandaanya lwesu, kubaanga nkasimpe, kutali kuba a Lusyomo,” kulyandaanya lwesu kulwana muntu uuli oonse, na—na kulwana Leza, na kulwana Mbungano. Twi iminina Mbungano. Pele tuli mukusola buyo kuzibya kasimpe, kwiinda ku Muuya Uusalala a lugwasyo Lwakwe, kaambo ka lusalululo olu ndo tu jisi sunu. Swebo, swebo tatu syomi muli ncico.

⁵¹ Tula syoma kuti mabungano oonse eelede kuba a luswaanano antoomwe, kutali kulitantamuna kwa lusalululo; Methodisti nku nka mu yabo, a ba Baptisti kuli yabo, a Oneness, a ba Trinitaria, a oonse ayo nge tujisi, oonse a kaandaana. Tula syoma kuti ceelede kuba antoomwe, mbuli nkamu yomwe iikamantene iya Mubili wa Jesu Kristo, kulindila Kuboola oko kwabulemu. Ta beelede kwandaana, pe.

⁵² Elyo eco ci caandanya, kuleelede kuba kaambo kamwi kapati nco tutali antoomwe. Mu kuciiya, Nda mvwisya, mu kuciiya, tacili ca mibala ya lukanda; nkaambo, wayelo, uusiya, uusalaluka, a mukuwa, boonse balaandana mu tubunga twandeene. Tacili musyobo wa cakulya nco tulya; toonse tulalya cakulya cikozyenye. Tula sama musyobo omwe wa zisani, azimwi zimbi. Pele Nda bona awo cantalisyo mpo cibede, ngu muntu oyo wazwa munzila yakabambwa iya lwiyo lwa Makani mabotu, bantu boonse.

⁵³ Elyo kweelede kuba nzila imwi yakutondezya kwini eyo iiluleme a ilubide. Alimwi nzila buyo njo muyo sola ku cicita, nku tabikka bupanduluzi buli boonse ku Ijwi, ko Li bala buyo nzila mbo Li lembedwe a ku Li syoma nzila eyo.

⁵⁴ Oonse muntu ula bikka buyo, bupanduluzi bwakwe, Cili bamba kwaamba cintu cimwi caandene, cijosya ku kabunga kataanzi ka mbungano ya Katolika. Iili, mbungano ya Katolika ilasyoma kuti Leza uli mu mbungano Yakwe, “Elyo Ijwi tali jisi cintu cakucita a ncico; nkabela Leza uli mu mbungano Yakwe.”

55 Elyo swebo ba Protestanti, mbuli mbo tujana, a mbuli Ciyubunuzyo 17, kuti boonse babo bakalundana antoomwe, alimwi kuti mbungano ya Katolika yakali “bweendelezi” bwa tubunga toonse. Elyo tula bona kuti kabunga ka Protestanti, kwalo caboofu, caboofu, kajisi bupange bukozyanya a mbungano ya Katolika. I Bbaibbele liita mbungano ya Katolika kuti “sikuvuula,” alimwi liita mbungano ya Protestanti kuti “basibwaamu,” kati sikuvuula oyo mwakabede “banyina ba basibwaamu.” Elyo abo mbantu, oyo ngu mwanakazi wa mpuwo mbi walo uutaponi kusyomeka ku zikonke zyakwe zya lukwatano.

56 Elyo toonse tutaminina kuba Nabwiinga wa Kristo, alimwi kakuli kutasyomeka loko. Ino ncinzi cinga cabamba ciimo cakutasyomeka? Kwiinda kukupona kwiimpene ku i—i lulayo olo Leza ndwa kabamba kuli Nabwiinga Wakwe kuti kaponena ko. Oyo ngo muzeezo wangu wini, i Bbaibbele, alimwi Ngu Ijwi lya Leza litakakilwi, Nda syoma.

57 Elyo, aboobo, tu jana kuti mbungano eyo ya Protestant, kutegwa ibe kabunga, ila lyandaanya akwalo kuzwa ku Malembe, kuti ibambe kabunga kayo. Bakutausi, bakananikwa, bayo jatilila ku zintu ezyo ba . . .

58 Lino, bala boola mu kubala kwangu a mu twaanda, ku myaanda, a ku ndaambila, “Mukwesu Branham, wabamba kuzundikizya oko ku bantu. Taakwe muntu naba omwe uyooima awo kukazya Eco. Ba lizi kuti Mbwini.”

Nkaambonzi, Nda amba, “Nkaambonzi, nkaambonzi nco tacicita?”

59 “Ee, nywebo mwabona, ikuti Nda cita, Ndino kumbilila cinkwa cangu. Kutali kufumbwa muntu. . . Ndi jisi mulimo. Nde elede kuya ku Mwami, alimwi Nde elede kuya ku bantu. Elyo Ta ndikabi a lugwasyo.”

60 Sena mula mvwisya buyo kuti Kristo ngo lugwasyo lwesu! I Bbaibbele nko kwiiminina kwesu. Mwabona?

61 Pele, calo, mwabona, mpawo eco cibikka i—i mbungano ya Protestanti mu busena kuba mbubonya cintu nciconya mbungano ya Katolika mboibede.

62 I mbungano ya Katolika taikwe makani. . . Ee, Ta ndaambi. . . Ta cibambi eco mukusampula, kwaamba kuti tabakwe makani eco Bbaibbele nco lyaamba. Bala—bala syoma Bbaibbele, pele, mwabona, ba jisi i. . . Matobelanwa aa Buapostolo mpempawo mbungano ya Katolika mpoibede. Ayo matobelanwa aa ma pope, alimwi baita Petro kuti pope mutaanzi, a kuyabuya aans. Lino, ba, ba lasyoma eco. Ba, ba lasyoma ca kwaambilisya eco.

63 Elyo Protestanti, mwabona, ba—ba labungana antoomwe a kuba a kabunga mbubonya buyo mbuli mbo bakacita ku

Nicaea, Rome, oko nko bakabamba kabungwe i—i ka mbungano ya Katolika kwiinda i. . . ku Nicaea Council. Elyo tu jana kuti boonse bali kozyenye. Boonse bali kozyenye. Bala siya Ijwi lya Leza, kuti babambe kabunga. Mwabona? Elyo mpawo cindi caboola ku Masimpe manji malemu ayo aaboneka ceenzu sunu, Nceenzu kuli mbabo, nkaambo baka yiisigwa buyo ku cilengwa cabukombi.

⁶⁴ Ta tukwe cilengwa cabukombi pele Bbaibbele. Ta tukwe ciintu cita Ijwi lya Leza Lisalala, alimwi Awo mpo twiimvwi.

⁶⁵ Elyo eno, sunu, Ndi yanda kubala Lugwalo lumwi, kaindi buyo kasyoonto, kuzwa ku Ijwi lya Leza, lisalala lisetekene, lijanwa mu Bbuku lya Musalali Luka. I capita 23 ya Musalali Luka, kuba antalisyo, kujana i—i mbakaani ya ceeco nce Ndi—Ndi yanda kwaamba, muzeezo wa ntalisyo aa cintu eco nce Ndi yanda kukanana wo. Alimwi mula vununa eno ku Musalali Luka, capita 23, nkabela Ndi yanda kubala kampango komwe. Kwamana nko Ndi yanda ku ntalisyo eyi cifumo cino, ku cibikka awo. Lino tubala ya 20 . . . capita 23, kampango ka 33 ika capita 23.

Elyo cindi nibaka . . . kasika ku busena, obo butegwa Kalivari, kuya baka mu bambula, a bakabisya, omwe ku janza lyalulyo, a uumbi kuli lya kulumwesi.

⁶⁶ Lino Ndi yanda kubweza mabala aali one kuzwa awo, kuzwa ku kubala oko, ku bamba matomeno ayo aa nce Ndi yanda kwaamba, “kuya baka Mu bambula,” mabala aali one. Elyo eno ciyo cangu citegwa . . . Ndi—Ndili mukuleta kupa mulandu ku mabungano aatubungwe aa buzuba buno, alimwi aalo manji aalibelekela, nkambo ka kubambula Jesu Kristo alubo mu buzuba obu. Kubapa mulandu! Cifumo cino, citegwa: *Kupa Mulandu.*

⁶⁷ Elyo Ndi yanda kubaanga nku cibelesya kukozyanya mbuli kuti kakali busena bwa buyake bwa nkuta, oko kwakali . . . Elyo nekubaboobo, cikambaukilo a mbungano nkaanda ka nkuta. I Bbaibbele lya kati, “Ncuuno ca lubeta, kuti—kuti lweelede kutalikila ku ng’anda ya Mwami.” Elyo eci cili mbuli i—i cuuno cabwami alimwi i—alimwi mubetesi, alimwi bakamboni, a bamwi bambi. Elyo Ndi jisi, sunu, kuli bakamboni bangu, ngu Ijwi lya Leza.

⁶⁸ Elyo kupa mulandu kwangu nku lwana mabungwa aa sunu. Lino Ta—Nseli mukuleta sizibi muli eci. Ndi kanana buyo eci ku mbungano eyi. Elyo ci—ci leelede kuba i—i—i mateepu eno, alimwi Ndi—Ndiyo sola kumanizya cakufwambaana mbuli mbo Ndi konzya. Mebo ndapa mulandu ku nzyalani eyi nkaambo kakubambula Jesu Kristo lwabili.

⁶⁹ Elyo eno kucita eco mu bukkalo obu mbo tupona mo, Nda—Nda cita eci, Nde elede kutondezya bumboni. Ikuti na Nde elede kuleta kupa mulandu, weelede kutondezya bumboni bwa

kaambo kakubisya ako kacitwa. Ndi—Ndi jisi, kubapa mulandu, Nde—Nde elede kuleta i—i bumboni bwa kucitondezya, kuti mbo cibede, kuteeti eco nce Ndili mukwaamba ciyooima kumbele lya Mubetesi mupati. Cili, alimwi Nda libikka lwangu kuba simulao wiiminina ku. . . aa kupa mulandu oyu. Cakuti, Ijwi lya Leza, kuba kamboni wangu, Mebo ndapa mulandu ku nzyalani eyi nkambo ka kubambula.

⁷⁰ Nde elede kutondezya, nkabela njo tondezya, oyo muuya nguonya uli aa bantu sunu oyo wakaleta kubambulwa kutaanzi, elyo kucita cintu nciconya. Nde—Nde elede kucita eco, ikuti na kuyooba kubambulwa, oko nko babambula. Nde elede kutondezya ku i—i bantu kuti kulilemeka nkukonya mu bantu sunu kuli mukucita cintu nciconya, kumuuya, eco nco bakacita kaindi kuciimo camubili. Ba kamubambula, kuciimo camubili, Jesu Kristo, Mwana aa Leza. Elyo eno, sunu, kwiinda ku Ijwi ndilyonya, alimwi kwiinda ku—ku Muuya Uusalala nguonya a Ijwi ndilyonya, Ndi—Ndi yanda kutondezya mabungano awo—awo mpo baimvwi, kuteeti ali mukucita cintu nciconya sunu, nkabela Bbaibbele lya kati inga bayo cicita, a kuzibya kuti obu mbo buzuba mbo tupona mo.

⁷¹ Nicata kakonzeka kacitwa mu myaka misyoonto yakainda. Nda amba, myaka iili makumi osanwe yakainda nocata kakonzeka kucitwa, pele sunu nce ciindi ceelede loko. Elyo nicata kakonzeka kucitwa, ndiza, myaka ili kkumi yakainda, pele inga cacitwa sunu nkaambo i—i ciindi camana. Tuli ku—tuli ku ciindi caku mamano. Alimwi Nda syoma, mbuli muzike Wakwe, cakuti tuli—tuli aafwi buyo kuzabuka kuzwa ku nyika eyi, kuya kuli Iimbi.

⁷² Aboobo, ciindi ca kweempwa, kwa cisi, camana. Nda syoma kuti cisi eci tacikonzyi kweempwa. Nda syoma kuti cazabuka muncali aakati ka luse a lubeta. Nda syoma ilimu kudadalika mu ceelekelo.

⁷³ “Mukwesu Branham, kotana talika kaambo kako, mbobuti mboya kutondezya eco?”

⁷⁴ Buyo eci, cakuti ujisi kuzulwa kwa zibi nzi zyonya ezyo Leza nzyaka nyonyweeda nyika, mu nyika ya zambangulwe. Tu jisi kuzulwa ku zibi nzi zyonya ezyo Nzya kanyonyweeda nyika mu Sodoma a Gomora. Elyo, eno, alimwi tuli jisi bumboni boonse mbubonya bwa kumuuya kabu bikkidwe awa kumbele lyesu, boonse bumboni bwa kumuuya, kuzibwa ku nyika yoonse, obo bwakaselusya luse lwa Leza aa mazyalani ayo. Cakuti, akwalo, ku kaka, kwakaleta lubeta. Aboobo ikuti na nzyalani eyi yakaka luse ndulonya obo bwa kakakwa cakutalibambila mu mazuba ayo, Leza inga waba uataluleme kubaleka buyo kakutakwe lubeta.

⁷⁵ Mbuli Jack Moore, mweenzuma wangu, ciindi cimwi wakati, “Ikuti na cisi eci calekwa buyo kakutakwe cisubulo kuzwa kuli

Leza, mpawo Leza inga uleelede kubusya Sodoma a Gomora a kulilekelela nkaambo ka kubaumpa.”

⁷⁶ Lino, tu lizi kuti kumuuya bali mukucita cintu nciconya sunu, nkambo bali mukucicita, abalo, nkambo ka bukanze mbubonya, alimwi mu nzila njiyonya eyo njo bakacita mu kubambulwa kwa Mwami, kuciimo camubili. Bali mukucicita nkaambo ka bbivwe, nkaambo ka boofu bwa kumuuya. Cakuti, ta bayandi kubona. Taba ka Ci swiilili.

⁷⁷ Jesu, mu lweendo Lwakwe awa aa nyika, Wa kati, “Kabotu Isaya wa kaamba kwa ndinywe, ‘Muli jisi meso nkabela tamukozyi kubona, a matwi nkabela tamukonzyi kumvwa.’” Mwabona?

⁷⁸ I kaambo nkakonya, makanze ngaonya—ngaonya a kubuzuyabuzya nkukonya, bali mukuleta kubambulwa kwa Kristo bwaandene, mu nzila mpya, (mbuli mbo tusika kuli ncico kwainda kaindi kasyoonto), nkambo ka twaambo ntutonya oto nto bakacita kaindi.

⁷⁹ Taba konzyi kujana cintu caku Ci lwana. Taba jisi camba cakusola ku Ci zundikizya. Alimwi ba lizi kuti bumboni mpobuli. Alimwi ba lizi kuti Bbaibbele lyaamba boobo. Alimwi cintu buyo nco banga bacita nku Ci sanku. Obo mbombubo. Aboobo, a coonse eci, twaambo tukozyenye.

⁸⁰ Elyo eno, aa ntalisyo eyi, Nda zundikizya nzyalani eyi ku kubambulwa kwa Jesu Kristo; ku kubambula, a kuzulwa; a maanza aakabungwe, aakuliyanda, mabi, aatombe yabambula Mwaami wa Buumi oyo wakali kuyanda kulipa Mwini ku bantu.

Yebo wati, “I Muntu ngonya?”

⁸¹ “Ku matalikilo kwakali Ijwi, alimwi Ijwi lyakali Leza. Nkabela Ijwi lyakaba mu mubili wabuntu, a kutondezegwa Lini.” I Ijwi lya katondezegwa mu mubili wabuntu, alimwi bakapa kaambo ku mubili a kuubikka ku lufu, nkaambo Ijwi lya katondezegwa. Hebrayo 13:8, kati, “Jesu Kristo ngu mbobuca nguwenya, sunu, amuya myaaka.” Ngu Ijwi ndilyonya. Mwabona? Elyo, ku kaambo nkakonya, bali mukusola kubambula Ijwi.

⁸² Lino, ku cibalo cangu, ku kubumwaya aa ciiyo eco nce Ndi yanda kubweza. “Kuya,” mabala one, atu pandulule, “kuya.” “Kuya,” muunzi uusalala maningi mu nyika, Jerusalema. “Kuya,” muunzi wa bukombi maningi mu nyika. Kuya, “balo,” bantu bakombi maningi mu nyika, ku pobwe lya bukombi, pobwe lya Pasika. “Kuya,” kasena kabukombi maningi, muunzi wa bukombi maningi, i—i kapati kwiinda ika tubunga toonse twa bukombi, mutwe wa ncico coonse. Kuya, “ba,” bantu bakombi maningi mu nyika yoonse, bakali bungene kuzwa ku nyika yoonse. Ba “kabambula,” lufu lufwisyanoni maningi olo lwaka konzya kuba, kujaya, muntu inga wa jaigwa; acinswe, kasamununa zisani kuzwa kuli Nguwe. “Wa—Wa kaubaula

buusu.” Ba...I cibambuzyo cili jisi i—i—i kadelu ka Mu vumbilide; pele baka mu samununa zisani Zyakwe kuzwa kuli Nguwe. I camause maningi!

⁸³ “Kuya,” muunzi wa bukombi mupati maningi, “ba,” bantu bakombi maningi, “kabambula,” lufu lwamause maningi, “Walo,” Muntu muyandisi maningi. Ikuti na oko takuli kunji kupa kaambo ku nzyalani eyi!

⁸⁴ “Kuya,” kabunga kabukombi kapati maningi, kapati maningi ka mabungano kakabungana antoomwe mu busena bomwe. “Balo,” bantu bakombi maningi iba mikowa yoonse, bantu abo bakeelede kuba mbabonya bakombi ba Leza. Ba kabungana ku pobwe lisalala lipati maningi ndo bakabamba, kusalazya kwa i...i Pasika, cindi niba kaletwa kuzwa ku buzike kuya mu lwaanguluko. Elyo “kuya” mu ciindi eco, “ba” ku ciindi eco, bantu bakombi maningi, mu pobwe lya bukombi maningi, ku busena bwa bukombi maningi, kaleta ku Mwaami wa Buumi cintu camause maningi eco cakakonzya kucitwa, ku samununa Muntu a ku Mwa anzika aa cisamu. Nkaambo, “Ulaa lutuko,” kaamba mulao oyo ngo bakali kubelesya kukomba, “ulaa lutuko oyo waanzikwa ku musamu.” “Elyo Wa kabambwa kuba lutuko nkambo kandiswe.” Kusamununa zisani Zyakwe, ku Mu uma, a ku Mu bambula, nguonya Leza wa Julu; kusamununa zisani Zyakwe kuzwa kuli Nguwe, nkabela baka Mu gagaila aa ciingano. Walo! “Kuya baka Mu bambula,” kubweendelezi bwa cisubulo cakujaigwa bwaba Roma.

⁸⁵ I lufu lwamause maningi sunu inga tilwaba lwa kudubulwa. I lufu lwamause maningi sunu inga tiilwaba kusyondwa ku mootokala a kujaigwa, kunyikizigwa mu maanzi, kuumpwa ku mulilo. Pele lufu lwamause maningi sunu ngu cisubulo cakujaigwa kubuleya, oko nyika eyo yoonse nkoikupa kaambo a ku kwiita kuti sikuzulwa.

⁸⁶ Elyo nyika yoonse yakabikka maanza ayo aa Muntu oyu a ku Mwi ita kuti sikuzulwa, kakuli Ta kajisi bubi. Elyo Wa kafwa kubweendelezi bwa sinkondo, (kutali benzinyina Bakwe, kutali milao Yakwe), pele kubweendelezi bwa kubambulwa kwa sinkondo. I Mwaami wa Buumi, Muntu muyandisi maningi oyo kuya wakasola kupona, na uyo sola kupona, Jesu Kristo. “Walo,” Muntu muyandi maningi! Amubikke eco mu mizeezo eno mbuli mbo tuyaka mbaakani eyo koonse sunu.

⁸⁷ Sa inga mwayeeya, ku busena mbuli Jerusalema, oko kwa myaka iili zyuulu zyobile amyaanda yosanwe, na kwiindilila, cakuti bantu...na myaanda ya myaka. Antela inga ndaba waindiliza aaniini muli eco. Andiza yakali kutandila ku myaka ya myaanda iili lusele na fuka, cintu cimwi. Ta ndizi buyo nzila, nanka nkulamfwu buti, kuzwa ku ciindi Solomononi nakayaka tempele. Ndi yeeyela kuti, myaka iitandila ku myaanda iili lusele, cintu cimwi mbuli eco.

⁸⁸ Elyo bakalangila kuboola kwa Mesiya. Bakali bungene kuya ku kukomba kwa Pasika. Amuciyeeye buyo eno! I mweendelezi wa boonse ba Farisi, ba Saduki, a baabo mbo mujisi, kubungana komwe kupati, ku kukomba Leza. I busena busalala maningi, Jerusalema, tempele lya Mwami, alimwi bantu ba Mwami, bakabweza Mwami Mwini a ku Mu bambula, a cisubulo cakujaigwa. Ncintu cili boobu!

⁸⁹ Lino alo mabala one, ba, “Kuya baka Mu bambula.” Lino, uci tondezya Bbaibbele, nywebo mwabona. Ngu mabala one buyo, pele Bbaibbele lilungulula Masimpe Aalyo.

⁹⁰ Lino, mebo, Nde elede kweenda lweendo loonse, kupandulula nce Ndili mukwaambaula, pele Bbaibbele ta lyeede kupandulula cintu. Lyalo Mbwini buyo boonse, aboobo i—i Bbaibbele ta lyeede kupandulula cintu cili coonse. Ta—Ta lyeedelede kucipandulula, nkaambo Ngu Bwini boonse.

⁹¹ Ngaaya mabala one aa nketani Yayo mpati iya Bwini. Njo sola ku Bu pandulula. Njo sola ku Bu pandulula, cantangalala, inga cabamba laibburari. Taakwe nzila kuli ndime ya kupandulula mabala ayo one. Pele eno atucite, kwiinda ku lugwasyo Lwakwe Oyo wakapa kuti Ci lembwe, kusola kupandulula mabala aya one, ku leta mu nzila iili boobu eyo bantu njobanga bacimvwisya.

⁹² Eco nco tujisi kumbele lyesu eno, tu jisi kubambulwa kutaanzi kubikkidwe kumbele lyesu; ku *busena* busalala maningi, *bantu* bakombi maningi, *lufu* lwamause maningi, ku *Muntu* muyandisi maningi. Oh, ngu lwiimpano luli boobo. Ma, oh, ma, ncintu ca sampu!

⁹³ Lino atu bweze, kusaanguna, ibbala lya kusaanguna, “kuya.” Atu libandike maminiti masyonto katutana kuleta kupa mulandu. Tuyo abaula eci a ku mutondezya eco ncobakali kucita, mpawo tuyo ziba ikuti na kupa mulandu kwangu kuli luleme na pe. “Kuya,” Jerusalema, busena buubauba busalala maningi, nkaambo tempele lyakali kuya; busena busalala maningi, nkaambo, lyalo, tempele, lyakali kuya. Elyo ba Juda kuzwa ku nyika yoonse bakabungana ku busena obu bomwe, masena aa kuswaanganina ku komba. I maningi... busena buleme maningi bwa ku komba obo bwakaliko, bwakali Jerusalema. I tempele lyakaliko kuya. Nkokuti, “Ku lilembedwe, ‘Bantu boonse beelede kukombela ku Jerusalema,’” ncibotu, nkaambo mbo busena bupati bwa kukombela.

⁹⁴ Elyo sunu mula bamvwa, umwi wabo uyanda kwaamba, ba, “O, tu boola mu miswaangano eyi mipati,” oko tubungwe otu nko tucijisi. Elyo—elyo mpawo tu jisi i—i kujulwa kwa i... ku Dolopo lya Vatican, a—a kunanika oku kwa ma pope, a zimwi zintu. Ba, bantu boonse balaamba, “Toonse tweelede kuunka ku masena akuzivwuka zya Methodisti, na i—i muswaangano mupati wa Bible Baptist.” Na—na, “Toonse tweelede kuunka ku—ku Rome,

alimwi kuya oko kuli busena bupati,” mbo baita kuti, “bwa Bunakristo.”

⁹⁵ Mumwaakwe wa ciindi ca lumamba lwa maminino, cindi Rome niya kawa, basilumamba aba bana German... Bunji bwanu nobalombe mulizi makani a ceeci. Balo basilumamba bana German bakajoka kutala mu Dolopo lya Vatican kuya, nkabela bakadubula bana America mbuli mbo bakali kuya buzwidilila. Mukwesu Funk, a Mukwesu Roberson, a banji, a Mukwesu Beeler, a banji bakwesu aabo bakali mu lumamba olo, balizyi. Elyo mulizyi na cintu? Twa kapa malailile kuti bata dubuli dolopo eelyo. Bana America, mwakaima kuya, nkabela mwakali cintu cakudubula kuli mbabo. Pele ku West... Westminster Abbey ku i... mu England, inga mwadubula eco kabotu; oko nko nkuko ba Protestanti nkoba kabungana. Aboobo cakali kabotu kudubula aali eco, pele kutali kudubula Vatican. Nkaambo, mbuli Muleli Roosevelt... Nda kamvwa mubandi wakwe cindi na—cindi na kazibya bantu banji busiku obo, uuteywa, A Fireside Talk. Wa kati, “Cindi Rome niyakawa,” wa kati, “mause loko, nkaambo Rome ngo mutwe wa Bunakristo boonse.” Sa inga mwayeeya muna Protestanti kaamba eco?

⁹⁶ Aboobo busena bupati bwaakati bwa bukombi ibwa Bunakristo, ee, tu unka ku—tu unka ku busena obo mbuli Jerusalema, ikuti na mula yanda. Ikuti na inga mwayanda kucita eco, atu cibikke ku Jerusalema. I mutwe wa bonse aba bambi, i—i—i ba Sanhendrini, a—a ba Farisi, aba Saduki, boonse babo bakaunka kutala ku Jerusalema. Ayo akali masena ncobeni aayendeleya.

⁹⁷ Elyo mu buumi bwakabunga, mweelede kuzumina kuti Mbungano ya Katolika iyabana Roma ngu bweendelezi bwa zyoonse. Masimpe mbibede. Elyo yaka talikila kuzwa ku Pentekoste. Oko nko kubusena nkoba kasika cindi noba kaba kabunga. Lino swebo, ba Protestant, mabungano buyo aakazyalwa ku mbungano eyo. Elyo eno atwaambe kuti ciyooba kuya ku Vatican, sunu.

⁹⁸ Na, kuya ku Jerusalema, mbuli mbo cakabede ku buzuba obo, “Cindi bantu boonse noba keelede kuboola ku Jerusalema kubeleka... kukomba.” Nkaambonzi nco bakacicita mu mazuba aa—aa Jesu? Nkamboonzi nco bakaamba kuti bantu boonse beelede kukombela ku Jerusalema? Nkambo, kuli busena bomwe luzutu oko Leza nkwayo swaangana a muntu, oko nkuunsi lya bulowa bwa cituuzyo. Ako nke kaambo nco bakeelede kuboola ku Jerusalema.

⁹⁹ Leza kwiina naya kuswaana a muntu kubusena boonse bumbi pele kungsi lya Bulowa. Cindi mwakaka Bulowa, mpawo busena bwa kuswaanganina a Leza bwagusigwa. Leza wakabamba muzeezo Wakwe mutanzi mu muunda wa Edeni, kuti muntu uyo Mu komba buyo kungsi lya bulowa bwakatilwa

ibwa cituuzyo. Elyo obo mbo busena bulikke Leza mbwa swaana a muntu mpawo, alimwi obo mbo busena buyo obo Leza mbwa kasola ku swaanana a muntu.

¹⁰⁰ Elyo obo mbo busena bulikke Mbwa swaana a muntu sunu, nkuunsi lya Bulowa bwakatika ibwa Cituuzyo. Mwabona? Ta ndikwe makani na uuli muna Methodisti, Baptisti, Presbyteria; ikuti na mwakonzya kuluba kwiimpana kwanu, Katolika yaba Roma, kufumbwa mbo mukonzya kuba, alimwi muyo boola kungsi lya Bulowa bwakatika, Leza uyo tu swaana toonse kuya. Awo mpe mpawo toonse mpo tukonzya ku swaangana a kuba a luswaanano aa mbaakani zikozyenye. Pele, kuzelyaboobo, Ta ka swaani buyo nkaambo uli muna Methodisti; Ta ka swaani buyo nkaambo muli ba Pentekoste. Uyo ku swaana kungsi lya ciimo comwe, obo, kungsi lya Bulowa bwakatika, cindi zibi zyako zyaambwa a kumwaigwa mu Busyu Bwakwe, mpawo, kwiinda ku Bulowa. Elyo Bulowa lyoonse buli kumbele Lyakwe, elyo aboobo Ula konzya buyo kukubona kwiinda mu Bulowa obo bwakatika. Nkabela ula tuba mbuli caanda, mwabona, cindi walyaamba zibi zyako. Kuzelyaboobo, toko muya pe, tokonzyi kuba a luswaanano.

¹⁰¹ Ako nke kaambo kakuti tamu konzyi kubona zintu kucitika mu mabungano. Bala zumina kuti bala syoma Bulowa, pele bala kaka ngaonya makanze a kusika ku Bulowa; Ijwi. Mwabona? Kuli nzila yomwe luzutu eyo Leza nja yolemeka eelyo ngu Ijwi. Kwiina nomuyo lemeka Ijwi eelyo, kuboola akuti, “Ndi muna Katolika ya Roma. Nda lailila cabwami *eci* kuti cicitwe.” Yebo tokonzyi kucicita. Methodisti, Baptisti, naba Pentekoste, tamu konzyi kucicita.

¹⁰² I nzila buyo njo mukonzya kucicita nkuunsi lya luse lwa Leza, kwiinda ku luzyalo Lwakwe, nku boola kwiinda mu Bulowa bwakatika ibwa Jesu Kristo, kwaamba, “Mwami, Nda taminina cisyomezyo.” Mwabona? Elyo mpawo ikuti na muli kungsi ncobeni kwa Bulowa obo, Leza uli sinikizidwe ku Ijwi eelyo. Pele, kusaanguna, yebo weelede kuba kungsi lya Bulowa obo. Mwa cibona ino na? [Mbunga yaamba, “Ameni.”—Mul.]

¹⁰³ Ta cigambyi nco batakonzyi kusyoma mu maleele. Ta cigambyi nco batakonzyi kusyoma mu cigambyociinda. Ta cigambyi bala cisampaula. I kaambo nco bakacisampaula kaindi kuya, ngu kaambo nkakonya nco bacisampaula sunu. Bali zulidwe mbuli kuzulwa mboku konzya kuba. Nkaambo, kungsi buyo lya Bulowa bwakatika!

¹⁰⁴ Elyo abo banga baba a cambia, mukwesu umwi muniini oyo ulaa cambia, kungsi lya bubombe, ku syoma Leza ku Ijwi Lyakwe, alimwi kweenda kubusena kuya a kulyaambilila zibi zyakwe, a kuluba otu tuyanza toonse twabuzumini a zintu, a kwiima kuya kungsi lya Bulowa a ku Ci syoma, mpawo bayanda kumwiita kuti “sikwiindilizya.” Bayanda ku mubikka mu musela wa...

mbuli mbo tunga twa caamba; talili ibbala bbotu kubelesya ku cikambaukilo, pele kutegwa mumvwisye, ngu “cigambyo.”

¹⁰⁵ Nekubaboobo, sena tamuli zigambyo nyoonse? Mwabona, musyomi ncigambyo kuli sikutasyoma, alimwi sikutasyoma ncigambyo ku musyomi, aboobo nguni cigambyo? Mwabona? I mulimi ncigambyo kuli simakwebo; simakwebo ncigambyo ku mulimi, mwabona, aboobo nguni walo, kwalo?

¹⁰⁶ Nda mwaambila, lufutuko ngu makani aa muntu kumugama atoomwe amuntu a Leza, alikke, muntu kumugama, “kulingula lufutuko lwesu lwini a ku yoowa a kukankama.” Elyo Ndi lizyi kuti taakwe mbaakani iimbi, mbuli mwiyi, cifumo cino, na mukutausi kuzwa kuli Kristo, kunze lya kucibikka aa Ijwi. Ta ndikonzyi kucibikka aa cintu cibi cili coonse.

¹⁰⁷ Lino tu jana kuti kuya, mpawo, kuti kungsi buyo lya bulowa, kuteeti Leza waka swaana mukombi, aboobo baka swaana ku Jerusalema.

¹⁰⁸ Elyo Kristo ngu Kabelele ka Cituuzyo kakapegwa aa Leza. Elyo sunu kuli busena bomwe luzutu obo Leza mbwa swaana muntu, nkabela oko nkuusi lya Bulowa bwa Jesu Kristo. Kufumbwa busena bumbi, buli sampawidwe; Leza kwiina nayo bumvwa. Inga mwacita musyobo oonse wa kunyanyamukwa, a musyobo oonse wa zilengwa, a kuzungaana, a kusotauka, a kuba a bulowa a mulilo a busi, a zintu zyoonse zimbi; pele kufumbwa kuti buumi obo kabu teendelani a Ijwi, elyo Leza katondezya buumi obo cakumaninina, mpawo taku ciyandiki kucisola, nkaambo uli zwide. Elyo Leza kwiina nayo ciswaana kusikila caboola kungsi lya makani aa Bulowa obo. Kuli kabotu.

¹⁰⁹ Aboobo, nywebo mwabona, mu Lugwalo, tuli jisi Jerusalema, Mbungano ili jisi; kwalo uliku Julu, Jerusalema Wakujulu, oko Leza nkwali Leza. Elyo, sunu, takuli kungsi lya kansiyansiya kamwi na cintu cimwi, eco nco tusola kuciamba kuba Jerusalema. Inga twayanda, ba Methodisti, inga bayanda, eno, mbuli kupanga i—i masena akweendelezezya aa Methodisti kuba Jerusalema. I wa Katolika inga wayanda kubamba Rome. Elyo—elyo masena aaindene oko nko tujisi masena akweendelezezya, inga twa yanda kubamba kwesu... kuba Jerusalema. Pele Bhaibbele lilaamba, kuti, “Jerusalema wesu uzwa Aatala, uuli ngu bweendelezi bwa basyomi boonse.”

¹¹⁰ Lino, alimwi Kristo ngu Kabelele ka Leza kakapegwa. Amubone obo mbo cakali kweelela, kutondezya kuti Jerusalema wakali kumana. Cindi nzi? Ca katalika kuba kusikila oora eelyo. I bulowa bwa kabelele bwakali kabotu kusikila ku buzuba obo, pele eno ku kubambulwa bwa kacinca. I ciyanza cakaindi camana. Kuli cimwi cipya, alimwi i—i Kabelele kakali ku Cituuzyo. I Kabelele, Kabelele kacituuzyo, kakali mu masena. Ba kali kusampaula a kucita cintu nciconya eco ncoba keelede kucita. Mbo mbubo.

¹¹¹ Leza alelekwe, nkambo ka kubona Mumuni oyu mubotu Wakujulu mu buzuba obu bwa mamanino! Nkaambo, mabungano ali mukucita cintu ciconya sunu. Kusikila ku bukombi obo bwa kabunga kwasampaulwa a kutondezegwa kuba butuula Ijwi lya Kristo, kuzwa ku ciindi eco kuboola Ijwi, alimwi Ijwi buyo. Kuzwa, ku kabelele kakaindi ka pasika kakamana nkabela Kristo waba Kabelele kesu, ku buzuba bwa kubambulwa. Elyo buzuba obo kabungwe noka kabambula Ijwi lya Leza a kutambula kansiyansiya mu busena bwa Ijwi, obo mbo buzuba Ijwi nilya kanjila mu kubeleka kuzwide. Eco cali buyo cainoino.

¹¹² Amubone, cabili. Kusaanguna, “kuya,” Jerusalem. Cabili, “balo,” balo. Bani? I ba Juda, bakombi. Amu ciyeeye! I bakombi lwabo bakali kujaya nguonya Umwi oyo ngo bakali kutaminina kuti bakali kukomba. Sa inga mwayeeya cintu cili boobo, mbuli bantu bapampu ibakali bapaizi, cakuti bakaiya, cakuti bakali jisi digrii lya bwiiyi kusikila antela bakali kunga. . . Balo, balo bakazwa ku nzyalani imwi kabatana balo. . . na—na mukowa, kabatan akwalo kukonzya kuba bapaizi. Ba leelede kuba ba Levi. Ba mawisi bakali bapaizi. Ba syanyinakulu bakali bapaizi. Ba syanyinakulu bapati-bapati-bapati-bapati-bapati bakali bapaizi. Ba kalelede kupona buumi bwakasalazigwa loko, mane, kabeela komwe kaniini loko kabalwana, niba kaumwa mabwe. Kwiina luse lwa kapegwa. Kusalala? Masimpe, pele busalali bwa kulibambila. Wakelede kulilemeka obo, ku tondezya busyu bwabo ku mbungano yabo. “Mukati lyabo,” Jesu wakati, “nywebo muzwide zifuwa zya bantu bafwide.”

¹¹³ Obo mbo Ndi konzya kuleta kupa mulandu nkoonya kuya! Nkabela muntu uuzi kuti Obo kuba Bwini, Ijwi *eli* kuba Bwini, mpawo uyo limvwanya kuli Ndilyo, ku tondezya bube kumbele lya kabunga kamwi, uh-huh, Ndi jisi nguzu zya kubapa mulandu, mpoonya, aa Ijwi lya Leza.

¹¹⁴ Amubone, “balo,” bakombi, bantu abo bakali kulangila cisyomezyo, bantu bakali kucilangila, kwiinda mu myaka a makkalo, a kutaba cintu cakucita pele mu seminari eyo cakuzumanana. Pele ba kaabaula Ijwi kweendelana aa kuyiisya kwa seminari, alimwi tiiba kabubona Bwini mbubonya bwa Ndilyo. “Balo,” bapaizi, mulimo wa buzuba obo! “Kuya,” ku masena abo akweendelezezya, “balo,” mulimo wa buzuba obo, wakali *kujaya* Leza nguonya, *Kabelele* nkakonya. I Umwi nguonya ngo bakataminina kuti bakali kutaminina kukomba, bakali kujaya.

¹¹⁵ Elyo, sunu, Nda pa mulandu ku nkamu ya bakutausi bananikidwe; mu tunsiyansiya twabo a tubungwe, bali muku bambula, ku bantu, Leza nguonya oyo ngo bataminina kuyanda a kubelekela. Nda pa mulandu ku bakutausi aba, mu Zina lya Mwami Jesu, ku njiisyo yabo, eyo njo ba taminina kuti “mazuba aa maleele akainda,” a kuti “lubapatizyo lwa maanzi mu Zina

lya Jesu Kristo ta lukkwanyi a kuta lulama.” Ku Majwi aali oonse aya, cakuti basintanya a tunsiyansiya, Nda bapa mulandu, mbuli basikuzulwa, alimwi Bulowa bwa Jesu Kristo aatala aa mitwe yabo, nkambo kakubambula Mwami Jesu mu nzila mpya, ciindi cabili. Bali mukubambula Kristo, ku buleya, kugwisya cintu kuli mbabo eco nco beelelede kupa kuli mbabo. Nkabela basintanya cintu cimwi cimbi mu busena Bwaco; kansiyansiya ka mbungano, nkambo kampuwo.

¹¹⁶ Kuya balo, “balo,” bamwi bakeelede kuziba kabotu loko. Ikuti na kuli bantu bali boonse bakeelede kuziba kabotu, bakeelede kuba balo bakutausi. Ikuti na kwakali muntu uuli oonse wakeelede kuziba kabotu, weelede kuba mupaizi wa buzuba bwa sunu. Ikuti na kuli muntu uuli oonse weelede kuziba, i—i—i mabishopo, a ma archibishopo, a—a bakutausi, a bamaiyi ba zyabukombi, beelede kuziba bwandeene. Pele nkaambonzi tabakonzyi balo? Uh! Ino ndwiindano! Ino eco nco tujisi kumbele lyesu kuno pele i—i lwiindano! Ba taminina kuti bakomba Leza, nkabela bali mukujaya Mwaami wa Buumi. Balo, “kuya baka Mu bambula,” alimwi awa *balo* alubo bacita cintu nciconya, nkambo Walo ngu Ijwi.

¹¹⁷ Obo Mbwa bedede, kutondezegwa buyo kwa Ijwi. Alimwi obo mbombubo Mbwa bedede sunu, kutondezegwa kwa Ijwi, kusola kujana muntu umwi kuti alitondezye Mwini kwiinda mo.

¹¹⁸ Elyo bantu aba basosolola mbunga kuzwa kuli Leza. Elyo—elyo ikuti na kuli cintu cili coonse cicitika, alimwi caambwa mu mbunga, bala cisampaula kuzwa ku cibumbili, kuzwa ku cikambaukilo, a kwaamba, “Nciimo cakwiindilizya. Amu citantamuke!” Mu kucita boobo, bala bambula Jesu Kristo mu 1963, nkabela bali zulidwe buyo mbuli balombwana abo ku i. . . ku buzuba obo. Ako nkaambo katabotelezyi, pele mbwini. Ku. . . Obo mbombubo eco nco bacita sunu.

¹¹⁹ Elyo ku mbaakani ezi, ku mbaakani zya kubambula Kristo, ku mbaakani ya kubweza Ijwi a ku Li gwisiya kuzwa ku bantu; eco ncencico ncobeni ncobakali kucita kuya. I Ijwi ndilyonya eelyo Leza mwakali kuli tondezya kwiinda mu Mwana Wakwe Mwini, kuzibya kuti lyakali Ndilyo, alimwi Umwi oyo ngo bakali kutaminina kuti bakali kuyanda, Jehova oyo wakali yubulula Mwini kwiinda ku Magwalo, kacita mbubonya eco Nca kaamba kuti inga Uyo cita, mbubonya eco Leza Nca kaamba kuti inga Uyo cita, alimwi waka Ci tondezya kumbele lyabo. Nkaambo luyando lwa nkamu zyabo izya mbungano, alimwi zintu mbuli eco, baka sampaula Mwaami wa Buumi.

¹²⁰ Elyo Nda pa kaambo ku nkamu njiyonya sunu, a kubapa mulandu, mbuli bazulidwe kubusyu bwa Leza, kwiinda ku Ijwi lya Leza, kuti bali mukucita cintu nciconya. Inzyalani eyi yapegwa mulandu. Amuyeeye ba Hebrayo 13:8, “Ngu mbuboca nguwenya, sunu, amuya myaaka.”

¹²¹ Mbobuti mbo baka Mu pa mulandu? Nkaambo kakuti tunsiyansiya twabo notwata Mu tambula pe, elyo kungsi kwa moyo wabo bakazi bwandeene. Sena Nekodemu, mu capita 3 ya Musalalli Johane, taka cipandulula kabotu? “Rabbi, swebo, ba Farisi,” bakambausi, bamaiyi, “tu lizi Yebo kuti uuli mwiiyi wakatumwa kwa Leza, nkambo taakwe muntu uukonzya kucita zintu ezyo Yebo nzocita citakuti Leza wakali a nguwe.” Mwabona? Ba kacipeda bumboni ku buleya kuli umwi wa bantu babo bazizilwe, alimwi kululauka. . . nkaambo tunsiyansiya twabo, ba kabambula Kristo.

¹²² Elyo sunu kwiina sikubala oyo uutakonzyi kubala Incito 2:38 mbubonya mbo Ndi konzya Kwii bala, a bumwi bwa Njiyo, mbubonya buyo mbuli mbo Ndi konzya Kwii bala. Pele nkaambo ka tunsiyansiya twabo, alimwi nkaambo ka matiketi abo aakabungwe oko ngo bajisi mu nkomo zyabo, zyaando zya cinyama ezyo nzyobali mukubweza koonse mbuli makkadi aa luswaanano; a kubweza zintu ezyo, bala libambwida Jesu Kristo mu nzila mpya, a ku Mu bambula kumbele lya buleya, a kusanka Leza nguonya oyo wakasyomezya kucita Eci, kuleta lunyonyooko ku mukowa.

¹²³ Lino, kuya, “balo,” kutali sizibi. “Balo,” nkokuti, mbungano ya buzuba obo, ba kajana kampenda ku Muntu Oyo wakali Ijwi. Sa eco cililuleme? Ba kajana kampenda ku Muntu Oyo wakali Ijwi. Lino ba kajana kampenda ku Ijwi kali beleka kwiinda mu muntu. Mwabona, bala cicita mu nzila imwi imbi. Calo, cili mu muntu, Oyu, Muuya Uusalala uubeleka kwiinda mo, nkusimpikizigwa kwa Leza.

¹²⁴ Mbobuti mbo bakaziba kuti Wa kali Kristo? Nkaambo milimo Yakwe ya katondezya kuti Mbwa kabede. Wa kati, “Nguni umwi wanu uunga wa Ndipa kaambo ka cibi? Ikuti na Tii nda cita mbubonya eco Lugwalo nco lwakaamba kuti inga Njo cita! Elyo cili. . . Muntu umwi ku Nda ambila awo Mpo nda kakilwa a busena bumwi, ikuti na Tii ndatondezya zitondezyo zyoonse kuti Ndime Mesiya, kuti Ndime Umwi oyo ngo mwaka syomezegwa.”

Kati, ba kati, “Ee, tuli jisi Musa. Tula syoma Musa.”

¹²⁵ Kati, “Ikuti nomwaka syoma Musa, nomwaka Ndi syoma. Ikuti na nywebo. . . Musa wakabona buzuba Bwangu alimwi wakayandisya ku—ku pona mu buzuba buno. Musa wakabona kulaale loko, a basinsimi. Elyo mpaawa mpo mubede, kupona kuli Nicco ncobeni, a kupa kaambo.” Kati, “Nywebo no basikuupaupa,” kati, “mula konzya kuziba busyu bwa milengalenga, pele citondezyo ca ciindi tamu konzyi kuziba.”

¹²⁶ Nceeco we, citondezyo ca ciindi. Ino baka Mu bikka mu musela nzi? “I sikwiindilizya, muntu uusondokede.” Inzya, ba kajana kampenda ku Muntu Oyo wakali Ijwi.

127 Wa kali Ijwi. Musalali Johane, capita 1, ila citondezya, “Ku matalikilo kwakali Ijwi, alimwi Ijwi lyakali a Leza. Nkabela Ijwi lyakaba mu mubili wabuntu, a kukkala aakati kesu.” Wa kali Ijwi lipona ilya Leza, nkaambo Wa kali kutondezya Leza kwiinda muli Nguwe. Wa kalyaamba cakumaninina loko ku—ku Ijwi lya Leza, mane Walo a Ijwi bakaba cimwi. Elyo obo mbombubo Mbungano mbo yeelede kuba sunu, kuti Ijwi lya Leza ngu cimwi.

128 Mbobuti mbo konzya kuba cibeela ca Ijwi eelyo kakuli ula tandila kukaka Mbubo? Elyo kaambo ncocicitwa, takali ikaambo kuti bantu; ako nke kaambo nco Ndi yeeya kuti Leza wa kaamba kuli ndime kujatikizya kwiita bantu Bakwe kuteeti “ba Ricky” a “ba Ricketta.” Ngu kaambo ka tubungwe otu tuliyanda, twa njizya bantu abo kabapona kuya mu nzila njo bali mukupona. Ba bambula Bwini. Elyo bantu ba Ci ita kuti kusanka, nkabela ba Ci bamba kuba kusanka, mubwini. Ba Ci ita kuti cimo cakwiindilizya, a zimwi zimbi, a kutaziba kuti bali mukusanka Leza nguonya oyo ngo baunkila ku cikombelo kuyo belekela.

129 Aboobo, Nda pa mulandu ku nkamu eyi ya bapaizi sunu. Nda pa mulandu ku nzyalani, mu Zina lya Jesu Kristo, ku bweendelezi bwa Ijwi lya Leza. Muli muku Mu bambula alubo.

130 Amubone, “Ngu mbobuca nguwenya, sunu, amuya myaaka,” Ijwi lya Leza lya simpikizigwa mu muntu.

131 Amweezyanisye ba Kalivari bobile a kutamikizigwa kwabo. Amuyeeye, “Nkaambo Wa kalibamba Leza Mwini, ta tuka tambuli Muntu oyu kuti atweendelezye.” Ino kwakali kutamikizya kuli buti nko bakakonzya kujana, mu nkuta cifumo eco, ciindi noba kabambula Jesu? Kutu, “Wa kalibamba Leza Mwini.” Wa kali Leza. “Alimwi Wa kasotoka Sabata.” Alimwi Wa kali Mwami wa Sabata. Ba ka Mu pa kaambo nkaambo Wa kalibamba Leza Mwini. “Yebo tokwe nguzu zya kucita eci. Yebo tokwe nguzu. Bapaizi besu bapati, ikuti na kuli cintu cili coonse ciboola, ciboola kwiinda mu bapaizi besu.” Lino amweezyanisye eco a Kalvari sunu.

132 Kakuli, Leza, caka botela Taata loko, Leza, Muuya, kubusya Mwana Wakwe Wini; wakavunikila Maria, kwiinda ku Muuya Uusalala, nkabela wakazyala mubili oyo wakali kukonzya ku Mu belekela a ku belekela bukanze Bwakwe kuli Nguwe. “I Leza wakali muli Kristo, buzule bwa Buleza camubili, muli Nguwe,” katondezya obo Leza mbwakabede, ku bantu, ku lekela i—ku lekela nyika yoonse kuziba eco Leza ncakali kuyanda muntu amuntu kuba: mwana mulombe, a musimbi. Wa kabweza Muntu omwe a kucicita. Elyo nkaambo kakuti Ta kasangana ku zyuuno zyabo zyakabunga, baka Mu pa kaambo a ku Mu bambula.

133 Lino amweezyanisye a Kalivari eyo a sunu. [Kabeela katakwe cintu aa teepu—Mul.] Nkaambo ka kuyeeyela kwabuyo

kwakabunga, nkaambo ka kancimwa aakati ka basicikolo bapati abo beelede kuziba Ijwi lya Leza a bukanze; nkaambo ka ceeci, Leza inga wabweza nkamu niini ya bantu eyo Nja konzya ku belekela mo, kubusena bumwi, a kulitondezya Mwini, abo bayo libombya ku Ijwi. Elyo bala konzya ku caamba kuti tacili boobo.

¹³⁴ Teeba kakonzya kwaamba kuti Ta kacicita, nkambo mbunga yabo yakali kamboni kuli ncico. Ca kali kumbele lyabo. Teeba kakonzya ku cikaka. Teeba kakonzya kukaka kutaminina Kwakwe, nkaambo, Ijwi ndilyonya eelyo ndo ba kaamba kuti bakalisyoma, wakali Umwi Oyo wakatondezya kuti Mbwa kabede. Nkaambo, Leza wakabweza Ijwi eelyo lya keelede kuba Mesiya a ku Li tondezya kwiinda mu Muntu, alimwi bakacita ku Mu gwisya. Ni nzila buyo njo baka konzya kuzumanana, yakali ya kutapula Mesiya. Elyo ba kacicita kwiinda mu boofu a kutaziba, kakutakwe makani a lwiiyo lwabo. Ba kali basongo, bapampu; kwaamba kwanyika.

¹³⁵ Mbuli mbo twa keezyanisya busiku bumwi, cindi Mumuni niwakauma mweendelezi muvubi mukubusyi, amulange eco ncakacita. Wa kakaka; muntu musongo. Paulo, muntu uumbi musongo, Mumuni wakamuuma. Ino wakacita nzi? Wa ka Uta mbula. Wa kaciluba, koonse nkwa kasola kuziba, kuti akonzye kuziba Kristo. Eco cakabamba buumi bwakwe kweelela ku Makani mabotu. (Mulumbe wa masiku Munsondo yainda.)

¹³⁶ Nceeco mbo Ci bedede sunu. Cila uma ndiza muntu umwi muniini, oyo wakaleya, wakajisi kwiitwa kwa Leza, wa kalimvwa, wakainka ku seminari imwi a kwiiya kansiyansiya kamwi. Uleelede kuponena ku kansiyansiya ako kwataba boobo weelede kujosya kkadi yakwe lya luswaano. Ikuti na wacita, waba uumakidwe, takwe muntu umwi uyo mutambula, nkaambo kuti ciindi cimwi wakali kuzulilwa ku cintu cimwi cimbi nkabela eno ta zulilwi kuli ncico. Bala yeeya kuti kuli cintu cimwi cilubide a muntu oyo, nkabela taba kamutambuli mu mbunga yabo. Kakuli, mbunga ilangila buyo citondezyo comwe, nko kuti, ikuti na ula syoma eco ncoba syoma.

¹³⁷ Ikuti na ujisi kkaadi, ikuti na ngwa Methodisti, ikuti na ngu kkaadi. . . uzulilwa ku luswaanano lumbi, na Oneness, na wa Trinitaria, na kufumbwa mboinga yaba, mbungano ya Leza, na zyuuno zya Pentekoste, nkabela zyuuno ezi zyoonse. Ikuti na ulabweza kkaadi, balimvwa kuti masena aaendelezya amu lingula a kusunka mizeezo yakwe, a kumupa kusunkwa kwa musilisi wa zyakuyeeya, a kubona kuti na I.Q. yakwe yakali inji kweelede kuti inga waambaula kumbele lyabo. Ikuti na taba citi, bala mukaka. Mbo mbubo.

¹³⁸ Pele, nywebo mwabona, mbunga yeelede kuti kailangilila janza lya Mwami, kubona naa Leza wamupa kunanikwa kwakwe na pe. Eco ncencico nco tweelede kulanga. Pele sunu ba bambula

i—i—i Mwana wa Leza mu nzila mpya. Kakuli, muntu ulakonzya, ku luzyalolwa Leza, kwiitwa kuti wa Leza, kulekela Leza ku Li tondezya kwiinda muli nguwe. “I milimo eyo Nje cita muyo icita ayalo,” Wa kaamba. Amuzibe eco buzuba obo mbo tupona mo!

¹³⁹ Balo, balo babweza, balo—balo babweza i—i Kalivari njiyonya, tula bona kuseeni kuno, alimwi a kaambo nkakonya. Lino, ba kalizi kuti bwakali Bwini; pele nkaambo ka bbivwe, kuyeeyela kwabuyo. Ino Jesu wakaamba nzi kuli mbabo? “Ikuti na Nda tanda badyabulosi ku munwe wa Leza, mpawo nguni—nguni ngo mwaatanzya? Ababe mubetesi wanu, mwabona, ikuti na Mebo ku munwe wa Leza kutanda badyabulosi.”

¹⁴⁰ Lino, mbuli buyo mwaka bamvwa kabaamba, “Sa inga watondezya kuti munwe wa Leza?” Inga nindakayanda kubona, inga Nda nindakayanda kumvwa mubuzyo oyo kubuzigwa kuli Nguwe. Bakali basongo loko kuli eco.

¹⁴¹ Amuzibe, “Nkaambo kakuti Wa kalibamba Mwini kuba Leza,” nkabela Wa kali Leza. “Elyo tatuka Mu lekeli ku tweendelezya.”

¹⁴² Pele eno zintu, kulila kwakaindi nkukonya kwaboola lwabili, “Eelyo Bbaibbele lya kalembwa aa muntu,” ba laamba. “Ta tweelede kuponena kuli Ndilyo.” Eelyo ndya Leza. Eelyo ndi Ijwi lya Leza. Ngu Leza, Mwini.

Nda kali kwaambaula ku mwaalumi ijilo, kati, “Ee, bantu bamwi kuleelede kuti bakalemba Bbaibbele eelyo.”

Nda kati, “Iiyi, bakali mbabo. Zina Lyakwe, tuli Mu zyi mbuli Leza.”

¹⁴³ Lya kalembwa kutantaana kwa myaka iili zyuulu zyone, kutandila, Malembe, kaindi kuzwa kuli Jobu, lweendo loonse kusika ku Cizuminano Cipyra, a kalembwa kwiinda ku myaanda kwiinda ku—ku. . . a myaanda ya myaka kaitanteene; alimwi lyakalembwa kwiinda ku bantu bandeene, nkabela kutaziba umwi, mu zibeela zyandeene zya cisi, nkabela taakwe Ijwi lya Ndilyo liyo sampaulana. Nda lailila acamba kufumbwa muntu kuboola kungsi lya Bulowa bwa Jesu Kristo a kutaminina cisyomezyo cili coonse mukati Muya! Leza ulisinikizidwe ku Li bamba.

¹⁴⁴ Pele taba kaciciti. Bayo boola, kwaamba, “O Mwami, Ndi yanda kucita cintu cimwi. Kondipa cipego cipati. Aleluya, Mwami! Bulemu kuli Leza, Nda syoma Ndi cijisi. Aleluya!” Ta cika beleki. Inga mwaleta kunji kwa lwiiyo lwa kulilemeka kwa mizeezo, pele ta cika beleki.

¹⁴⁵ Leza weelede kutambula kweempwa oko. Leza weelede kucita eco. Inga waamba kunji antoomwe munzila eyo, pele Nda syoma muli—muli mukumvwa.

¹⁴⁶ Amulange, pele eno taba kazumini kuti Ijwi li beendelezye. Nda amba, “Umwi aumwi wanu amujoke. Mwaka bapatizigwa bulubide. Mwaka bapatizigwa mu mbungano ya Katolika.”

¹⁴⁷ “Nduweni yebo ku twaambila eco?” Ta ndili ndime; ndi Ijwi. “Pele Nda mwaambila, tu—tu lasyoma. . .” Ta ndikwe makani eco nco musyoma; ngu ceeco Bbaibbele nco lyaamba. “Pele tatu poneni kuli Eelyo.”

¹⁴⁸ Amu cicite, kwataba boobo muli kungsi lya lubeta lwa Bbaibbele eeli. Nkaambo, “Kufumbwa muntu uyo gwisya Ijwi lyomwe kuzwa kuli Ndilyo, na kuyungizya lyomwe kuli Ndilyo, nguonya uyo gwisigwa, cibeela cakwe, ca Bbuku lya Buumi,” abe mukutausi, mupaizi, na kufumbwa muntu mbwabede. Mweelede kuboola kungsi lya bweendelezi bwa Ijwi eeli, nkambo Ngu Leza. I Bbaibbele lilaamba kuti Ngu Leza.

¹⁴⁹ “Tatu ka Li zuminini ku tweendelezya.” Bala bweza tunsiyansiya twabo, a tubungwe, a zintu zyabo—zyabo ziniini zitakwe makani eni ezyo nzo basyoma, nkabela zyaka salwa a nkuta zyeendelezya, a kucibweza mubusena bwa Ijwi lya Leza.

¹⁵⁰ Ino bakacita nzi? Ba kasala Baraba, mujayi, mu busena bwa Mwana wa Leza, ku buzuba bwa kubambulwa kutaanzi.

¹⁵¹ Elyo sunu bali mukubweza ijwi limwi lya muntu, buli mbubeji a nzila ya lufu, a kukaka ku sala nzila ya Buumi, Ijwi lya Leza. Nda pa kaambo ku nzyalani eyi, kwiipa mulandu, mu Ijwi lya Mwami, kuteti bali lubide. Bali zulidwe ku kubambula, na kusola kubambula Muuya.

¹⁵² Bala itila lubukulusyoo, ku masena oonse. Mbobuti mbo muyoba a lubukulusyoo kakuli Ijwi Lini talikonzyi kubeleka kwiinda mu bantu? Ndi yanda muntu umwi kundivwiila oyo. Mbobuti mbo kunga kwacita, kakuli mula kaka ndulonya Lubukulusyoo Lwini? Ncibotu musinsimi waka baamba, “ciwa ca bukombi.” Ziwa zyabo beni, kaindi kuya, bakakaka Ijwi lya Buumi. Ziwa zyabo beni, sunu, balakaka cintu eco cikonzya kubaletela lubukulusyoo; tunsiyansiya twabo a ziwa. Iiyi, munene.

¹⁵³ Ba sala kabungwe a kansiyansiya kabo mubusena bwa i—i Ijwi, alimwi oko kubambula Ijwi Lyakwe a kubamba Ijwi Lyakwe kubula nguzu ku bantu. Cindi babona Ijwi lya Leza kuba lya Buumi akuyuma a kuli bikka buyo Lini, kuti Leza wakabamba cisyomezyo kuteeti inga Uyo cita eci, alimwi mpaawa Uli mukucicita, alimwi bali muku Ci fubaazyaa a kuzwa kuli Ncico, kwalo nkusanka. Elyo basola kubambula Ijwi Lini.

¹⁵⁴ Nkaambonzi nco baka Li bambula? Taba konzyi ku bambula Ijwi mbuli mbo batakakonzya kubambula Leza. Bakali kukonzya kubambula mubili oyo wakajisi Leza, Mwana wa Leza. Bakakonzya kubambula oyo, pele taba konzyi kubambula Leza. Wa kalelede kuba, ciindi eco, ku kaambo kakuba Cituuzyo, kuyobolola bana banji abo bakanzidwe ku Buumi

Butamani. Ba kaleede kucicita kaindi, pele taba konzyi kucicita eno. Taba konzyi kucicita, nkambo Ijwi Lini liyo zumanana kali ciliko. Pele ba . . .

155 “Ino bacita nzi? Mbobuti mbo babamba ciimo? Ino waamba nzi mpawo, mukambausi? Mbobuti mbo yaka musemo wakwaambawida awa, kuti baka Mu bambula, mpawo?”

156 Bali mukubambula nguzu zya Makani mabotu ku bantu, kwiinda ku tunsiyansiya twabo. Oko nko kubambulwa. Kuti awo banamaleya bakkede mu mamoccali aya, ategwa mabungano, tubungwe, a kubamba munyinza wa kansiyansiya, a kuti bakajisi. . . I Ijwi lya Leza talikonzyi kuba a nguzu aali mbabo, nkaambo ba—ba sampaula zintu nzyoonya ezyo Kristo nzya kaamba kuti ziyocitika. Ta cibooli kweendelana ku kansiyansiya kabo.

157 Elyo akwalo Jesu ta kaboola mbuli ku kumvwisya kwabo ikwa kuboola Kwakwe. Wa kaboola mu nzila Leza nja ka Mu tuma, alimwi Wa kaboola mbubonya mbuli Ijwi. Ta cigambyi Wa kati Wa ka “Ci sisa kuzwa ku meso a basongo a basimaanu, a ku Ci yubununa ku bana abo banga baiya.” Sena mwamvwisya? [Mbunga yaamba, “Ameni.”—Mul.]

158 Oh, ba kabambula nguzu zya Ijwi. Ndi jisi cilwi ca Malembe awa. Inga ndabalulula buyo obile na otatwe angawo. Ba ka Li bambula.

Yebo wati, “Mbobuti mbo ba bambula Ijwi?”

159 Cindi Jesu na kaamba kuti Ngu mbobuca nguwenya, sunu, amuya myaaka, Hebrayo 13:8; ba lati, “Mu nzila iili boobo Mbwa bede.” Mwabona? Ncibotu.

160 Elyo Jesu wakati, mulazyo Wakwe wamamanino ku Mbungano, “Kamuya nywebo mu nyika yoonse,” Mark 16, “kamuya nywebo mu nyika yoonse, a ku kambauka Makani mabotu. Ezi zitondezyo ziyo batobela abo basyoma. Nyika yoonse; ku bantu boonse!” Elyo ta cinasika cisela pe. Elyo kuli bali mamilioni bafwa, mwaka amwaka, abo bataciti, batana akwalo kumvwa Zina lya Jesu. Aboobo, acili malailile aa lyoonse. Ucili mulazyo wa Leza. “Nyika yoonse, a kukambauka Makani mabotu ku bantu boonse. Oyo uusyoma a ku bapatizigwa uyo futulwa; oyo uutasyomi kuyo nyonyooka. Elyo zitondezyo ezi ziyo batobela abo basyoma: mu Zina Lyangu bayo tanda badyabulosi; bayo amba mu myaambo mipya; ikuti na bajata nzoka, na kunywa zintu zijaya, ta cika bakoli pe; ikuti na babikka maanza abo aa balwazi, bayo pona.”

161 Elyo ba lati, “Eco cakali ca nzyalani *eyo*,” nkabela bayo bamba mulazyo wa Leza kubula nguzu kuli Eci, nkabela bala bambula nguzu zya Ijwi ku bantu. Ameni.

162 Petro wakati, aa Buzuba bwa Pentekoste, a zijaluzyo zya ku Bwami; ezyo Jesu nzya kamupa, “Kufumbwa cintu nco mwaamba awa, Njo caamba kutala Kuya.”

163 Elyo aa Buzuba bwa Pentekoste ba kabuzya eco ncoba keelede kucita kuti batambule Muuya Uusalala, cakuti bakali Ku ubotelwa; kabalangilila bamwi kaba lilemeka eco ncobanga baita kuti bufubafuba; kudadalika, a kusotoka, a kuwa, a kulilemeka mbuli kuteeti bakali koledwe.

Elyo balo, kabati, “Bantu aba bakolwa waini mupya.”

164 Pele kwakali muntu wakaima, wa zina lya Petro, oyo waka jisi zijaluzyo zya ku Bwami, a kwaamba, “Aaba taba koledwe,” Ncito 2, “mbuli mbo muyeeyela, kubona kuti cicili ciindi ca cikasaalizi ca buzuba. Pele eci nceeco ca kaambwa.” Mwabona, kujoka nkoonya ku Ijwi alubo, kutondezya kuti Muuya ucili Ijwi, alimwi Ijwi ucili Muuya, Ijwi lya Leza. “Elyo ciyo boola, mbuli mbo cakaambwa a musinsimi Joeli, Joeli 2:38. ‘Elyo ciyo boola kucitika mu mazuba aa mamanino, mbwaamba Leza, Njo tila Muuya Wangu aa bantu boonse.’”

165 Amu swiilile ku musinsimi oyo kaimvwi awo. Amu mulange, uutayoowi, kaimvwi awo aa nkamu eyo, aku bapa kaambo, kabapa mulandu. Kati, “Olu Ndugwalo! Eci ngu ceeco cakaambwa aa musinsimi! ‘Njo tila Muuya Wangu aa bantu boonse. Bana banu balombe a basimbi bayo sinsima. Aa babelesi Bangu basimbi ibazike a balombe ibazike Njo tila Muuya Wangu; nkabela Njo tondezya zitondezyo mu majulu aatala, alimwi aa nyika; mulilo, a misumpululu ya busi, a mudumo.’” Ku Ci tondezya kwiinda ku Ijwi, kuteeti Lyakali Ijwi.

166 Elyo ba kaseka a ku Ci fubaazy, nkabela bakainka ku lubeta. Elyo muunzi wakaumpwa, alimwi baka lidilana bana. Elyo sunu mbantu bamwaikide moonse ku nyika mboizulwa, kutondezya kuti Muuya Uusalala ucili Ijwi lya Leza, uleta Ijwi ku Li bamba kuba lipona.

167 Jesu Kristo wakali Mulombwana, Muntu, Leza. Aleluya. Wa kali kuyubuluka kwa Leza. Wa kali Leza mu ciimo camubili, kuti atondezye Ijwi lya Leza ku bukkalo obo, kubamba bukkalo obo kubona cisyomezyo ca Leza ca bukkalo obo.

168 Elyo Muuya Uusalala ngu cintu nciconya sunu. Ngu Muuya wa Leza aa Ijwi lilembedwe, kusola kujana muntu umwi kuti alitondezye Lwawo ku bukkalo, kuzibya kuteeti Wa kali mbobuca nguwenya, sunu, amuya myaaka. Musalali Johane 14:12, “I milimo eyo Nje cita muyo icita ayalo.” “Jesu Kristo mbobuca nguwenya, sunu, amuya myaaka.” Mwabona, cakuzumanana kusola kujana nzila Yawo kuteeti uli tondezye Wini.

169 Elyo teeba kakonzya kucicita. I bantu bakayeeya maningi tubungwe twabo, ziteente zyabo zisyoonto ezyo nzo bakajisi, a zimwi zimbi, zitegwa “mabungano,” abo aboobo teeba

kakonzya kuswiilila kuli ncico. Mbobacita akwalo sunu, cintu nciconya, kubambula alubo.

¹⁷⁰ Petro, aa Buzuba bwa Pentekoste, wa kati, “Nywebo no bantu bakkala mu Jerusalem, mu Judaya, amuswiilile ku majwi aangu. Aba taba koledwe. Ikuti na mwali mwaima cakubatama, Njo mutondezya mbo cibede.” Elyo wazumanana a kupandulula kuli mbabo.

¹⁷¹ Cindi myoyo yabo niya kayaswa, cindi niba kamvwa Eci, kati, “Tucite buti kuti tufutulwe? Tucite buti kuti tutambule Eci? Twa lamwa kuti ijwi lyako lili luleme.”

¹⁷² Wa kati, “Amusanduke, umwi aumwi wanu, a kubapatizigwa mu Zina lya Jesu Kristo kuti mujatilwe zibi zyanu, nkabela muyo tambula ciwego ca Muuya Uusalala. Nkambo eci cili kuli ndinywe a bana banu, balo abo bali kulaale, akwalo boonse Mwami Leza wesu mbayoita. Eci necicio nco bakeelede kucita. Amusanduke, a kubapatizigwa mu Zina lya Jesu Kristo.”

¹⁷³ Elyo, sunu, mbungano ya Katolika yaba Roma yakasala kutobela, “Taata, Mwana, Muuya Uusalala,” ku bweza busena bwa Eco. Mubusena bwa Eco, mulalilo. “Kumyala lulimi a kulya ka bbisiketi kaniini, nkabela mupaizi wanywa waini, nkabela muli bamwi antoomwe.” I “mulalilo,” mubusena bwa kuba Muuya Uusalala, kawiiita kuti, “Kankwa kasalala.” Elyo “Taata, Mwana, Muuya Uusalala,” lubapatizyo lwa trinitaria, kakuli tacaambwi akwalo mu Bbaibbele. I Zina lya Taata, Mwana, Muuya Uusalala ngu Mwami Jesu Kristo. Elyo watondezya eco ku nzyalani eyi iibisya . . .

¹⁷⁴ Mbuli Petro wakati, “Amu livwune ku nzyalani eyi iibisya.”

¹⁷⁵ Cindi wa Ci tondezya kuli mbabo, ba cita buti? Bala Ci fubaazy, a kwaamba, “Mbungano yesu tai Ci yiisi boobo.” Nkokuti muli zulidwe, muli zulidwe ku kubambulwa kwa Jesu Kristo, kwiinda ku kugwisya nguzu zya Leza ku bantu. Mula bambula Ijwi ndilyonya kuli mbabo, nkabela mula lipa kaambo a mbunga yanu, kubasololela mu muciiimo cinga caleta ntenda mpati.

¹⁷⁶ Mbuli mbo Nda kaamba zya mukutausi oyo Munsondo yainda, wakali Martin Luther King kunselelo kuya a bantu balo bayandisi, bakasololela moonya muciiimo cinga caleta ntenda mpati. Oh, ikuti muntu umwi na kakonzya buyo kwaambaula ku muntu oyo! Ndalombozya ni Nda kakonzya. Buyo ku kupapila kuniini kwa makanze aa cikolo, mwabona, na cimwi . . . Ndwananda nzi? Ma, yawe! Ikuti bantu tabakwe moyo wini wa kuba antoomwe a muntu nkaambo ka mubala wakwe, bapedwe kaambo nkabela bali fwide, akwalo. I cisi cilabapa nguzu. Muta cilwani pe. Mutaciti. Ino kuti muntu umwi na kati boonse bana Irish na muntu umwi, boonse bana German, na muntu umwi uumbi, wakali salulula? Eco nocata

banyonganya Banakristo. Noku nga noba kazumanana ncobeni. Elyo muntu oyo Munakristo. Mbuli—mbuli mukutausi, taelede kusololela bantu mu kuzanga oko. Bayo citya bali mamilioni kufwa. Ciyo talika lucinco lupati lumbi. Alimwi Ngu mause kucita eco.

¹⁷⁷ I cintu nciconya cila citika nkoonya kuno, nciconya ncobeni cintu alubo. Mbo mbubo. Mwabona? I bantu, obo kuti noba konzya buyo kulanga ku Bwini a kubona Bwini mbobubede. “Mbungano yesu taisyomi eco. Tu jisi nzila imwi iimbi.” Ee, taili nzila iiluleme. Ta cili cintu ciluleme.

¹⁷⁸ Wa kati, “Amusanduke, a kubapatizigwa mu Zina Iya Jesu Kristo kuti mujatilwe zibi zyanu.” Lino taba kaciciti. Oh, mpawo bakacita nzi? Lino eco ncintu komwe buyo, ku myaanda. Tula sika, ndiza, cakufwambaana mbuli mbo tukonzya.

¹⁷⁹ Lino kubambulwa kwabili, mpawo. Ikuti muntu wazumina “Taata, Mwana, a Muuya Uusalala,” i—i kansiyansiya mubusena bwa Ijwi, mabande mubusena bwa Zina, ucita nzi ku bantu? Walo ubambula nguzu zya Ijwi ku bantu, cindi aamba, kuti, “Marko 16 yakali buyo ya nzyalani *eyo*.”

¹⁸⁰ Elyo Leza wakati, Mwini nkoonya kuya, Jesu kaambaula kuli mbabo, kati, “Kamuya nywebo mu nyika yoonse, a kukambauka Makani mabotu ku bantu boonse. Oyo uusyoma a kubapatizigwa uyo futulwa; walo uutasyomi uyo nyonyoonwa. Elyo zitondezyo ezi ziyo batobela balo...” Kule buti? Masi oonse, tunsiyansiya toonse, milaka yoonse, mikowa yoonse, bantu boonse, Makani mabotu ngaonya. “Elyo zitondezyo ezi ziyo batobela abo basyoma.” Elyo cindi muntu aasola kugwisya Eco kuzwa ku Bbaibbele, walo ubambula nguzu zya Makani mabotu ku mbunga eyo. Aboobo Nda mupa mulandu, mu Zina Iya Jesu Kristo! Muli zulidwe mukujaya Mwami!

¹⁸¹ I mbungano yaka Mu sulaika. Nkaambonzi? Wa kali Leza wabo ngonya. Ba ka Mu sulaika, a ku Mu kaka kuba Mesiya wabo. Peepe, munene, teeba kali kuyanda Mesiya uli obo mbuli oyo.

¹⁸² Elyo sunu mbungano ula cita cintu nciconya. Ila kaka Ijwi. Taba Li yandi pe. Li liimpene kuli eco nco bakayiisigwa kusyoma kwiinda ku tunsiyansiya twabo.

¹⁸³ Elyo Ijwi ngu Mesiya. Mula syoma eco na? [Mbunga yaamba, “Ameni.”—Mul.] Ee, kutondezegwa kwa Ijwi mpawo niinzi? I kutondezya Mesiya, uuli ngu Muuya Uusalala aakati kabo. Uli mukuli tondezya Mwini, kasola kucita, kufumbwa busena Nkwa ngawa jana lampi eelyo Ndya konzya kulanga kwiindamo, eco citasuki busi bwa tunsiyansiya a zintu, Ula konzya kupa Mumuni kwiindamo.

¹⁸⁴ Amuyeeye, “bakabuka a kuyasya malampi aabo,” bakasanzya mapaipe aa busi, pele ciindi camana kale. Aboobo cindi muntu abona aba bana Lutherani, bana Presbyteria, bana

Methodisti, kusola kunjla mukati mu mazuba aya aamamanino kuti atambule Muuya Uusalala, baa, nywebo mulizi tabau Ta mbuli. Ma, inga baamba mu myaambo a kusotauka koonse akoonse, pele amubone eco cicitika. Cakumaninina bala . . . Ngu citondezyo ca ciindi kuti ca mana. Tuli ku mamanino.

¹⁸⁵ Kanji kufumbwa ciindi, i—i Mbungano inga yamvwa kuzundikizya, kuli, “Koboola Aatala!” Ameni.

¹⁸⁶ Mbubonya buyo kubikkwa mu ncililano. I Muuya Uusalala kuno kaubamba Jesu Kristo kasimpe kwiinda muli bamwi abo Mba konzya ku belekelamo, kulizyibya Mwini; kaseluka aans, kukkopa cifoto Cakwe, ku citondezya, kubamba sayansi ku cikropa, ku caambaula, a zintu zyoonse zimbi, kuzyibya nciconya buyo eco Nca kaamba kuti Uyo cita. Kucita zintu nzizyonya Nzya kaamba kuti Uyo cita, munzila ya Malembe. Lino, kutali kansiyansiya kamwi, na muzezo umwi wa muntu waku nyanyamukwa, bulowa bunji, mulilo, a busi, a zintu; pele bumboni bwa Mesiya bwa nzila ya Malembe. Kuba a kulikozyanisya kunji, a basikulikozyanisya, alimwi—alimwi azimwi zimbi; pele eco cibamba buyo Ijwi lyakasimpe ku mweka bubotu Bwalyo maningi, mbo mbubo, lilekela bantu abo basimuuya, abo bakonzya kubeteka aakati ka ciluleme a cilubide. Mwabona?

¹⁸⁷ Bala Mu kaka! Bakakaka Mesiya wabo, “Tii twakali ku Mu yanda.” Elyo cintu nciconya nco bacita sunu, “Ee, ikuti Nda keelede kuselemukila kuya a kulilemeka mbuli nkamu eyo, Ta ndi Ci yandi nokuceya.” Ncibotu, mpawo to Ci jisi, nokaceya. Kwa mana. Mwabona? Mbubonya eno.

¹⁸⁸ Nekubakuti Wa katondezegwa kabotu, tiiba kali ku Mu yanda. Baka Mu sulaika. Nkaambonzi cakali obo? Twiita beembeli babo kuti nkamu ya “nzoka.” Wa kati, “Nywebo no nkamu ya bwaanda butubye. Muli namaumbwe buyo. I aanze lyanu kuli londwedwe a mahembe a kuli kankaizya, a mukati ngu mafuwa aa bantu bafwide.” Kwiina na kavunga fwaindi. Omwe muna Galilaya muniini loko, mwana wa mubezi, pele kwiina Na kabamba luuni. Wa kabaambila.

¹⁸⁹ “Muta yeeyi,” Johane wakaamba, sikusolola Wakwe, kati . . . Ngu umbi waka taka bamba luuni. Wa kati, “Muta booli abusena awa kamwaamba obo mbo mujisi Abrahamu kuba taata wesu. Leza ula konzya kubusya mabwe aya kuba bana ba Abrahamu.” Iiyi, munene. “I keembe kali bikkidwe ku muyanda wa cisamu, alimwi cisamu conse eco citazyali mucelo cazyulwa a kusowelwa mu mulilo.” Iiyi, munene. Leza ulisinizizye, mu yumu a kujatilila ku Ijwi Lyakwe. Iiyi, munene.

¹⁹⁰ Amuzibe, Jesu, katondezya ku Lugwalo! Sena mula ndimvwa? [Mbunga yaamba, “Ameni.”—Mul.] Jesu wakatondezegwa a Leza, kwiinda mu Magwalo, kuti Wa kali Mesiya. Sa obo mbombubo? [“Ameni.”] Tula sika ku kupa

mulandu ikwa Petro, mu maminiti masyoonto, nkabela muyo ziba naa mbo cakabede na pe. Wa katondezegwa cakumaninina, kuteeti Wa kali Leza wakayubululwa mu Muntu, uutegwa Mwana wa Leza. Mbo mbubo. Nekubakuti, Wa katondezegwa kabotu a kusimpikizya Ijwi lya kasyomezegwa, kuteeti Wa kali Mesiya. Musa wakati, “Oyu Mesiya, cindi Aboola, Uyo oba musinsimi,” nkabela zintu ezi zyoonse ziyo citika.

¹⁹¹ I mwanakazi muniini a i . . . kaimvwi ku mukalo, a ciimo coonse catombe obo mbwakabede, ino eco cakaiminina nzi? Kuti Leza mu mazuba aya amamanino uyo somona batande.

¹⁹² Amuyeeye masiku ainda, ku mucado . . . Na, ciindi cimwi ni Nda kakambauka kuno. Ku cilalilo ca mucado, ba kaamba nzila mboba kaamba. “Nda bamba pobwe pati, azimwi zimbi. Elyo bantu aba boonse, Nda batamba, alimwi umwi aumwi wakapa ntamizyo. “Ta ndikonzyi kucicita, nkaambo inga wanyoonyoona tunsiyansiya twesu. Ta ndikonzyi kusika, nkaambo Ndi jisi wangu . . . Nda kakwata mukaintu; tako ndilekela kusika. Ma, Nda—Nda kakwata mu mbunga kunseleo kuya. Baama bakali ba Methodisti, na Baptisti, na Katolika, na Prote- . . . Ta ndikonzyi buyo kuzunda Eco.”

¹⁹³ Wa kati, “Elyo to kabooli. Elyo toka labili cilalilo Cangu! Pele kuya kubusena kuya a kusungilizya basibwaamu a bavuule, a bakolwi, alimwi kufumbwa bantu baliko. Koba yobolola, nkabela Njo balulamika. Nda bamba cilalilo Cangu, alimwi batambidwe Bangu—Bangu . . . Tafule lyangu lya bambwa, nkabela kuyooba muntu umwi kuya.” Tiiba kaboola. Wa kapa kaambo ku ba Juda.

¹⁹⁴ Ino kujatikizya sunu? “Ndi—Ndi—Ndi zulilwa ku Presbyteria. Ta—Ta ndikonzyi. Ndi wa Methodisti, Lutherani. Ndili wa oneness. Ndili wa twoness. Ndili wa *eyi*. Ta ndikonzyi. Ta ndikonzyi.” Nceeco we. To kabi kuya mpawo! Obo mbombubo Mbwa kaamba. Ncibotu.

¹⁹⁵ Kusimpikizigwa kabotu, Mesiya. Kusimpikizigwa kabotu, Ijwi, Ijwi lyaka syomezegwa. I Leza oyo wakasyomezya Ijwi, kuti obo mbo mbubo Mesiya mbwa yooba, mpaawa Wa kaboola a kwiima mbubonya. Wa kati kuli mbabo, “Lino, mpaali mpo Nda kacilwa? Ikuti na mwakonzya ku Ndi syoma mbuli Muntu, amusyome milimo eyo Nje cita; nkambo nze zintu zyaamba Ndime mbo Ndi bede. Nze nzizyo ezyo zyaamba kuti Ndime Mesiya. Nywebo tamuyandi ku Ndi syoma, nkaambo muyeeya Josefa kutala kuya . . . Elyo Nda kazyalilwa kutala kuya mu kaanda ako kanini, alimwi—alimwi taata Wangu wakujana uuliko i—i mubezi kunselelo kuya. Elyo—elyo yebo . . .”

¹⁹⁶ Cindi Na kaboola mu Galilaya kuya, balo, alimwi wakeelede kubamba . . . Wa kati, “Yawe, Nguni Mulombwana oyu? Nguni Oyu? Ee, Muntu oyu, sa oyo . . . Sa Josesi a boonse babunyina Bakwe bali kuno? Sa bacizi Bakwe tabali a ndiswe? Sa banyina

Bakwe taba iitwi kuti Maria, alimwi bawisi Bakwe taba iitwi kuti Josefa? Nkokuli, nkokuli nko mwakajana Mulombwana mbuli oyo? Ino ncikolo nzi Nkwa kazwa? Ta jisi kkadi ya luswaanano. Walo, Ta jisi mapepa aa zyelelo zya mulimo ali oonse aa lwiiyo. Nkokuli Mulombwana mbuli obo. . . Nkokuli nko mwakajana eci, akwalo?”

¹⁹⁷ Elyo Bbaibbele lyakati Wa ka—Wa ka lebwa. Wa kati. . . Milimo minji mipati Nja taka konzya kucita; nkabela wa kapa sule Lyakwe a kweenda kuzwa kuli mbabo. Wa kati, “I musinsimi takwe bulemu kuti kali aakati ka bantu bakwe beni, mwabona, mu cisi cakwe cini,” amubone, “na cisi cakwe cini.”

¹⁹⁸ Ngooyo We, kusimpikizigwa kabotu, Mesiya. Taakwe nakali bwezela kulumbaizigwa Kwakwe mwini. Wa kati, “Ta ndikonzyi kucita cintu cita eco nce Nda bona Taata kacita.” Elyo Wa kabazundikizya kubuzya ikuti na oyo wakali Mesiya.

¹⁹⁹ Elyo amulange ku mukaintu oyo mucembele wampuwo mbi; waa ka ciziba. Ta, ta ka ciyiisigwa caku takazya. I lampi talika. . . Waa kali lubide mukulilemeka, mu bwini. Taakwe muntu wakalino zumizya eco. I milao ya Leza ilasampaula eco. Wa kali lubide mukulilemeka. Pele waa. . .

²⁰⁰ Mwabona, Leza taku beteki aa kwako. . . obo mbobede. Ula botelwa. . . Ta beteki mbuli bupati mbobede na buniini mbobede. Ula beteka moyo wako, eco nco yanda kuba.

²⁰¹ Elyo kwiina nakali kuyanda zintu ezyo. Elyo cindi Eci nicaka mweka kumbele lyakwe, Eco ncecico nca kali kuyanda. Takukwe makani obo mwakabede kaindi, waa kali libambilide kuboola. Mwabona? Leza ubeteka moyo. Muntu ubeteka kuboneka kwaanze. Leza ulanga ku moyo. Takukwe makani obo mbwakabede; oyo Mumuni wakamweka, nkabela eco caka cibamba. Wa kajata i—i—i—i mbaakani ya Buumi Butamani.

²⁰² Oh, ma, obo eci mboci vubide, kuli ndime, kubona, kubona a kuziba kuti obo Mbwini. Njo—Njo bwiminina Obu. Njo lekela. . . I Leza wa Julu uyo buka, nkabela jwi lyangu liyooba aa teepu ya magnetiki iya Leza yaciindi cipati kutala, nkabela liyo beteka nzyalani eyi mu buzuba bwa mamanino. Nkaambo, lili—lili aa teepu ya magnetiki, mpawo liyooba aa teepu Iitamani mpawo. Mbo mbubo. Kubeteka nzyalani eyi ya bakambausi abo bajisi ciwa ca bukombi, a ikaka Nguzu zya Ijwi a kuyubununwa kwa Ndilyo kakuli Lya tondezegwa kabotu kuti Ucili Jesu Kristo, mbo buca nguwenya, sunu, amuya myaaka. Nda bapa mulandu, kwiinda ku Ijwi lya Leza.

²⁰³ Nde elede kusika ku cisyomezyo cimbi, cakufwambaana, nkaambo tujisi buyo maminiti aatandila ku kkumi aosanwe.

²⁰⁴ “Kuya balo—kuya balo. . .” Cintu nzi? Oh, ma! Kalivari! Elyo baka Mu “bambula,” catatu. Baka Mu bambula, kwiinda mu kutaziba Ijwi lya Leza lyakasyomezegwa a kuba mu mubili wabuntu. Elyo nkaambonzi nco bakabambula Muntu oyo? Sena

inga mwayeeya buyo? Atu jokele kaindi kasyoonto. Nkaambonzi balo bantu nco bakabambula Muntu mbuli oyo? Mbuli Maria . . .

205 Mbuli mbo Nda kabala bbuku ciindi cimwi, litegwa *I Mwaami wa Ng'anda ya Davida*. Lya kalembwa aa Ingraham, Mwiiyi Ingraham. Bbuku bbotu! Ngu musobano, lileelede ku lulama kumwi, kwa malembo amwi aakaindi wakabwezwa kuzwa ku mwanakazi wakaulikidwe Adina, elyo walo . . . Wa kaunka kuya ku Palestine, kuzwa—kuzwa kunselero mu Egepita, ku Cairo, Nda syoma mbo cakabede, kuyomana lwiiyo lwakwe. Elyo waa kali kuya ku ciindi ca—ca Kristo, elyo waa keelede kulemba kusandula kuli bawisi. Inga cabota ikuti walibweza a kulibala. Lyalo, ndi bbotu ncobeni, *I Mwaami wa Ng'anda ya Davida*. I muntu nguonya oyo wakalemba *I Musumpululu wa Mulilo*; alimwi, kuzwa kuli eco, Cecil DeMille wakabweza *I Milao Ili Kkumi*.

206 Lino tujana kuti, mu bbuku eli, oyu Adina wakalemba kusandula. Elyo waa kati, aa buzuba bwa kubambulwa, kuti Maria Magdalena, umwi oyo Ngwa kagwisya madaimona aali ciloba, wakazwa kazuza kumbele lya nkamu ya bantu, kati, “Ino Wa cita nzi? Ino Wa cita nzi? Wali kuponya buyo baciswa a kusola kuvuna abo bakali mu ntolongo! Ino Wa cita nzi cita bubotu? Muntu umwi wa caamba!”

207 Elyo mwaalumi waka muuma lubayi kutapuukila kuzabuka lubuwa, kutandila, alimwi kati, “Sa inga mwasyoma mwanakazi oyo mufubafuba, kumbele lya bapaizi bakwe?”

208 Nceeco we. Mwabona? Ino Wa kacita nzi? Taakwe ncakacita pe. Nkaambonzi nco baka Mu bambula? Nkaambonzi? Nkaambonzi? Nkambo tiiba kaziba kuti Oyo Wa kali ni.

209 Eco nce cintu neiconya sunu. I bakambausi, a bantu ba mazuba aya, a bamayi besu basunu, baka bayiisya loko caku takazya kuteeti Obu “mbulozi, na dyabulosi, na kukwabana kwa mizeezo, na lucengo lumwi lwakuli sangabalisa, na musyobo umwi wa mancenjela,” kusikila bantu tabazibi kuti nkusimpikizigwa kwa Ijwi lya Leza lya buzuba buno. Ngu zitondezyo zya buzuba bwa mamanino.

210 I mabungano, ikuti na tozulilwi ku kabunga kabo, bayo amba, “Ah, ee, oko nku likozyanisa kumwi. Olo—olo lucengo lwakuli sangabalisa. Ee, kulanga aansu awa kuli *Niini-a-niini* a *Niini-a-niini*.” Pele amu balekele ciindi cimwi bakatondezye Cintu cini kuba lucengo lwakuli sangabalisa. Uh-huh. Amu balekele ciindi cimwi bakatondezye kuti Cili lubide. Ta bakonzyi kucicita. Taakwe nocaka zibwa kulubila, alimwi Ta cikabi, nkaambo Ngu Leza. Mwabona? Pele bala yanda kutondeka.

211 Ba yeeya kuti, “Oh, ee, ikuti na wakali muntu umwi ujijisi zina pati!” Nkambo ni nkamu niini, kabunga kaniini ako kabaanga mbatande, “Ee, twa katanda muntu oyo mu mbungano yesu.” Mwabona? “Ba, ba kali kunga bala boola kunkamu yesu,

mwabona, pele ba kainka kutala a *eyi*, alimwi ba kainka kutala a *eyo*, alimwi ino, nywebo mwabona, baka lijana. . . Ee, amulange eco mbo cibede, kuti nguni.”

212 Ta ndikwe makani. Ba kakonzya kwaamba cintu nciconya kujatikizya Petro, Jakobo, a Johane. “I bantu buyo a batayiide,” ba kaamba. Pele ba kaziba, cintu cimwi cakacitika kuzwa ku ciindi eco. Ba kali antoomwe aa Jesu. Eco ncecico cakabamba lwaandaano. Mwabona?

213 Ba kacicita nkaambo tiiba kazi Oyo kuti Wa kali ni. Tiiba bakazi kuti kusimpikizigwa kwa Ijwi lya Leza tiikwa kaimwi kuya mu buzuba obo. . . Lino, bwakali buzuba bomwe, alimwi obo tii bwakali kabotu; mbo bwakabede, ku buzuba bomwe, kubamba buyo milao a zintu. Pele milao njiyonya eyo yakaliko, njo bakali kubamba, yakaba tondekela ku ciindi eco Na keelede kuboola a kuba Muntu oyu oyo Wa keelede kuba. Ba kali jisi cibeela *eci*, pele tiiba babweza cibeela *cimbi*.

214 Elyo eco nce cintu nciconya ncobali mukucita eno. Bali jisi cikombelo, alimwi bala “syoma muli Jesu Kristo,” nkabela bala cita, a zintu, pele balakaka oora ndoba pona mo! Bacijosya kaambyo kakaindi alubo: muntu lyoonse ulumbaizya Leza eco Nca cita, kulangila kumbele eco Nca yoocita, alimwi, na nca yoocita, a kuta bikkila maanu kuli eco Nca limukucita, a kupegwa kaambo kuli ncico. Mwabona? Bala yeeya, “Leza mubotu loko. Obo Mbwali mulemu! Eco Nca yoocita: Uyo boola, a kuba Kukwempwa, buzuba bumwi, a kuya ku Muunzi,” a kukaka zitondezyo nzizyonya a zigambyo nkoonya kuno ku ciindi lwalo Lugwalo nco lwaamba kuti Uyo cicita. Kusweekelwa Cintu coonse!

215 “Ikuti boofu basololela boofu,” Jesu wakati, “bayo wida mu cilindi boonse.” Amu lombe buyo Leza kuti ajule meso eesu mu mazuba aya. Ncibotu.

216 Lino, nciconya, bala cicita nciconya sunu. Bala kaka a kubambula Leza nguonya, sunu, kwiinda kukuta Mu ziba. I nciconya, kwiinda muku Mu kaka. Elyo mukucita, kwiinda mukukaka, zintu ezyo nzo bali mukucita sunu, taba bambuli Kristo alubo, cancobeni, pele ba sanku Muuya Uusalala. Elyo kwiinda muku cicita, mbo babede. Mbobuti mboba sanku Muuya Uusalala? Mbobuti?

217 Mbobuti mboba Ka usanka kuya, kaindi kuya? Baa, tiiba kakonzya Ku sanku kaindi; Tii wakali nasika pe. Ta kaita Jesu kuti, “Bezebule,” baka Mwi ita kuti “Bezebule,” nkaambo Wa kali kukonzya kuziba maseseke aa myoyo yabo, a zintu. Ba kati, “Oyu ngu dyabulosi.” Mu majwi aambi, “Walo musondi. Eyo nje nzila Mbwa cita eci, nkwiinda ku kusonda. Ngu dyabulosi buyo.” Mwabona, tiiba kajisi musinsimi kwa myaka ili myaanda yone, alimwi ba kazwidilila kuli ncico. Mwabona? Baka jisi buyo milao yabo. Ba kati, “Oyu ngu Bezebule.”

218 Elyo Jesu wakati, “Nda mujatila kuli eco, pele cindi Muuya Uusalala wasika,” mwabona, eno, “mukaambe ijwi Ku sampaula, nkabela taci kajatilwi kuli ndinywe.”

219 Amuyeeye, ci yooba, a kutaba obo ncobeni, ku tali kunzila yoonse, taakwe luse, cindi mwa sanku, a kwiita Muuya wa Leza, Ijwi Iya Leza eelyo lili mukusimpikizigwa ku Muuya. . . Mwabona, Ijwi Iyaamba obo, Muuya uli muku Li simpikizya, alimwi nywebo mwa Liita kuti “cintu citasalali,” mwakosola muncali aakati ka luse a lubeta, alimwi tamukonzyi kujatilwa nkambo ka ncico.

220 Ako nke kaambo Nda pa mulandu ku nzyalani eyi, ka kuzulwa, ku bambula, kusanka Mwana wa Leza wakayubununwa mbuli mbo kwaka syomezegwa ku basinsimi boonse, a Kristo Mwini, kuba mu mazuba aaku mamanino; mbuli mbo kwakabede mu mazuba akwa Nowa, mu mazuba akwa Sodoma. Kusanka! Kwalo, bala bambula, ku bantu, Mwana wa Leza mu nzila mpya, Ijwi Lyakwe lyakasimpikizigwa. Lyomwe ijwi Ku sampaula takukonzyi kujatilwa.

221 Lino ncinzi nco muya kucita mpawo? Ncintu nzi ncimu yooimina? Ba pedwe kaambo, balangila buyo bukali bwa oora Iya Leza kuti butilwe aanze. Ba yooba pasaula.

222 Njiisyo ya luyando iya kabambwa aa tubungwe a tuyenza twa buzumini kubota kwiinda mbo bacita Ijwi Iya kasimpikizigwa Iya Leza; eyi nzyalani ya bantu. Oh! Ndi—Ndi lombozya buyo kuti ni Nda jisi cindi cilamfu ca ceeci. Mwabona? Eyi nzyalani ya bantu, nzyalani eyi ilakaka cakuta libambila i ciyubunuzyo ca *Leza*. Pele tuli mukweenda awo baapostolo mpo bakainda. Ncibotu.

“Leza,’ nywebo mwati? Ee, bamwi ba laamba abalo.” Leza ula Li simpikizya.

223 Jesu wakati, “Ikuti—ikuti—ikuti na milimo ta yaambi Ndime, mpawo kamu zumanana buyo a kwaamba kuti Ndili muku caamba Lwangu. Pele ikuti na milimo ilaamba, ncibotu musyome milimo, mwabona, nkaambo ndi oora.” Kati, “Nywebo mulizi juunza izuba liyo mweka, na kuyooba bube bwa ciindi bubu; kwiinda ku mulengalenga kula salala a kusia, juunza kuyooba kabotu.” Kati, “Nywebo mulakonzya kuziba busyu bwa milengalenga; pele zitondezyo zya ciindi, nywebo taakwe cintu nco muzi. Ikuti no mwakaziba Leza, inga nomwakaziba buzuba Bwangu.”

224 Elyo ba kati, “Yebo ulali dundaizya Lwako maningi; Yebo ulibamba kuba Leza.” Elyo baka Mu bikka ku ciingano.

225 Elyo Muuya Uusalala, sunu, tali Muntu watatu pe. Ngu Leza, Mwini, wayubununwa mu mubili wabuntu, kwiinda ku Bulowa bwa Jesu Kristo, kuti asalazye buumi kutegwa inga Wa litondezya Mwini kwiindamo. Elyo bala bambula Ijwi ndilyonya Iya yubununwa. Mwamvwa na? [Mbunga yaamba,

“Ameni.”—Mul.] I kubambulwa kwa Kristo, sunu, ngu bantu abo bayo kaka Mwana wa Leza waka simpikizigwa a kuyubununwa aakati ka bantu, kwiinda ku zintu Zyakwe—Zyakwe ezyo Nzya kaamba kuti ziyo citika mu buzuba buno kwiinda ku Ijwi Lyakwe. Mwabona?

²²⁶ Lino, kusimpikizigwa nkukonya, kuleelede kuyo konzyanya, ikuti na Ngu Mwana wa Leza, nkaambo Wa kati mu Musalali Johane 14:12, eno, kuti, “I milimo Nje cita muyo icita ayalo.” Hebrayo 13:8, “Ngu mbobuca nguwenya, sunu, amuya myaaka.” “Ikuti na mwa kkalilila muli Ndime,” Johane 15, “ikuti na mwa kkalilila muli Ndime, alimwi majwi Angu akkalilila muli ndinywe, amu lombe buyo ncomu yanda nkabela ciyopegwa kuli ndinywe.” Iiyi, munene!

²²⁷ Amuyeeye, bakali bantu bakombi maningi abo bakacita eco. Tiiba kali baanze pe. Bakali bantu bakombi ba buzuba obo. Nkabela eeco ncencico ncobali mukucita sunu, mbantu bakombi; kubambulwa nkukonya, cintu nciconya sunu. Cakufwambaana. . .

²²⁸ “Kuya baka Mu bambula,” mpawo, mpawo. Masimpe. Mpawo bakali kukaka Ijwi lya Leza lya katondezegwa, kutambula tunsiyansiya twabo mubusena bwa Ijwi.

²²⁹ Sena eco ncencico ncobali mukucita sunu? Obo mbombubo, kucita cintu nciconya. Wa kali Ijwi; nkabela bakakaka Ijwi. Ako nke kaambo kapati nce Ndi tayandi kuti mukakilwe kubona, mwabona, Ta ndiyandi kuti mukakilwe kubona. Wa kali Ijwi, nkabela cindi niba ka Mu kaka, baka kaka Ijwi. Elyo cindi niba ka Mu kaka, baka Mu bambula kumamanino. Nkabela eco ncecico ncobacita sunu: kukaka Ijwi lya Leza, a kutambula tunsiyansiya twabo; nkabela babambula, mu meso aabantu, kumbele lya mbunga, kubeleka kwa Muuya Uusalala. Elyo balizulidwe, nkabela Nda bapa mulandu mu Zina lya Jesu Kristo.

²³⁰ Myaaka iili kkumi ayosanwe Nda Mu bona keenda koonse ku cisi, nekuba bacijatilide ku tunsiyansiya twabo. Bali zulidwe! Ba kagwisya Ijwi eelyo lyakalino leta mbungano, mabungano oonse antoomwe, a kubamba ciimo cabunyina ca lukamantano lomwe lupati ncobeni aakati kaba Pentekoste a boonse bamwi babo; mubusena bwa kucita boobo, ba Li kaka, a ku Li futatila, ba Li fubaazy, a ku Li ita zintu zyoonse eno.

²³¹ Elyo eno, kwiinda ku nsangano ya mbungano, kwiinda ku makanze aa dyabulosi, kusola kunjila a kwaamba, “Lino tuyo boola, kuula Mafuta amwi.” Bali kakidwe. Elyo bala. . . Bali zulidwe ku kubambula Jesu Kristo. Amu cibweze mu milao ya Leza, na milao yanu taci kabeleki. Mwabona?

²³² Ba kakaka Ijwi lya Leza lyaka tondezegwa, nkambo ka tunsiyansiya twabo, alimwi bali mukucita nciconya sunu. “Wa kali Ijwi,” Johane, Musalali Johane 1. Hebrayo 13:8 yaamba,

“Ngu mbobuca nguwenya, sunu, amuya myaaka.” Lino balimuku Mu bambula mu nzila mpya.

²³³ Sena mulizi kuti Bbaibbele lya kati inga twa cita eco? Mbangaye banga bayada kubala buyo aniini? Sa mula ndipa maminiti aambi aali kkumi aosanwe aa ncico? [Mbunga yaamba, “Ameni.”—Mul.] Ncibotu. Atu jule lino, kaindi kaniini, a “kubambula mu nzila mpya.” Atuye ku ba Hebrayo, capita 6, a kubala buyo aniini loko. Hebrayo 6, a kubona ikuti na tu “bambula Mwana wa Leza mu nzila mpya,” kubona ikuti na inga cacitwa.

Yebo wati, “To konzyi ku Mu bambula ciindi cabili.”

²³⁴ Tuyo bona naa inga twacita na pe. Ijwi lya Leza mbwini. Sa eco cili luleme? [Mbunga yaamba, “Ameni.”—Mul.] Ngu ba Hebrayo 6:1.

Aboobo kusiya milao ya njiisyo ya Kristo, atu zumanane kuya ku bulondosi; kutali ku kubikka i ntalisyo ya kweempwa a milimo iifwive, a ya lusyomo kuli Leza,

Elyo ya njiisyo ya lubapatizyo, . . . kubikka kwa maanza, a ya i bubuke bwa bafu, a lubeta lutamani.

. . . eci tu yo cita, ikuti na Leza wazumizya.

²³⁵ Mwabona, Paulo uyanda kuziba zintu ezi aa ezyo ziyandika maningi; lubapatizyo, kubikka kwa maanza, bubuke, Kuboola kwabili. Zintu ezi zyoonse nzya Butamani. Zyalo Mbwini bumaninide.

²³⁶ Lino amubone, “Nkambo ta cikonzeki.” Amukabale antoomwe ambebo, kampango aaka komwe. Ndi yanda kuti mukabale antoomwe ambebo eno, kampango ka 4. [Mukwesu Branham a mbunga babala tumpango tucilila totatwe antoomwe—Mul.]

Nkambo nkuyumu kuli baabo bakamunikilwa ciindi cimwi, a bakalabila cipego ca kujulu, alimwi bakambwa kuba basizyaabilo ba Muuya Uusalala,

Elyo bakalabila kwa ijwi bbotu ilya Leza, a nguzu zya nyika iiciza,

Ikuti na baleya, kuba jokolweda alubo ku kweempwa; mukubona kuti bala bambula beni Mwana wa Leza mu nzila mpya, alimwi kumubikka ku mause aantagalala.

²³⁷ Lino, sa eelyo ndi ijwi lyangu, na Lyakwe? “I muntu oyo uuboola ku luzibo.” Amuyeeye, kwiina noba ka Lu tambula. Bakali basimbungano buyo. “Twa mana kutambula luzibo lwa Ijwi lya Leza,” mula cijana kuzwa ku luzibo, kuzwa ku kubala a ku Li bona, “alimwi mpawo ku Li kaka, mpawo, nywebo, ta cikonzeki kuli ndinywe kusola kufutulwa.” Sena muciba obo

eno? Mwabona, “Ba katambula luzibo lwa Bwini,” buyo, mwa mvwisywa, ta ka Li tambula.

²³⁸ Cili mbuli basyomi abo bakazwa. Ngu cikozyano ca lweendo. Oku, kwatatu, kulonga oku kwatatu, cikozyano buyo ca bamwi babo. Amulange, amulange kaindi kuya. Andi mutondezye cintu cimwi eno, kaindi buyo kaniini. Mundijatile ku bwaambe. Amulange.

²³⁹ Israyeli yakagwisywa baalumi bali kkumi mubabili, omwe kuzwa ku mukowa omwe, mutwe wakabungwe, a kuba tola kutala kuya kumbali lya munyinza, nyika yaciisomezyo, a kuba tondezya zintu zibotu ziboola, ezyo nzyoba kajisi. Nkabela bakajoka, kaba toongauka, kuti, “Ta tukonzyi kucicita.”

²⁴⁰ Pele kwakali bobile kuzwa kuli bali kkumi mubabili, Joshua a Kalebi, kati ba kalanga ku Ijwi. “Leza wakati nji yesu, alimwi tula konzya loko kwiikona.” Sa eco cililuleme? [Mbunga yaamba, “Ameni.”—Mul.]

²⁴¹ Cakali cinzi eco? Basyomi basimbungano buyo. Mwabona, ba kazyalilwa mu cikombelo ncobeni. Bakali basololi ba bantu. Bakali babishopo, mbuli ku kwaamba, abo bakeenda nkoonya kunselelo oko Ijwi lya Leza nko lyaka tondezegwa kuba Bwini. “Njeeyo nyika!” Kwiina noba kasikide kuya. Tiiba kazi kuti yakaliko. Pele ba kaboola kunselelo kuzoibona na yakaliko. “Njeeyo mbo yakabede!” Elyo Kalebi a Joshua baka landuka, a kubweeda a—a—a cikungo ca magirepu a kubalekela kwaalya amwi aancico. Elyo ba kalabila nyika mbotu, alimwi mpawo bakajoka a kwaamba, “Ta tukonzyi kucicita. Mwabona? Ta tukonzyi buyo kucicita.”

²⁴² Njeeyi nkamu iikozyenye, mu ciindi ca Jesu Kristo. “Rabi, tu lizi kuti Yebo uli mwiiyi uuzwa kwa Leza.” Mwabona? Basimbungano buyo! “Tu lizi kuti Yebo uuli mwiiyi uuzwa kwa Leza. Taakwe muntu uukonzya kucita zintu ezyo Nzo cita. Tula zumina kuti Leza weelede kuti nkwali.” Nkaambonzi nco baatacitambula? Nkaambonzi nco baata cizumina? Basimbungano buyo! Basimbungano buyo!

²⁴³ Mpaawa ali ku kulonga oku kwatatu; citondezyo nciconya, kutondezegwa nkukonya, Kristo nguonya, Muuya Uusalala nguonya, milimo njiiyonya, Leza nguwenya, Mulumbe nguonya, nkabela taba konzyi Ku zumina. Inga beelela kujosya makkadi aa luswaanano lwabo. Ino ncinzi? “Bakali jisi luzibo lwa Bwini.” Ba kalanga a kubona kuti Mbwini ncobeni. Taba konzyi ku Bu kaka. I ma magazini apa bumboni ku Bu bona. I zifwanikiso, mitende, bumboni, bubuke bwa bafu, bulembo bwa madokotela ibwa balwazi, baleelede kwaamba kuti walo Nguwe. Elyo kwaamba ziyocitika, taakwe comwe ca nzizyo cakasola kuwida aansii kwiinda mu myaka, cimwi acimwi ca nzizyo mbubonya buyo aa ciindi ceelede, taba konzyi kwaamba pele eco ngu Leza. Pele taba konzyi ku Ci tambula.

244 Eyo nkamu ya bakutausi mu Chicago, myaanda iili yotatwe a bamwi babo, bakali kuroola kuselelo a kubapatizigwa mu Zina lya Jesu Kristo. Mpaali mpo tubede? I muulo mupati maningi. Taba konzyi kucicita. Ino ncinzi? I Bbaibbele lya kaamba, cindi bakucita eco, ncinzi nco bacita? Bala lyaandanya aakati ka luse a lubeta. “Nkambo ta cikonzeki kuli baabo baka munikilwa ciindi cimwi,” ba kaletwa ku Ci bona, “nkabela bakali jisi luzibo lwa Bwini, alimwi bakalabila bubotu bwa Ijwi lya Leza, ikuti na bawa kuzwa kuli Ndilyo, oko nkoba kali noolibukulusya lwabili, kwaamba, ‘Ee, eno, Njo cita, iiyi, . . .’”

245 Nywebo noba Presbyteria, nywebo noba Methodisti, a Baptisti, a ba Lutherani, a zeezi zintu zya Full Gospel Business Men, kwaamba kuti bali “mukunjila,” kufutatila Mulumbe. Mbungano yako iyo cita. Kuyooba bantu bagaminina kuya, masimpe. Pele, kutali mbungano; ulelede kuzwa ku mbungano, kuti Uu jane. Mwabona? Mbo mbubo. Bantu bagaminina bali kabotu.

246 Pele cindi wayeeya mbungano ya Presbyteria kuti iyo tambula Muuya Uusalala, alimwi a boonse babo kutula ncito ya mapepa, alimwi, uta soli kuyeeya eco. Elyo muyeeya kuti ba Methodisti bayo cicita? Ta muka soli kucicita. Sena muyeeya kuti ba Trinitaria bayo sola kutambula Zina lya Jesu Kristo a kubapatizigwa umwi aumwi wanu mu i . . . Ta mu kaciciti. Ta mu kaciciti. Pele bantu bagaminina bayo boola a kucicita, mbo mbubo, alimwi eco nce citondezyo ca Kuboola Kwakwe. Pele mabungano alo a bona Bwini, a ku Bu kaka mu nkuta zyabo, “ta cikonzeki.”

247 Mpawo, balizulidwe ku kubambulwa kwa Jesu Kristo. Elyo Nda bapa mulandu kwiinda ku Ijwi lya Leza, kuti Leza waka . . . “Mbobuti mbo bapa mulandu, Mukwesu Branham?” Nda bapa mulandu, kuti Leza walizibya Mwini cantangalala mu Ijwi Lyakwe, mu mazuba aya aku mamanino, a kuli bamba Mwini kuziba kuti Ngu mbobuca nguwenya, sunu, amuya myaaka, nkabela ba Ci kaka cakuta libambila. Elyo mulizulidwe ku kubambulwa kwa Jesu Kristo, kwiinda ku kusanka Muuya Uusalala. Mbo mbubo.

248 Tu mutola kuba Hebrayo 10, alimwi, awo mpoli twaambila alimwi mu Malembe, kutali buyo mukuba “kutakonzeka,” pele ta mukonzyi. Cila kwaandanya kuzwa kuli Leza, Cabutamani. Yebo tokonzyi kunjila mu Busyu bwa Leza alimwi, cindi wakaka Muuya Uusalala a Ku fubaazyu.

249 Lino, mwabona, “bakalabila Ijwi.” Mwabona, basyomi basibungano buyo!

“Oh, yebo waamba kuti balo balombwana tiiba kali basyomi?”

250 Bakali basyomi, basyomi balyaamba buyo, pele nicakasika ku Ijwi . . . Bakali ba Israyeli. Ba kazwa kungsi lya bulowa. Ba

kazwa kungsi lya citondezayo ca Musa. Ba kabona zitondezayo eezyo kazibeleka.

Leza wakati, “Njo mulandusya kutala.”

²⁵¹ Elyo cindi ni cakaboola nkoonya ku milao ya Ijwi lyaka syomezegwa eelyo lya keelede kuboola, ino noba kaamba nzi? “Oh, ta tukonzyi kucicita.” Mwabona?

²⁵² Elyo mpaawa bajoka, a magirepu a zintu zyoonse, kutondezaya kuti nyika yakali kabotu. Ijwi lya Leza lili kabotu. Leza wakati, “Nda lipa kuli ndinywe.”

²⁵³ Pele ziimo, “Ma,” kati, “tu boneka mbuli cisozi, aatala kulubazu lwabo. Ta tukonzyi kucicita, takukwe makani acintu.”

²⁵⁴ I myaka misyoonto yakainda cindi buyake obu bwakaindi nobwa kaimvwi awa mbuli cikombelo, muntu umwi wakanjila, a kweenda kuzwa a kwaambaula kuli ndime, kati, “Billy, uyo kambauka ku zikunguzyo zyone, bumwi bwa mazuba aya, a Milumbe mbuli eyo.”

²⁵⁵ Nda kati, “Njo kambauka ku zikunguzyo zyone, nkaambo Leza ulakonzya kubamba zikunguzyo kuba bana ba Abrahamu.” Iiyi, munene. Ngu Bwini. Nda kati, “Ikuti na ujisi cintu cimwi eco nconga wa Ci tondezaya kuta lulama, atu citambule.” Yanda buyo koompolola kwakuli sumpula, pele caboola kubusena kucitondezaya, eco cili andeene. Iiyi, eco ncencico cibamba lwandaano. Ncibotu.

²⁵⁶ Inzya, a tunsiyansiya twabo bala Mu bambula mu nzila mpya. Lino ba Hebrayo capita 6, nkabela twa selemuka. Elyo inga twabala buyo kuyaansi, kuyaansi mukati kwiinda awa. Tuli jisi ciindi cinji. Nde engela Lugwalo awa mpo ciyobeda, ba Hebrayo capita 6. Buyo, Nda yeeyela, mucibweze coonse. “Tacikonzeki kuli baabo baka munikilwa ciindi cimwi, bakabambwa basizyaabilo ba Muuya Uusalala...” Ta tujisi cindi kuti tusakane loko, nkaambo Ndi jisi Lugwalo lumbi ndo Ndi yanda kuti mubale mu kaindi kaniini. Amubone eci, “Bala libambwida beni Mwana wa Leza mu nzila mpya.” Ino nobaka cita nzi? Cintunzi? Kwiinda ku kulabila, a kuziba kuti Ngu Bwini, alimwi mpawo kucinca a ku Bu kaka. Ino nocaka cita nzi? “Taci konzeki...”

²⁵⁷ Aboobo eco ncencico cisi eci nco cacita. Eco ncencico bantu ncobacita. Eco ncencico mabungano aya ncaacita. Ba Bu kaka, nkabela babambula Mulumbe. Babambula Bwini, ku bantu. Mbobuti mbo bakacita Jesu? Baka Mu bikka ku mause, kasamununa zisani Zyakwe kuzwa kuli Nguwe, ka Mwa anzika ku ciingano a ku Mu gagaila aatala awo, Mwaami wa Buumi. I cintu nciconya ncoba cita sunu a tunsiyansiya twabo! Ba cita cintu nciconya. Ba samununa zintu, balo basamununa i—i bubotu a zisani kwa Makani mabotu, kwiinda mukusola Kwa bikka kubusena bumwi bumbi, a ku Mwa anzika aa ciingano. Oh, ma! Nkaambonzi?

258 “Kuya ba—kuya baka bambula,” elyo mubuzyo wa mamanino, “Walo,” Walo, oyo Muntu muyandisi maningi. Nkaambonzi baka cicita? Tiiba ka Mu zyi. Nkaambonzi nco bacicita sunu? Ta bazyi kuti obu Mbwini. Mba—mba cimuumu a boofu ba Ncico. Ta ba Ci zyi. Aka nke kaambo. Tunsiyansiya twabo a tulengwa twaba gwisya kuzwa ku Ijwi lya Leza.

259 Lino kuli ndinywe kuno, mukujala buyo ino, amu swiilile kabotu. Mwabona? Ndi lizyi kulapya. Nda pidwa, ambebo.

260 Pele, oh, mukwesu, eeli Ijwi ngu Buumi ikuti na wajatilila kuli Ndilyo. Amulange, Ta cili cintu cimwi nco tukanana, eco cinga cacitika awa a kwamana; Ngu cintu cimwi eco cilikokale awa a ndiswe a kucitika eno. Kutali cintu cimwi ciyooba; cintu cimwi ciliko kale. Tatuli mukulungulula, “Tu lizi eco Nca cita; tu lizyi eco Nca yoocita,” pele eno tuli mukwaamba eco Nca li mukucita. Mwabona? Eeli nde oora lyesu.

261 Antela inga tii twapona kubona Kukwempwa. Antela inga ndafwa sunu; antela inga mwafwa sunu. Ta ndizyi. Pele Kukwempwa kula boola. Ooko—ooko, cindi eco caboola, tuyooba kuya, muta pengi; uh-huh, aboobo aboonse balo kaindi kwiinda mu makkalo, abo baka kusyoma a kukulangila. Ba keenda mu Mumuni wa buzuba bwabo.

262 Elyo ngooyu Mumuni, Jesu Kristo mbobuca nguwenya, sunu, amuya myaaka. Amusiye tunsiyansiya twanu a kusyoma Ijwi eeli. *Obo* Bwini. I Ijwi ngo Bwini. Jesu wakati, “Ijwi Lyangu ngu Muuya, Ijwi Lyangu ngu Buumi.” Mbobuti mboya kutambula Buumi cindi wa kaka Buumi? Mbobuti mboya kunjizya kayanza kabuzumini, kali ndufu, kwalo Ijwi ngo Buumi? Kufutatila Ijwi lya Buumi, kuti utole lufu, mbobuti mboya kutambula zyobile kuciindi comwe? Yebo tokonzyi kucicita. “Akube kuti ijwi lya muntu libe bubeji, tuyanza toonse twabuzumini tube bubeji.” Ijwi lya Leza ngo Bwini.

263 Nda zundikizya kufumbwa muntu ku nditondezya, muntu oonse... Elyo Ndi lizyi teepu eyi yuunka ku nyika yoonse. Kufumbwa muntu, kufumbwa bishopo, oyo uyo boola ku busena bwa kubalila kwangu, na kumbele lya mbunga eyi, a kutondeka munwe wabo ku busena bomwe oko muntu uuli oonse wakasola kubapatizigwa mu Zina lya “Taata, Mwana, Muuya Uusalala,” mu Cizuminano Cipyu. Njo mutondezya awo bantu boonse abo bakasola kubapatizigwa... Elyo abo baka bapatizigwa bwandeene, ba kaboola a kubapatizigwa lwabili, kuti batambule Muuya Uusalala.

264 Ino muyo citanzi a ncico? Kamukkede kubusena kuya mu tunsiyansiya twanu na? Kamukkede kubusena kuya mu tuyanza twanu twabuzumini a kufwa na? Muli zulidwe! A maanza mabyaabi, mwa jaya Mwaami wa Buumi, Ijwi lya Buumi, a ku Li bambula ku bantu.

265 Lino bakacita nzi? Tiiba kacizyi. Sunu bantu baleenda cakutaziba. Ta bazi kuti obo mbo Bwimi. Ba yeeya kuti nkalengwa kabuyo ka musyobo umwi. Taba vumbululi cakusakana kweelede kuti banjile mu Muuya wa ciyubunuzyo. Taba kombesyi pe. Taba iiti kuli Leza mbuli mbo kweelede.

266 Ba Ci bweza buyo mu buubauba, “Oh, ee, Nda syoma kuti kuli Leza. Masimpe!” I dyabulosi ulasyoma cintu nciconya. I dyabulosi ulacisyoma maningi kwiinda bantu bamwi mbo bataminiina kusyoma. I dyabulosi ulasyoma aku kankama. Bantu bacisyoma buyo a kuzumanana. Pele dyabulosi ula kankama, mukuziba kuti Lubeta lwakwe lulaboola, a bantu bala cisyoma nkabela taba bikkili maanu kuti Lubeta lulaboola.

267 Kuzulwa ku Mu bambula! Masimpe! Nda pa mulandu ku nzyalani eyi, kuba jana kuti bali zulidwe, kwiinda ku Ijwi ndilyonya eelyo lyaka bajana kuzulwa ku matalikilo. Mbo mbubo. Jesu wakati, “Nguni unga wa Ndi pa kaambo?” Wa kali Ijwi lyakaba mu mubili wabuntu. Elyo sunu Ijwi ndilyonya lyaba mu mubili wabuntu.

268 Petro wakati mu kupa kwakwe mulandu, mu Ncito. Atu kabale buyo. Petro, cindi na kabona kuti eci cakali kucitika, eco nco bakacita, Muuya... Amulange, Petro wakali kukwabilila Kristo, eco nco bakacita. Ndi kwabilila eco Makani mabotu mbaabede. Ndi... Petro wakali kubapa mulandu nkambo ka kujaya Muntu, Kristo, Oyo wakali Ijwi. Ndi pa mulandu ku nzyalani eyi nkambo ka kusola kujaya Ijwi eelyo lya tondezegwa mu bantu. Amulangilile eco Petro nca kaamba. Bukali bwakwe bululeme kuleelede kuti bwaka futumuka aatala maningi. Amu swiilile kuli nguweawa mu Ncito capita 2, a kutalikila kampango ka 22.

Nywebo no bantu ba Israyeli, amu mwewe majwi aaya; Jesu waku Nazareta, wakatondezegwa, muntu wakasimpikizigwa aa Leza aakati kanu kwiinda ku maleele, . . . zitondezyo, ezyo Leza nzyakacita kwiinda muli nguwe aakati mbuli. . . kwa ndinywe, mbuli nywebo lwanu akwalo mbo muzyi:

269 Fyuu! Amuyeeye obo mbo bakalimvwa! Amuswilile kuli eco.

Nywebo no bantu ba Israyeli, mwaami, nywebo noba sizikombelo, nywebo no bantu basalala, nywebo no bapaizi, nywebo no bantu abo beelede kuba bantu ba Leza, amu mwewe majwi aaya; Jesu waku Nazareta walo wakatondezegwa aa Leza aakati kanu. . .

270 Lino Nda amba kuli ndinywe no bapaizi, a nywebo no bantu. Jesu waku Nazareta, Muuya Uusalala, Uli ano mu Muntu waciimo ca Muuya Uusalala, obo bwakali Buumi bwakali muli Nguwe. Uli ano kabeleka kwiinda mu bantu, a kulitondezya Mwini kwiinda ku zitondezyo a zigambyo ezyo Nzya cita. Nkabela mpaawa zila lengelela koonse ku bwaanda, cizibyo

ca sayansi. Elyo bantu kaba kkede awa, abo bakafwide, bala pona sunu; a bakaligwa ku kkulenge, bali kabotu sunu; boofu, bala kubona sunu; a balema, abo beenda sunu. Ngu Jesu waku Nazareta.

Walo, wa kaabwa ku kulaililwa kwaciimo nciconya a kukuzibwa kale kwa Leza, wakakanzwa ku mulimo Wakwe, nywebo mwa mujata, a maanza anu mabyaabi nywebo mwa . . . jaya:

²⁷¹ Sa eco—sa oko nkupa mulandu? [Mbunga yaamba, “Ameni.”—Mul.] Ino upa mulandu kunzi? Eyo Nkuta ya Sanhedrini.

²⁷² Elyo Ndili mukupa mulandu, cifumo eci, nsanganano ya mabungano. Ndili mukupa mulandu kuli ba Pentekoste. Ndili mukupa mulandu kuli ba Presbyteria, Baptisti, a tubungwe toonse mu nyika. Kwiinda ku bubyaaabi, kuliyanda kwa busindya mwabweza Ijwi Iya Buumi a ku Li bambula kumbele Iya bantu, a ku Li sanku, a ku Li ita kuti “ciimo cakwiindilizya,” eelyo Leza ndya busya aakati kesu ku kutondezya kuti Ngu mbobuca nguwenya, sunu, amuya myaaka. Nda pa mulandu ku nzyalani eyi!

²⁷³ Leza watondezya Mwini kuba muumi. Leza watondezya kuti Eeli ndi Ijwi Lyakwe. Ino mu jisi nzi cita buyo cikungo ca tuyanza twabuzumini a tunsiyansiya! Mpaali mpo mukonzya kutondezya Leza muumi? Nkaambo mwakaka Ijwi Iya Buumi eelyo Iyaka nomupa zintu eezi. Iyi, munene! Oh, ino ndi oora nzi ndyo tupona mo ino. Fyuu! Ndyoonya! Oh, Inga naita . . .

Petro wakati . . . nywebo mwabweza, kwiinda ku maanza mabyaabi a ku bambula a ku jaya:

Oyo Leza . . . ngwa kabusya, mu kwaangulula ku mapenzi aa lufu: nkaambo tii cakali kukonzeka kuti ajatililwe kuli ndulo.

²⁷⁴ Elyo kwiinda ku tunsiyansiya twanu, a tubunga twanu, a tubungwe twanu, a ciwa canu cabukombi, ci caambaula. Ziwa zyanu zya bukombi, mwa kaka nguzu zya bubuke Bwakwe.

²⁷⁵ Pele oora Iya sika, mazuba aa mamanino ali ano, cindi Leza naka syomezya, kweendelana a Malaki 4, kuteeti Uyo busya mu mazuba aa mamanino, “alimwi uyo sandula myoyo ya bantu kujoka ku zilongezyo zitaanzi a Lusyomo Iwa pentekoste ilwa matata.” Elyo ta mukonzya ku cikaka, tamu konzyi kucizunda.

²⁷⁶ Lino Nda pa kaambo kuli ndinywe, kuzulwa, alimwi kumu zundikizya, a ku mupa mulandu kumbele Iya Leza, kuti a maanza akabungwe, mabyaabi, akuliyanda mwa bambula Ijwi Iya Leza kumbele Iya bantu. Elyo Nda mwiita kuti muli zulidwe a kulibambila ku Lubeta. Amen. Iyi, munene!

²⁷⁷ Nda ita cintu nciconya Petro nca kacita. Wa kaitila kweempwa ku nzyalani eyo. Nda itila kweempwa ku nzyalani

eyi, kweempwa kuya kuli Leza, a kujoka ku Bwini butaanzi ibwa Ijwi. Amu joke ku Lusyomo lwa matata eesu. Amu joke ku Muuya Uusalala, nkaambo Leza takonzyi Ku cicinca.

²⁷⁸ Cindi Leza na kaamba, “Ezi zitondezyo ziyo batobela abo basyoma,” Uleelede kukkala a ceeco muciiindi coonse ca Butamani. Ngu Ijwi Lyakwe.

²⁷⁹ Cindi waamba, “Amusukane maanza, na kulya mulalilo,” na cintu cimwi mbuli eco, na cimwi aa kansiyansiya ako, na cintu cimwi aa muzeezo oyo; kuti kufumbwa muntu, kufumbwa cakolwa, kufumbwa sikutasyoma inga wacicita. Kufumbwa sikulikozyanisya, kufumbwa sikuvuula—sikuvuula inga wacita eco. Kulya mulalilo, bali jisi ziwa a zintu mbuli obo, yebo inga wacicita.

²⁸⁰ Pele Jesu wakati eci ciyoooba cizibyo, “Ziitondezyo ezi ziyo,” kutali kuti *ndiza*, “ziyocita, mu nzyalani zyoonse, kuli baabo basyoma! Mu Zina Lyangu bayo tanda badyabulosi; bayo amba a myaambo iimbi, bayo amba a myaambo mipya; a kujata inzoka; kunywa zintu zijaya, ta cika bakoli pe; bayo bikka maanza aa balwazi, nkabela bayo pona.” “Kuponya balwazi, kubusya bafu, kutanda badyabulosi; cabuyo mbuli mbo mwatambula, cabuyo amupe.”

²⁸¹ Oonse makanze aya mapati aakupangila mali a zintu, a kucegwa mu zintu sunu, ta cigambyi bazwide lubeta loko. Iiyi, munene! Oh, ma!

²⁸² Atu bone eno. Iiyi, munene. Kwiitila ku kweempwa, a kupa mulandu kwangu eno.

²⁸³ Eyi Kalivari impya ngu i—i mbungano, ayo aategwa, masena aasalala loko, zikambaukilo zipati, cipaililo cabuna Katolika, cipaililo ca Katolika, citegwa cikambaukilo cabo. I Methodisti, Baptisti, Presbyteria, Lutherani, ba Pentekoste, masena aasalala loko, kuya Ula tambula kuyaswa Kwakwe kukali maningi. I Kalivari impya! Ino ijanwa aali? Mu masena aasalala, mbungano.

²⁸⁴ Mpaali Mpa bambwidwe? Kuzwa ku beembeli. Nywebo no basikuupaupa, mulizi kabotu loko kwiinda eco! Ta ndi nyemedede, pele cintu cimwi muli ndime cilakopa. Leza watondezegwa cakumaninina aakati kanu.

²⁸⁵ Mpaali Mpa kayaswa masumo Aakwe, mu lubazu Lwakwe? Mpaali Mpa kajana kuyaswa Kwakwe? Aa Kalivari. Mpaali Mpa kujana sunu? Mu cikambaukilo. Mpaali mpo bakazwida? Jerusalema. Mpaali mpo bazwida? I kabungwe. I balo abo baali kutaminina kuti bala Mu yanda, abo mbeba kacicita. Abo mbabo bacicita sunu. Kalivari Yakwe yabili, awo Mpa tambula kuyaswa Kwakwe kulwana Ijwi, eco ncencico ci Mu yasa. Nguni Walo? Ngu Ijwi. Ngu Ijwi. Mpaali Mpa yasilwa canguzu loko? I cikambaukilo mu masena aasalala, mbubonya buyo mbo cakabede kaindi.

286 Ndi jisi nguzu zya kupa mulandu ku nzyalani eyi. Ndi jisi nguzu zya kucicita, mbuli mukutausi wa Makani mabotu aa Jesu Kristo, a zitondezyo Zyakwe, a kutondezya kuti Ngu Leza. Ndi jisi nguzu zya kuleta kupa mulandu kulwana nzyalani eyi. Nkaambo, tuyaso twa sumo Lyakwe lyanguzu maningi twali kuzwa nkonya ku zikambaukilo, oko nkoba jana butongo a kwaamba, “Muta inki kubusena kuyo mvwa zintu ezyo. Nzya kwa dyabulosi.” Moonya mu busena oobo bweelede ku Mu yanda!

287 Elyo zintondezyo nzyoonya ezyo Jesu nzya kaamba inga ziyocitika, “I Ijwi lya Leza lilabosya loko kwiinda panga lya mabemba obile; Ijwi, sikutweluka mizeezo, a makanze aa moyo.” Elyo Ca tegwa dyabulosi, kuzwa kuli? I zikambaukilo, masena aasalala.

288 Oh, Leza, mbobuti Mbwa konzya kulanga aansii? Luse buyo—buyo, kwa mana, luzyalo. Ta tukonzyi kucita cintu cimbi pele kuya ku lubeta. Tuli kale kuya. Uh-huh.

289 Amu ciyeeye. Kuyaswa Kwakwe kwanguzu loko kuzwa ku cikambaukilo. Oko nkonkuko kuli Kalivari Yakwe impya. Bala Mu bambula, Ijwi, ku cikambaukilo. Mbo mbubo. Mbobuti, mbobuti mbo banga bacicita? Kwiinda ku ziwa zyabo zya bukombi. Obo mbombubo!

290 Kusamikwa musyini kuzwa baswiilizi, aa basikusabula! Walo uujisi musyini mupya wa maamvwa, basikusabula! Kuyaswa kuzwa ku cikambaukilo; kusamikwa musyini aa basikusabula. Sa Wa bambulwa lwabili, mu nzila mpya? Wakasamununwa aa tunsiyansiya twakabambwa aa bantu, bamaiyi ba tubungwe balwana Ijwi Lyakwe. Baka Li samununa, mu mause, ka Li sampaula.

291 Jesu wakati, “Muli cabuyo bala Ndi komba.” Muli *cabuyo*, “ta cigwasyi.” Nguni ngo bakomba? Ba komba Leza oyo nguwenya. Bakali kukomba oyo Leza nguonya ku kubambulwa Kwakwe kutaanzi, nkabela kwa kali kukomba kwabuyo. Ngu cintu nciconya sunu. Muli cabuyo bala yaka tubungwe otu. Muli cabuyo bala yaka maseminari aya. Muli cabuyo bali jisi tunsiyansiya otu, kabayiisya ku njiisyo milazyo ya bantu, a kukaka Ijwi lya Leza. Bali zulidwe ku kubambulwa kwa Mwaami wa Buumi, kuyiisya injiisyo zya bantu kuba Ijwi Lyakwe. “Muli cabuyo bala Ndi komba,” kasamunwidwe, kayasidwe, kasamikidwe musyini.

292 Cindi mwabona oyo kaselemuka aa kagwagwa, a bamwi ba balindu a masusu malamfu; kwaamba, “Ngwa cilengwa cakaindi, tali obo na?” Amuyeeye, abo mbasikusabula, oyo ngo musyini ngomu samide. Leza wakati mbo bwakali bulemu bwanu; amubusame a kubotelwa. Aleluya! Amwaasame a kubotelwa, mbuli mbo munga mwasama musyini wa maamvwa nkambo ka Mwami wanu. Amwaasame a kubotelwa. Mutafwi

nsoni. Wa kaamba obo, kakutakwe makani eco ba Jezebele aba nco baamba sunu. Eco basikulicengezya abo baima mu cikambaukilo, basikubambula Kristo, takukwe makani eco nco baamba, nywebo amwasame a kubotelwa. Leza wakaamba obo. Amu cibambe.

²⁹³ Wakasamikwa musyini, aa basikusabula lwabili, maamvwa. Wakayaswa kuzwa ku cikambaukilo, a tunsiyansiya.

²⁹⁴ Walo ujisi Gologota impya, oko nkoba Mu tola: aya makkwaya aasamide masani, banakazi basama tubbudula, bageledwe masusu, masyu aapendedwe, kabaimba mu kkwaya mbuli Baangelo, kabajisi matalenta. Eyo ngu Gologota Yakwe impya, basimisobano buyo bacisapi basunu ba kwaabilidwe aa mulao, mbuli ku Sodoma a Gomora.

²⁹⁵ Mula bona mubwa muniini muzyazi kaselemuka kagwagwa. Ku ziindi zimwi taakwe mubwa mweenze uyo inka akwalo kubusena oko nkwabede. Amu lekele cintu kucitika, nkabela umwi aumwi wabo uyo zuza kumutobela. Kuli cintu cimwi cakacitika kuli nguwe. Nywebo mulizi kaambo. Amu . . .

²⁹⁶ Nkaambo nzi aba bamakaintu ncoba samununa zisani zyabo, a kwiinka kuselemuka kagwagwa? Muta ndaambili kuti tacili cintu nciconya. Ngu ciziby. Muta pi mulandu ku bantu. Pele bali kwabilidwe aa mulao wa Sodoma. Oyo mulao weelede kwaamba kuti tacili mumulao kuli mbabo kuba kubusena kuya.

²⁹⁷ Elyo bakambausi beelede kuti basamide mapitikoti mubusena bwa majakete aa bupaizi; kabaimvwi kubusena kuya a kuczumizya, a kufwansoni ku cilwana, nkaambo kabungwe kabo kayo batanda. Mula bambula, ku i—i mbunga, Ijwi lya Leza eelyo lyaamba kuti, “Ngu cisesemyo ku mwanakazi kusama cikobela eci ca mwaalumi.”

²⁹⁸ Nda—Nda pa mulandu ku cintu. Nda—Nda—Nda—Nda—Nda—Nda citamizya ku bambula Ijwi lya Leza ku meso aa bantu. Banakazi bageledwe masusu, kabasama tubbudula, a musyini. . . kabaimvwi mu kkwaya!

²⁹⁹ Muntu umwi wakati kuli ndime, buzuba bumwi, umwi mukaintu wakandibuzya, wakati, “Ee, uyeeya kuti nkuli nkoti kajane?”

³⁰⁰ Nda kati, “Ikuti Mwami wandaambila kuti ndisale bamwi, nyika yoonse, Inga nda—Inga nda yoowa ca lufu.”

³⁰¹ Cindi, kwiinda ku kutweluka kwa ku Muuya, kwiima awo aku balangilila, a kwiima mbuli obo a kubona zintu zyalo aali mbabo; basiku nyonka misanga yatombwe, babyaabi, basofweede, a balunya-lubyaabi, ku busena kuya kaba cita zibyaabi mbuli boobo, nkabela akwiima mu zikobela zya kkwaya a kwiimba mu ciimo eco, akulekela bantu kuti ba babone. Bayo amba, “Ee, ikuti na wakonzya kucicita, inga Nda cita ambebo.”

Buumi bwa Munakristo mbuumi bwabusalali a bunjoloma, butakwe bubu!

³⁰² Nda bapa mulandu, mu Zina lya Jesu Kristo, nkambo ka busofwi a tombe lyabo. Baleta sampu ku Makani mabotu. Elyo ababo basola ku Ci jatilila, baitwa kuti “basikwiindilizya,” kabaitwa, “Obo mbufubafuba bwa cianza cakaindi.” Nda pa mulandu, mu Zina lya Jesu Kristo.

³⁰³ Misobano ya kulisangabasya buyo ya cisapi mu kagwagwa, kwiimba mu kkwaya, kufweba misanga yatombwe, kwaamba kudana kwatombe, bamaalumi botatwe na bone, alimwi kuzwa umwi wa cisambowe, elyo mpawo kwiimba mu kkwaya nkaambo bala majwi mabotu. Nywebo basibupampu batakweankobaya, bakanyengelelwa kumuuya, kukakwa aa mbaakani zyanu zini. Nywebo mula bala Bbaibbele ndilyonya eelyo muntu uuli oonse ndya konzya kubala, pele mwakaka Muuya wa Leza, mane Bbaibbele lyakati inga muyo “pegwa ku lweeno lupati, kuti musyome bubeji a kunyonyoonwa a mbubo.” Nywebo mula syoma ncobeni kuti muli luleme, alimwi Bbaibbele lyaamba kuti muyo busyoma a kunyonyoonwa kwiinda ku bubeji mbubonya obo mbo mwakasyoma kuti Mbwini.

³⁰⁴ Aboobo, Nda mupa mulandu kwiinda ku Ijwi lya Leza. Muiyisya bantu bulubizyi, aku bambula milazyo ya Kristo, ya busalali a Buumi aatala, ikuti muntu aende kubusena aa kagwagwa a kuba muntu wandeene.

³⁰⁵ Bakambausi kabaimvwi ku masena aakusobanina bbola, kabafweba misanga yatombwe; balo nzilebyo; bufuba boonse bumbi obo mbo balekela. Banakazi babo mu makkwaya, kabasama tubbudula, masusu aageledwe, a kucita zibyaabi mbuli obo, masyu ananikidwe musila, akwiita oyo kuti, “Mucizi, *oyo a oyo*,” nkabela Bbaibbele lila sampaula zintu ezyo. Mbo mbubo. Kuya ku zipobwe a kucita zibyaabi, kacili membala wa mbungano; kubamba bumboni bwanu, aku pona nzila iili yoonse njo muyanda.

³⁰⁶ Muta yeeya kuti Nda amba ba Presbyteria cakumaninina. Nda amba andinywe noba Pentecoste. Mbo mbubo. Mwakalizyi Bwini ciindi cimwi, pele mwaka yeeya kuti tamunkozyi ku Bu tambula. Tii mwakakozya kugwasya mweembeli wanu. Mweembeli wanu—wanu nata kakonzya kuba a ncito eyo mpati ijisi madollar manji mu mwiki, a mbungano mpati imbotu yaku kambaukila, akweenzya aku zumanana mbuli mbobacita. Ikuti na katapatila eco, i kabunga noka kamutanda; aboobo welede kucibamba, welede ku cambia. Aboobo, wakasambala bupati bwakwe, nkambo ka cipampwido ca musinza iwa nyika, makololo aa Esau. Ino uyojana bulumbu nzi kuli ncico? Boonse bawida mudindi lya kupegwa kaambo, a kupegwa kaambo. Nda bapa mulandu, mbuli basibwamu ba Makani mabotu.

³⁰⁷ Nda kali ku kkwaya, imwi ya aayo azizilwe, masena mapati, kutali ciindi cilamfu cainda, imwi ya zyuuno zyatala zyaba Pentekoste eyo iiliko. Elyo Nda kajanika kuti ndikkede mu busena mwabalila bwa mukwesu oyu cindi makkwaya ali oone na osanwe nakaboola antoomwe. Elyo nkuuli bumwi bwa . . . tubunga tumwi tubotu twaba Pentekoste. Elyo teeba kazyi kuti Nda kali mubusena bwakubalila ibwa mweembeli, ku Oklahoma. Nda kali kkede acuuno kuya, aansii, awo mukutausi oyu mpa balila katana kusika ku cibumbili eci. Elyo cindi ni Nda kacita . . .

³⁰⁸ Kwakali ba Ricky baniini kubusena kuya; a ba Ricketta, apenti, taakwe umwi wabo waka jisi masusu malamfu, boonse bakajisi masusu aageledwe, boonse babo kabananiide misila, boonse babo kabasamide mahembe. Elyo Ricky muniini kaimvwi koonse oko, kayabuya mbuli obo, (nkabela mwaalumi umwi wakali kubwezelela mulumbo wa mulimo wa missionari), nkabela wakali kucita mbuli kuti wakali mwaalumi moofu kajisi nkomeki, akuunka koonse kuya bwaamba musyobo oonse wa zintu zya kusanka nkabela kabwezelela mulumbo, a zintu mbuli obo. Pele kazwa kuya a kusola kwiimba i—i *Mesiya*, oh, ma, alimwi—alimwi akukonzya kucita mulimo mubotu kuli njiyo, pele tii kwakaba abulile bumvwika. Peepe, yakali fwide, mwabona. Oh, ma! Mpaawo we. Eyo ngu Gologota Yakwe mpya.

³⁰⁹ Ino muyeeya nzi ku musimbi umwi muniini, na mwanakazi umwi muniini mukati muno? Baa, ikuti na inga wanjila muno, kasamide mbuli mbwa kweelede kuba, a masusu malamfu, a kugwisya misila yoonse, a zintu mbuli ezyo, niba kamuseka; ikuti na kaima, alimwi cindi nibakali kukwankana kuya, kuti nkamu ya bantu bakubusyi, batandila ku makumi otatwe na one ambabo. I cibeela ca basale ca Pentekoste, a kucita zintu mbuli obo! Elyo ikuti na mulindu oyo muniini na kaamba cintu cimwi kujatikizya ncico, niba kamutanda mu kkwaya.

³¹⁰ Amulekele mukambausi wa Makani mabotu aime mu cikambaukilo akwaamba cintu kujatikizya eco, inga bamutanda mu kabunga. Mu bambula Mwana aa Leza mu nzila mpya, a ku Mu bikka ku mause antangalala. Makani mabotu Aakwe ayo nge mutaminina ku kambauka, mula Mu bambula. Nda pa mulandu ku nzyalani eyi iikaka Kristo, kwiinda ku Ijwi Iya Leza, a kwiinda ku nguzu Zyalyo izya kusimpikizigwa oku kwa ku mazuba akumamanino kuti Walo ucipona. Iiyi. Ba Iwana Ijwi Iya kasimpikizigwa, lisoelokede Iya Leza. Tubunga twabo tatu konzyi ku Li zunda.

³¹¹ Mabungano mapati a tubungwe nje Kalivari Yakwe mpya. Nda caamba lwabili. Eci, misobano yabo yakuli sangabalisa yacisapi mipya, makkwaya abo.

³¹² I mupaizi mupati wa kabungwe kamwi akamwi ulaompolola mbuli mupaizi mupati wa buzuba buya, “Lino koseluka

utu tondezye maleele.” Uh-huh. Oku kwakali kubambulwa kutaanzi.

³¹³ Ngu buzuba mbubonya. Nda ka babamba kwaamba kuti, “Ee, ino, ula busya bafu, tociti na? Nkaambonzi toinka kutala kuya? Yebo ujisi mukaintu mu namaumbwe. Yebo ujisi muvwanda kutala kuya.”

³¹⁴ Ba kati kuli Nguwe, “Twa ka Ku mvwa kobusya bafu. Tuli jisi namaumbwe iizwide mbabo kutala kuya. Koboola uzobabusye.” Oh, kubula luzibo kuzyala kubula luzibo. Mwabona? Uh-huh.

³¹⁵ Mabungano mapati, makkwaya mapati, bapaizi bapati ba buzuba buno, “Koseluka, kotu tondezya maleele ayo kabungwe kesu nka takonzyi.”

³¹⁶ Nda kali a mwaalumi, kutali ciindi cilamfu cainda, oyo wakabamba bwaambe aa...kumane kuzibya ku bantu kuniini kwa makani nko Nda kajisi mu Jonesboro, Arkansas, kwaambaula zya mwanakazi umwi waka ponesegwa. Oyu mulombwana wakali kuzulilwa ku kabungwe kamwi ka mbungano, elyo wakaima kusule kuya akwaamba, “Nda zundikizya muntu uuli onse kundi letela a kundi tondezya maleele.”

³¹⁷ Nda kainka a kuleta dokotela. I muntu waka ponesegwa, ku kkulenge. Nda kainka a kuleta mwanakazi oyo wakali mu wiluceya kwa myaka ili makumi obile; waa kaponesegwa ku coondamazwi, wakali mu wiluceya. Nda ka cibwezela mulimo kuya a kwaamba, “Lino Ndi yanda mali, madollar aali cuulu.”

³¹⁸ Wa kati, “Ee, uh, uh, uh, uh, taako pe. Ali kuya mu Waco, Texas, kuli masena eesu aa kubelekela nkwabede.”

³¹⁹ Nda kati, “Ncibotu, tuyo unka buyo kuya a kwaabweza.” Kati, Nda kati, “Yebo ubambe bweende nkabela tuyo unka juunza.” Mwabona? Nda kati, “Tuyo tumina mposo...” Nda kati, “Ngooyu dokotela wa kwaamba kuti bantu aaba baka jisi kkulenge ncobeni. Nceeci cili aa mweelwe wa zintu, ekisi-reyi. Ngooyu mwanakazi oyu bantu boonse ba mubusena ngo bazi kuti waa kakkala mu wiluceya eyo kwa myaka iili makumi obile, nkabela uleenda ndyoonya eno. Elyo madokotela, kwakali dokotela kutobela dokotela kutobela dokotela kutobela dokotela, a zintu zyoonse, nkabela ngooyu ulapona sunu. Lino, yebo waamba kuti inga ‘wapa madollar aali cuulu.’ Ndi yanda kwaabikka mu mali aa mulimo wa missionari. Nda ayanda.” Mwabona? Mwabona?

Wa kati, “Ee, ali kuya ku Waco, Texas.”

Nda kati, “Tuyo inka juunza.”

³²⁰ Wa kati, “Kolindila kaindi kaniini. Andi kwaambile cintu cimwi. Njo bwezelezya kasimbi kaniini. Elyo andi bweze mbeli

a kutenda kuboko kwakwe, elyo mpawo umuponye, kumbele lya bakwesu besu. Elyo bayo kupa mali.”

Nda kati, “Yebo dyabulosi!”

³²¹ “Ikuti na Yebo uli Mwana wa Leza, koseluka kuzwa ku ciingano eci.” “Twaambile Yebo wakuma,” a kalembu kazambaidwe ku mutwe Wakwe. Baka Mu uma aali nkako, kati, “Lino, ikuti na Uli musinsimi, twaambile oyo wasi- . . .” “Ikuti na Yebo uli Mwana wa Leza, koseluka kuzwa ku ciingano.”

³²² Basololi boofu iba moofu! Bayandika kusilikwa zyakuyeyya, muntu ucita cintu mbuli eco, na kubamba bwaambe mbuli obo. Ncobeni.

³²³ I kulila kwa kaindi kuzizilwe, nekuba, “Atu bone Yebo ucite maleele. Simalela, tu yanda kubona maleele kuzwa kuli Nduwe.” Kakuli, buzuba abuzuba, oora lyoonse, akali kucitika ncobeni antoomwe, mbubonya buyo Leza mbwakali kucisololela kuti cicitwe. Pele teeba kaliko. Ikuti noba kaliko, niba kaciita kuti “Bezebule, dyabulosi.” Mwabona? “Simalela, inga twayanda kuti Yebo ucicite mbuli mbo tuyanda kuti Yebo ucicite.” Nce ncico. “Koya nko tuyanda kuti Yebo uunke, kocita eco nco tuyanda.” Oh, iiyi. Uh-uh. Teeba kajisi nguzu zyakweendelezya Nguwe. Peepe, munene. Ako nke kaambo nkeba baka Mu gwisya aakati kabo. Iiyi, munene. Basola kucita cintu nciconya sunu. Elyo kwiinda mu nsangano ya zikombelo, bayo zwidilizya kucicita kumamanino, mwabona, boonse babo kaba kamantana. I kulila kwa kaindi kuzizilwe.

³²⁴ Mpaawa tula bona, lwabili, busena bwa bukombi loko, basilwiiyo, babukombi, baina ababotu loko kaboompolola lwabili, a ku Mu lwana, kaboompolola. I mbabonya basilwiiyo bazyabukombi baina, abo bakeelede kuziba bwandeene; ngaonya mabungano asumpukide loko, a basilwiiyo bazyabukombi bakaiya kabotu, baka Mu tanda kuzwa aakati kabo. Taba Ci yandi.

Yebo wati, “Eco cili lubide, Mukwesu Branham.”

³²⁵ Mpawo tokaliko kuno kumvwisya *I Makkalo Aambungano*, na kwaamvwa ka kambaukwa. Tokaliko kuno pe, cindi, Bukkalo obu bwa Mbungano ya Laodikeya njiya kali iilikke yaka Mu tanda kuzwa ku mbungano. Elyo Walo kali aanze, busena bwanze, kakonkomona, kusola kujokela mukati. Baka Mu tandila anze nkaambo tii bakajisi lugwasyo a Nguwe. Baka Mu bambula mu nzila mpya. Ameni! Mbulamfu buti mbo tukonzya kuunka?

³²⁶ Amuyeyee, musinsimi wa Ijwi lya Leza waka twaambila kale kumbele, muli Timoteo Wabili 3, ikuti na mula cilemba aa mapepa. Ta tujisi ciindi ca kucibala. Pele lyakati, kuti, “Mu mazuba aku mamanino, basabuzi bayo boola. Bayo oba basikainya, balisumpula, basikuyanda misaalo kwiinda basikuyanda ba Leza; basikulengelezya twaambo, batakkutuli,

bakali, a basampaula abo babotu, basimusuzanyanya, basikainya, balisumpula, busicikolo; bala ciwa ca bukombi, pele balakazya Nguzu zya mbubo: kuzwa kuli baabo kofutata! Nkaambo aba ngo musyobo wabaabo batola banakazi, bafubafuba bageledwe masusu,” basama tubbudula, masyu apentedwe, “kuzwa ku busena kuyaku busena, a kubasololela mu bwaange.” Eco mbocibede ncobeni.

³²⁷ Wa kati, “Ko futatila eco, mu mazuba aku mamanino.” Atu swiilile musinsimi. Ko futatila zintu ezyo mu mazuba aku mamanino. Ali aano. Ndiita ku Mbungano eno. Iiyi, munene. Amuzwe kuli ncico!

³²⁸ Bali jisi, bali, i—i bakutausi ba buzuba buno, beelede kuziba zintu ezi. Ba keelede kuziba Jesu mu mazuba Aakwe. Ba keelede kuziba. Elyo eno beelede ku ciziba, pele taba cizi. Mbubonya mbuli bamayi bama Juda baku mazuba Aakwe ba keelede ku Mu ziba kwiinda ku buzuba Bwakwe, mbo cibede asunu, ku Ijwi lya Leza lyaka simpikisigwa caantagalala mpawo. Wa kali Ijwi, nkabela Wa katondezya kuti Wa kali Ijwi. Wa katondezya kuti Wa kali Ijwi lya buzuba obo. Alimwi Leza watondezya kuti Walo ngu Ijwi lya buzuba buno, Mumuni wa oora. Elyo ba keelede ku ciziba kaindi, alimwi beelede ku ciziba eno.

³²⁹ Baka Mu bambula kaindi, alimwi bala Mu bambula eno. Nda bapa mulandu kuli eci! Mbombubo. Cila zumanana kumweka kwiinda muli ndime, “Kubapa mulandu, nkaambo Leza uyobabamba kuti bakasubulwe nkambo ka ncico!”

³³⁰ Bama Juda ba buzuba bwabo. Leza lwabili, mu mazuba aa nyika, Jesu wakati, “Jerusalema, Jerusalema, calampa buti ciindi Nke kubungika mu nkamu yomwe mpati, pele toka yanda.”

³³¹ Obo Leza mbwasola, ku mazuba aaku mamanino, kuleta bantu Bakwe antoomwe, pele tamu yandi. Mwa yanda tunsiyansiya twanu, aboobo lino mwapengwa ku lunyonyooko. Eco ncecico Jerusalema ncoya katambula; ya ka mwaigwa, kuumpwa mane do, taciko limbi. Nkabela eco ncencico ncobeni ciyooba, amwi mazuba aya, ku zintu zyoonse ezi kuno. Tunsiyansiya twanu tulemu alimwi tubungwe tuyoofwa a kunyonyooka, pele Ijwi lya Leza liyooba Butamani a kupona lyonse alyoonse. Mwabona?

³³² Zilonda zyakwe zipati zyakazwa ku ng’anda ya bategwa mbeenziyina. Amu, amu ciyeeye. Amu ciyeeye! Amwiime! Nda lindila kwa kaindi kaniini. Bakutausi, amu ciyeeye ncico! Zyakazwa kuli zilonda Zyakwe? I ng’anda ya bategwa mbeenziyina Bakwe. Mbuli mbo cakabede, aboobo mbocibede. Amu ciyeeye! Aa Kalivari Ta ka zungulikidwe a—a zigebenga, basilunya batasumpukide, pele a bakutausi abo bakataminina bakali ku Mu yanda. Elyo sunu, Makani mabotu atondezegwa cakumaninina, cindi zitondezyo zipati zya bubuke Bwakwe

zyazibisigwa aakati kesu, takali kagwagwa ako katambulika ncobeni, mbabo bategwa mbakutausi.

³³³ Balo abo bakeelede ku Mu yanda, mbe mbabo abo ba Mu zungulikide sunu. “Ta tuka tambuli Cintu eco aakati kesu. Ta tuka zuminini Muntu oyu ku tweendelezya. Ta tukagwasyi. Ta tukabi a kubelekela antoomwe a Eco, mu dolopo muno, ikuti na Cintu eco caboola nzila eyi. Tacili cintu pele ciimo camizimu. Ngu dyabulosi.” Kutaziba Ijwi Iya Leza, moofu kabasololela boofu. Mbuli mbo cakabede kaindi, amuyeeye, mbo cibede eno. Mbubonya buyo mbo cakabede kaindi, mbo cibede eno. Amuyeeye!

³³⁴ Nguzu Zyakwe zyakuponya a kwaagulula baalumi a banakazi kuzwa ku luyandisyo Iwa nyika eyi yasunu, kuzwa kukugelwa masusu, ba Jezebele bananide misila ku masyu abo baliita kuti Mbanakristo; a kutondezya buumi obo mbuli eco, kufweba misanga yatombwe, kwaamba kudana kwatombe. Akulibamba a kuba nkamu ya bumissionari, a nzila zyakutunga a kusuma, a kwaambaula, mucito mubyaabi loko, a—a kuzwa kuya mu kagwagwa a kusama tubbudula, a zintu zyoonse mbuli obo; alimwi mpawo kuliita lwabo kuti Mbanakristo, kumbele Iya banakazi bambi. Mula yeeye kaano kangu kajatikizya muzike mukuziba kuti wakali mwana wa mwaami, bube bwakwe. Ino tweelede kuba buti? Baalumi a banakazi, a kukaka . . .

³³⁵ Aba bapaizi, ezi zikambaukilo oko Nkwa kajanina kuyaswa Kwakwe, baleta muku langanisigwa a kuzumizya musyobo wa kupona aakati ka bantu, awo mpo ba Mu yasa. Bala kaka Nguzu zya—zya kubaangulula kuzwa kuli ncico, elyo bala cizumizya kuba boobo. Kakuli, cili impene ku Ijwi Iya Leza, kuti mwanakazi kagela masusu aakwe, na kupenta busyu bwakwe, na kusama tubbudula. Cili impene ku Ijwi Iya Leza, pele bala cizumizya eco, kupanga Kalivari iimbi (kuzwa kuli? kuzwa kagwagwa? kuzwa ku zinywido zya makoko?) kuzwa ku cikambaukilo, kuzwa cikambaukilo.

³³⁶ Elyo, lwabili, kwali koompolola kwa nzi? “Uli bamba Leza Mwini.” Bala kaka Buleza Bwakwe. Bala sola ku Mwa baula a kubamba Baleza botatwe na bone kuzwa kuli Nguwe. Kakuli, Ngu Leza; Wa kali Leza; Uyo oba Leza lyoonse, mbobuca nguwenya, sunu, amuya myaaka. Cindi waamba zya Leza omwe, kuli mbabo, bala kuseka. “Tu syoma mu butatu bwa buleza busalala.”

³³⁷ Nda syoma muli Leza omwe uusalala, iiyi, munene, Nguzu Zyakwe zyakuponya, zya kwaangulula, a kugwisya bantu ku luyando Iwa nyika, ku baangulula mbuli Mbwa kacitakuli Maria Magdalena. Amuyeeye, wakali Jezebele muniini waka nanide misila, awalo. Wa kanjidwe madaimona ali ciloba. Wa kali simisobano ya cisapi.

338 Mbobonya mbuli banakazi basunu mu tugwagwa sunu; amwiinke kuli koonse nko muyanda a kulanga. Ikuti na tamu syomi kuti bantu bakotamina malende aa banakazi, amulingule mu tugwagwa sunu. Mbuli mbo cakabede ku mazuba aa Sodoma, mbo ciya kuba. Amulingule, ikuti na tamu cisyomi, kamuya biyo ku masena oonse. Amujule mitende, amujule ma magazini, amulange ku zikwankwani, mu jana nzi? Amuyeeye mbo lya kaamba, “Cindi bana ba Leza nobakabona bana basimbi ba bantu kuti bakali babotu, bakali bwezela bamakaintu.” Amubone ku mucito mubyaabi loko mu England, amubone ku mucito wa sampu awa, amubone cintu coonse, yaba ng’anda ya bwamu.

339 Nkaambonzi cili obo? Nkaambonzi Russia yaba kkomunizimu? Nkaambo ka cisapi aa tombe, aa kutaba a Nguzu kwa mbungano ya Katolika. Elyo mbombubo ncobeni kaamba cisi eci ncoca eendelezegwa, kkomunizimu a nsangano ya zikombelo, a kuli swaanganya lwayo a mbungano ya Katolika. Kwalo, kkomunizimu a buna Katolika buyo kamantana antoomwe, nywebo mulizi, elyo mpaawa bali mukucita. Nkaambonzi? Nkaambo bakaka Makani mabotu ayo abatantamuna a ku babamba bantu bandeene! . . . ? . . . Aako nke kaambo keni.

340 Eno bakutausi mu cikambaukilo bala cilekela, nkaambo ka majanino aa cakulya, bwiime butambulwa ku buleya ikwa kansiyansiya kamwi, kwaamba, “Ndi zulilwa kuli *Boobu-a-boobu*,” kusala lwiiyo mubusena bwa Nguzu zya Leza; ku baangulula kuzwa ku mukowa oyu uusondokede, mbuli Maria Magadalena.

341 I Nguzu nzizyonya ezyo zikonzya kubweza simisobano yacisapi miniini aa kagwagwa, a kumubamba kusama zisani a kulilemeka mbuli mulindu, kubamba Munakristo kuzwa kuli nguwe, bala sampaula Nguzu ezyo, a kubambula Muntu oyo waka Zi jisi, ku Kalivari.

342 Elyo sunu, ngaonya Makani mabotu aa Muuya Uusalala oyo uyo bweza simisobano ya cisapi muniini a kumupanga kusama mbuli mulindu akulilemeka mbuli Munakristo, ba Ci ita kuti “ciimo cakwiindilizya.” Taba yandi kuti Ci sangane a mbunga yabo, Ci leta penzi aakati kabo, cipa banakazi bamwi ku cicita. Ino bacita nzi? Bala Ci tanda, mbuli mbo bakacita kaindi. Elyo lino bala bambula Ijwi ndilyonya a ku lyaamba kuti Lya kali ilya bukkalo bumbi. Nda bapa mulandu lwabili, iyyi, munene, mbubonya buyo mbuli mboba kapegwa mulandu kaindi.

343 Citondezyo capa kuti Legione wakaindi asame zisani zyakwe. Amuyeeye, i bantu basamununa zisani zyabo bali sondokede. Mwabona? Mbobuti kujatikizya mwanakazi? Legione wakali sondokede; wa kasamununa zisani zyakwe kuli lwakwe. Leza wakabweza Nguzu Zyakwe a kumubamba kusama

zisani zyakwe. Wa kali samide, mu mizeezo iikkwene, kakkede ku matende aa Jesu.

³⁴⁴ Amulange ku Nguzu zya kabamba Bartimaeus moofu wakaindi kukubona, akati katunsiyansiya. Wa kali aa nyika cindi no kwakali buyo kutasyoma kunji mbubonyina mbuli sunu, kwiina nocaka Mu lesya. Wa kaya ambele. Kwiina naka vwunga fwaindi kuli mbabo. Wa kabaambila, “Nywebo muli ba uso wanu, dyabulosi.” Wa katapatila cintu coonse.

³⁴⁵ I Nguzu ezyo zyakali kukonzya kubusya Lazaro kuzwa mu cuumbwe, a kujosya ku mwanakazi waku Nain mwana wakwe mulombe! O Leza! I Nguzu zyakali kukonzya cita zintu ezi, ezyo zyakali kukonzya kwaamba zintu ezyo zyakacitika. “Kuli zyo bilo. . . Kambongolo, kuli kambongolo kaangidwe ku nzila zyo bilo,” alimwi zintu ezi zyoonse ezyo Nzya kaamba kuyocitika. I Muntu nguonya oyo waka jisi Nguzu ezyo, “A zwe. Ta tuka Mu tambuli aakati ka bantu besu. Unyonganya njisyo zyesu,” nkabela baka Mu bambula.

³⁴⁶ Cintu nciconya sunu, “A uzwe Muuya Usalala,” taba yandi cintu cili coonse cakucita a Nguwo. “Ula tapatila a kucita zintu ezi, a kwaambila bantu besu zintu ezi kuti tatu yandi kusangana aakati ka tubunga twesu. Cilwana tunsiyansiya twesu.” Bala Mu bambula lwabili. Oh, ma!

Amubone lino notu jala. Ndeelede kujala.

Elyo, lwabili, bala Wi ita kuti “ciimo cakwiindilizya.”

³⁴⁷ Elyo baka Mwi ita kuti “sikwiindilizya.” Ba kati, “Wa kali sondokede.” Kufumbwa muntu ulizi kuti Bbaibbele lya kaamba obo, “Jesu wakali,” balo ba Farisi iba kati, “oyu Muntu mu Samaria, nkabela Wa kali nyongene.” Lino bbala *nyongene* lyaamba nzi? “Kusondoka.” “I Muntu uli sondokede. Ni nkamu ya bantu basondokede ba Mu tobela. Ngu Bezebule.”

³⁴⁸ Elyo, lwabili, ba laamba cintu nciconya, “Ngo musyobo wa bulozi. Kwamba ziyocitika,” ku Mu bikka lwabili aa ciingano ca mause. Ciingano nzi? Mause nzi? Ijwi Lyakwe lyaka simpikizigwa; ku Li fubaazy, kwaambila bantu kuti Ngu dyabulosi. Kupanga cimwi cintu, eno kwiita. . .

³⁴⁹ Wa kati, “Balaita milimo isalala ya Leza kuteeti ‘muuya mubi uucicita,’ kwiina kulekelelwa kuli ncico.”

³⁵⁰ Kubamba mause ku Ijwi Lyakwe, kusola ku Li tondezya bubi antangalala a ku Li ita litali lyakasimpe na ciimo cakwiindilizya, “Muta inki kuli ncico. Muta nojaniki ku miswaangano ayalo.” Uh-huh.

³⁵¹ Bacita nzi kwiinda mu kucita obo? Babweza mpikili zya tunsiyansiya twatubugwe twabo. Mbo mbubo. Aba bamayi bavwimi misaalo, basondokede batubungwe, batazileza, banyika, babweza mpikili zyatubungwe a ku bambula Mwana

wa Leza a nzizyo, mu nzila mpya, kuzwa ku zikambaukilo zyabo.

³⁵² Nkaambo nzi nco bacita eci? “Bala yanda kulumbaizigwa ku bantu,” madigrii ayo mbungano njoikonzya kubapa, “kwiinda ku luyando lwa Ijwi lya Leza.” Nda batapatila. Ta bakonzyi ku kozya nyika, nkaambo bali. . . Konzyi ku kozya Ijwi, nkaambo baka kozya nyika. Baka cicita kale. I buzuba bwakuupaupa obo mbo tupona mo! Sa eci tacili. . .

³⁵³ Sena Kalivari yomwe tayeelede ku Mwami wangu? Nkaambonzi ncomu yocita eci? Nywebo nomweelede ku Mu yanda, nywebo nomuzi kuti Eeli ndi Ijwi Lyakwe, nywebo nomu konzya kubala Ciyubunuzyo capita 22, yaamba kuti, “Kufungwe muntu uyo gwisya Ijwi lyomwe na kuyungizya ijwi lyomwe,” nkaambo nzi ncomu cicita? Sena Kalivari yomwe tayeelede kuli Nguwe?

³⁵⁴ Nda ima mu bukwabilizi Bakwe. Ndime simulao Wakwe wiiminina, nkabela Nda mupa mulandu kwiinda ku Ijwi lya Leza. Amucince nzila zyanu kwataba boobo muyooya ku gehena. Tubungwe twanu tuyomwaika. Nda mupa mulandu mu Busyu bwa Mubetesi, mbombubo, nywebo, a ziwa zyanu zya bukombi, kuupaupa. Elyo nkaambonzi nco Ci ita. . . Sena Kalivari yomwe tayeelede?

³⁵⁵ Mbuli Petro mbwa kaamba, “Bamauso banu batubungwe,” Petro waka mupa mulandu kwiinda ku. . . Kaamba, “Mbali bamauso banu bata citide eci?” Stefano wakacita cintu nciconya: “A maanza mabi mwabambula Mwaami wa Buumi.” Sena Jesu ta kaamba, Mwini, “Nguni umwi wa bamauso banu watakabikka munsisimi mu zyumbwe? Elyo mwa zibotya kwamana”? Aboobo mbo cibede ku bantu baluleme mucindi coonse ca makkalo!

³⁵⁶ Aboobo Nda pa mulandu ku bantu aba, babotu loko bankamu yiinka ku zikombelo iikaka Kristo wa buzuba buno. Nywebo, aziwa zyanu zya bukombi, mubambula Kristo wangu ciindi cabili, kwiinda mu kwaambila bantu, kuti, “Aya Majwi nga buzuba bumwi bumbi, elyo Tali a buzuba buno.” Nda mupa mulandu nywebo. Muli zulidwe ku mulandu nguonya oyo wakaliko, ku buzuba bwa kubambulwa. Amweepwe akulanga kuli Leza, kwataba obo mwanyonyooka.

³⁵⁷ Elyo lwabili Nda amba, “Ano,” mabungano, “balo,” bamayi, “balabambula,” kwiinda ku kusanka, “Walo,” Ijwi. Leza abe siluse! Anda ambe eco lwabili. Ndiza inga capa kunyongana aa teepu. “Ano,” mabungano, “balo,” basimilimo, “balabambula,” kwiinda ku kusanka, “Walo,” Ijwi. Ta cigambwi caloolola:

Akati kuba mabwe a kusizya milengalenga
 Mufutuli Wangu waka kotamika mutwe
 Wakwe a kufwa,
 Pele cisitilizyo cijukide cakuyubununa nzila
 Ku lutangalo lwa Julu a buzuba butagoli.

³⁵⁸ Nda camba aa teepu eyi, a ku nkamu ya bantu eyi. Nda amba eci kubweendelezi bwa bunanike ibwa Muuya Uusalala. Nguni uli ku lubazu lwa Mwami, aboole kubweendelezi bwa Ijwi! Leza masimpe uyooleta nzyalani eyi mbyaabi, iikaka Kristo, iifutatila Kristo mu lubeta, nkambo ka kusanka, kubambulwa kwa Ijwi Lyakwe lyaka tondezegwa. Ba boola ku Lubeta. Nda cipa mulandu! “Nguni uli ku lubazu lwa Mwami.” kaamba Musa, “aboole kuli ndime,” cindi Musumpululu wa Mulilo kaulengelela kuya mbuli bumboni. Nguni uli ku lubazu lwa Mwami, a bweze Ijwi, akukaka kansiyansiya kakwe, a kutobela Jesu Kristo mazuba oonse. Elyo Ndi yomuswaana kuseeni.

Atu kotamike mitwe yesu ku ijwi lya mupailo.

³⁵⁹ O Mwami Leza, Sikupa Buumi Butamani a Mukamwini wa Ijwi eeli, Oyo wakabusya ciindi cimbi Mwami Jesu kuzwa ku bafu, Oyo waka cizibya kweelede kumbele lya i–i nzyalani ya bantu batasyomi. Cali ciindi cilamfu, kuseeni kuno. Banji bakala ano. I mbungano ilizwide. Bantu balimvwi koonse. Elyo mateepu ali mukupangwa, kuti ainke ku nyika mboizulwa, mu masena ayindene. Bakutausi bayoomvwa eci mu masena abo akubalila. Nda bakombela, Mwami. Kolekela Majwi awide mu moyo cakusakana, kutenda cakusakana, ku kosola nyika yoonse. Kuti bakonzye kwaamba mbuli . . .

³⁶⁰ Oyu mukutausi musyoonto wa Methodisti ku musanza mu Kentucky, wakaboola kuli ndime buzuba bumwi, a kwaamba, “Cindi ni Nda kali kumvwa ayo *Makkalo Aambungano Zili Ciloba*, Nda kacimvwa ka coompolola, ‘Amu zwe ku bulambo bwa Babuloni,’” kati, “Nda kacileka a kuzwa. Ta ndizyi nzila ya kuunka na eco cakucita, pele Nda kazwa.” Kulelekwe kuba a camba ca mwaalumi oyo mukubusyi, a mukaintu, a bana bobile na botatwe.

³⁶¹ Leza, banji abajane lweendo lwabo ku Ijwi lya Leza, lweendo lulike lwa Buumi, nkaambo Ngu Ijwi. Nda kombela umwi aumwi, Taata. Zimwi ziindi mu kwaamba zintu ezi, takuli mu lunya; mu luyando, nkaambo luyando ndwa kululamika. Elyo Nda komba, Leza, kuti bantu bayo cimvwisya kuba nzila eyo, kuti cakabambilwa kuba ca kululamika. Yebo Walo wa cita kululamika, a ku bakombela ku ciingano, koamba, “Taata, balekelele. Balo, mboofu, taba—taba mvwisyi buyo eco nco bacita.”

³⁶² Nda bakombela balo bakutausi sunu abo bali mukubambula Ijwi lwabili, kwiinda mukubweza tunsiyasiya twabo a tuyanza twabuzumini, a kucisintanya aa Ijwi lya Buumi. Elyo mpawo,

kumbele lya bantu, bala—bala jana butongo ku Bwini ncobeni obo Leza mbwali mu kusimpikizya kuba Bwini Bwakwe. Twa bakombela, Taata, kuti Uyo baita ku Cilalilo ca Lukwatano ciindi cimbi. Akube kuti baboole ku ciindi eci, a kutajana ntamizyo, nkaambo Nda mvwisya kuti lwiito lwa mamanino lwaba kale. Inga ciindi kacimanide kale lino. Nda syoma kuti takuli obo.

³⁶³ Longezya mbungano eyi nsyoonto ili waano, ya bantu basyoonto bali mwaanda babungene ano cifumo eci, obu buzuba bupya, bakkede ano kwa ciindi cilamfu, ndiza maora obile na ainda, kuswangana, a kuswiilila. Taakwe nobazwa pe. Bakkala zii a kuswiilila. Bunji bwabo ka balindila zisusulo zyabo, a banakazi kabaimvwi a bana babo, alimwi bali mukulindila. Bali jatilide ku Ijwi lyoonse.

³⁶⁴ Mwami, Nda mvwisya eco ciyo citika kuli ndime ku Buzuba bwa Lubeta ikuti na Nda sweesya bantu abo. Ndi lizi, Mwami, kuziba oko mbuli mbo Ndi limvwa. Kutu, Ndi sola ku batola ku Ijwi, aku baleka kuti baponene ku Ijwi, kubaambila kuti Nduwe “mbobuca, nguwenya, sunu, amuya myaaka,” kuti Muuya Uusalala mupati ngu Jesu Kristo, mu ciimo buyo ca Muuya Uusalala, Muntu nguonya. Wa kaamba obo. “I kaindi kaniini nkabela nyika tiici Ndi boni limbi; nekubaboobo muyo Ndi bona, nkambo Njo oba a ndinywe, akwalo muli ndinywe.” Elyo Ndi lizyi kuti oyu Nduwe, Mwami. Elyo tula Ku syoma, ‘nkaambo tula Ku bona kocita cintu nciconya aakati kesu.

³⁶⁵ Twa lipa sunu, cakuli batamika, twa cita muno mu mbunga eyi aa ku mateepu. Mwami, mu kaindi buyo aka kaniini, akube kuti mwaalumi a mwanakazi oonse, mulombe na musimbi, oyo uli—oyo uli waano eno, na uimvwi anze, na kucimvwa aa teepu, akube kuti swebo kuciindi cino tubambe kulisalazya a kulipa kwesu kumaninide ku mulimo wa Leza.

³⁶⁶ Koenda aa nkamu ya bantu, Mwami, mu Nguzu, a kuponya baciswa. Baamba kuti bajisi mulombe muniini mulema uukkede awa. Lekela Muuya Uusalala oyo mupati. . . Tu lizi, kukkala buyo mu Busyu Bwakwe mbuli oku mbokubede, Kuyo cicita. Ikuti na inga Wa zwiidilila mu redio a cipekupeku, a mu masena oonse a zisi, a kuponya baciswa, “Wa katuma Ijwi Lyako nkabela Liyo baponya,” Inga wacita cintu nciconya ku miniti eeli. Nda komba, Leza, kuti Yebo uponye oonse muntu ucisidwe, balema boonse, bapengede boonse, ano alimwi abo bamvwa Majwi aya. Leza, ko cipa. Kukomba kwangu nkwa mbabo.

³⁶⁷ Antoomwe a—antoomwe a luyando lwa Kristo mu moyo wangu a kumvwisya bapengede, Nda batuula, Mwami, kuli Nduwe, aa cipaililo ca cituuzyo, oko mubili wa Kabelele ako kazwide Bulowa nkoubikkidwe mbuli mulungo wa zibi zyesu kuciswa, uli bikkidwe awo. Nda kombelela luse lwa bantu. Ndi yanda kwima mbuli Musa mbwa kacita, muku baiminina,

Mwami, a kwaamba, “Leza, koba a luse, kuli mbabo, kucili kulamfu, a kubapa coolwe cimbi.” Uta—uta cicita kabotu ndyoonya eno, Mwami. Kolekela—kolekela Makani mabotu ainke ambele buyo aniini.

³⁶⁸ Ba—ba pegwa mulandu, Mwami. Nda komba kuti luse Lwako lupati a luzyalu luyo—luyo tabukila ku muntu wa mamanino ujisi zina lyakwe mu Bbuku. Elyo Ndi lizyi bayou cita. Nciyumu ku komba kulwana Ijwi lyako Lisetekene, na kulwana i—na kulwana i . . . a Ijwi Lisetekene, Ndi pandulula kwaamba kuti, Mwami; Ijwi lyaka syomezegwa, Ijwi lyaka simpikizigwa, Ijwi eelyo lyakakanzwa ku bantu aba kaindi kuya kuzwa ku malengelo aa nyika. Ta cili—ta cili ciyumu ku—ku komba kuti Uyo futula abo bala mazina mu Bbuku, nkaambo Ndi lizi Yebo ulacita. Jesu wa kaamba obo, “Boonse Taata mba Ndi pa bayo boola.” Nkabela taakwe muntu uukonzya kuboola citakuti wa pegwa.

³⁶⁹ Lino Nda komba, Leza, kuti koonse ku masena Majwi aya nkwawida, koonse ku teepu a baliko ano, kuteeti Muuya Uusalala ukaita bantu boonse bakakanzwa ndyoonya eno, kuzwa ku malengelo aa nyika kayitana cindi mazina abo nakalembwa mu Bbuku lya Buumi ilya Kabelele. Akube kuti bamvwe Jwi lya Leza lyaambaula sunu, mu Jwi eelyo lisyonto, lya luumuno, liniini kuni kwa moyo wabo, kwaamba, “*Eyi* nje Nzila, amweende muli Njiyo.” Ko cipa, Taata. Nda cilomba mu Zina lya Jesu.

³⁷⁰ Elyo kuciindi calino notukotamekide mitwe yesu kuno mu nkamu ya bantu. Ikuti na mula syoma obu kuba Bwini, alimwi nywebo—yebo . . . Nda bikka, bikka janza lyangu aa tutambala otu tubikkidwe awa, a zipakete zya baciswa a bapengede. Ndi yanda kubuzya mubuzyo, cakusinizya eno.

³⁷¹ Ta ndibooli kunselelo ku zomvugwa buyo. Nda—Nda—Nda katala. Nda dekela. Ta ndi cili mukubusyi mbuli mbo Nda kabede, alimwi Ndi—alimwi Ndi lizyi kuti mazuba esu aceya. Alimwi Ndi lizyi kuti Nde elede kubikka cintu coonse ciniini eco nce Ndi konzuya, ca Bwami bwa Leza. Nde elede ku kambauka ziindi zyoonse Nda konzuya kujana ciindi ceelede. Nde elede kucita, Nde elede kuunka naa Nda limvwa kuciyananda na pe.

³⁷² Nda boola kuno nkaambo Nda—Nda limvwa kucicita. Ndi—Ndi yanda kucicita. Nda muyanda. Nkabela Ta ndaambi zintu lunya na buyumu, ku—ku . . . nkaambo Ndi yanda obo. Kuli—kuli cintonta mukati kangu. Eeci cintu nciconya caka simpikizigwa nce cintu cindi tonta kucita zintu ezi. Nda caamba mu buuya, a luyando. Ta ndipandululi kubwekela banakazi na baalumi besu. Ta ndipandululi kucita eci, mukwesu, mucizi. Ndi pandulula buyo ku muleta ku—ku busena buyumu, ku busena nko mukonzya kubona kululamikwa a ku kwibbaulwa

kwa Mwami, kuti mweelede kunjila eno. Muta sumpyi; inga mwalindila kwa ciindi cilamfu.

373 Elyo nywebo nomuyanda kuboola ku lubazu lwa Mwami, aku lyaaba kuzwide mu moyo wako, mu busyu bwa nkamu ya bantu eno, na mu nyika oko mateepu nkwa yooba; sa inga wacita, a mitwe yanu kiikoteme. . . Muta nyamuni maanza anu ikuti na tamu cikanzi. Ikuti na mula cikanza ncobeni, muyanda ku boola ku Mwami, a buumi bwaka salazigwa loko, sa inga to nyamuna janza lyako lyalulyo eno. Yebo, Mwami aku longezye. Yebo uli mukulisalazya cabupya kuli Kristo, ku sola kuyumuna kuubaula buusu. Yebo wati, “Ndili libambilide sunu ku bweza mause.”

374 Ndi nyamwide maanza angu oonse, alo. Ndi, Ndi yanda ku bweza mause aa Jesu Kristo aali ndime. Nda sama impa eyi cakukondwa iitegwa “mubumbulusi uusalala,” kufumbwa mbonga wayanda ku ciita. Nda cisama a kubotelwa, nkaambo ka makani aa Mwami. Nda cisama a kubotelwa.

375 Sena nyoonse tamuyandi kucita nciconya? Amu nyamune manza aanu, a kwaamba, “Ku luzyalo lwa Leza, Ndi—Ndi—Ndi yanda. . . Ndili. . .” Basikwiya bakajoka, bayeeya bwali bulemu bupati kuyumuna mause aa Zina Lyakwe. Na, mu yanda kuyumuna mause a sizipekpeku umwi wa Hollywood, na cintu cimwi ca cipekpeku, na simbungano umwi, na cintu cimwi? Na, sena tamuyandi mause a Ijwi lya Jesu Kristo? “Ko ndipa buusu bwa Ijwi, Mwami. Ndi lizyi Wa kayumuna mause aa Ijwi lya Leza. Andi libweze, ambebo, Mwami.”

Elyo ciingano eci caka salazigwa Njo yumuna
Mane lufu luka ndaangulule,
Mpawo kuya ku muunzi, ku sama musyini.

376 Ku yooba musyini wesu bumwi buzuba. Uli mukupangwa eno. Cindi buumi bwanyika ubo bwamana, mpawo tuyo ziba kuti ciyooba kabotu.

377 Lino taakwe busena bwa kuleta bantu kuzunguluka cipaililo. Ko bamba cuuno cako, a busena mpobede, kuba cipaililo. “Boonse baka syoma. . .” Kuciindi notu komba.

378 Taata Wakujulu, caboneka mbuli kuti kuli ndime kuteeti bunji bwa maanza oonse a bakubusyi aba bapati, anyamunwa mujulu, mu nkamu eyi ya bantu. Elyo Nda lomba kuti, ziindi zyoonse teepu eyo yakulizigwa, cakuti bantu bayo tambika maanza abo mujulu, a kufugama mu kaanda; taata a baama bayo unka kuya akujatana maanza abo, a kwaamba, “Oyandwa, twali basimbungano kwa ciindi cilamfu. Atu boole kuli Kristo.” Ko cipa, Mwami.

379 Kolongezya bantu aba ano. Nda lomba kuti Uyo bapa, Mwami, buumi bwaka salazigwa. Bunji bwabo, Mwami, mbantu babotu. Balo—balo mbantu Bako; tabana zyiba buyo Bwini. Alimwi Nda lomba kuti Uyo batondezwa Bwini Bwako, Mwami. “Ijwi Lyako ngu Bwini.”

380 Mbuli Mbo kaamba muli Johane, Ndi yeeya kuti kujatikizya capita 17, Wa kaamba kuti, “Kobasalazya, Taata, kwiinda mu Bwini. Ijwi Lyako ngu Bwini.”

381 Elyo Lyakati lwabili, Ijwi Lyako, bucili Bwini. Lyoonse ngu Bwini, nkaambo Ngu Leza. Elyo Nda lomba, Leza, kuti Uyo basalazya kwiinda mu Bwini. Nko kuti, basalazye, banjolomye kuzwa ku tunsiyansiya toonse at ubungwe. Banjolomye kuzwa ku zintu zyoonse zyanyika, kuya ku buumi bwakasalazigwa ibwa Ijwi. Ko cipa, Mwami. Mbi Bako eno. Wa kasyomezya kucicita. Alimwi mbuli Mulanda wako, Nda pa inkombo yangu mubusena bwabo. Mu Zina Iya Jesu Kristo.

382 Lino amitwe yesu kaikoteme, atwiimbe lwiimboolu kuciindi notu zumanana kukomba.

Jesu waka cibbadelela coonse,
Koonse kuli Nguwe. . . (Amu ciyeeye!)
Cibi. . .

383 Jilo Nda kali mu i—i busena, elyo mwalumi wakali kundeeleka nkambo insunti eyo mukwesu kuno mu cikombelo njaka nduulila. Wa kati, “Insutii yako yakali kuboneka kupya, nkabela Nda kuulila imwi itontola.”

384 Elyo Nda kainka kuya kuti itendwe, elyo wa kati, “Yawe, iikkuko lyako ilya kululyo liya budiimana. Kuleelede kuti wakayumwide mukuli mulemu bumwi buzuba.”

385 Elyo Nda kayeeye, “Iiyi, mukuli wa cibi. Pele Jesu waka cibbadelela coonse.” Amu swiilile mbuli mbo yiimba.

Jesu waka cibbadelela. . . coonse,
Mpawo boonse, boonse buumi bwangu, kuli
Nguwe Nda. . .

Ino cibi caka citanzi?

Cibi cakasiya kaimba kasubila pyu,
Wa kakasanzya kutuba buu mbuli caanda.

386 Leza, tu fwide luzyalo. Mbuli ciindi eci cipati kuyeeya, ko lekela Ijwi limvugwe kapati, Mwami, ku moyo. Ko lekela bantu, nokuba kuti bamuka ku zisusulo zyabo. . . Pele, Mwami, Eci cilayinda kuli cakulya. Obu Mbuumi. “Ijwi Lyangu ngu cakulya,” Wa kaamba. Eco Nce ncico buntu bwesu buli aa nzala ncobuli mukulya loko.

387 Lino kotu bweza, Mwami, tu bumbe. Mwami, kondi bweza antoomwe ambabo. Ndi yanda kwiinka ambabo. Ndi inka ku Kalivari lino, Mwami, ku lusyomo. Ndi inka aa mbunga eyi. Lino kondi bumba buyo alimwi, Mwami. Nda kalubizya. Ziindi zinji cakuti Nda. . .

388 Kuno cainoino Nda likuyanda kuleka ku kambauka. I bantu tiiba kandimvwa. Baka kazumanana buyo kucita cintu nciconya, elyo Nda—Nda ka tyompwa. Nda kaba aa kancimwa. O Leza!

Mazuba aa Munsondo zyakainda zisyoonto, cindi no Wa ndipa citondezyo eco kubusena kuya, kutali. . . a kubala Bbaibbele, a ku bona Nduwe mbokaambila Musa, mbubonya mbuli ciloto mbo cakabede, kuti kwali dundu, akwalo, a kuti kuyooba citondezyo kuli nguwe. Elyo mpawo nkoonya ku mamano ancico, kuziba kuti Nda—Nda kasiya bantu banji bacisidwe; mulimo kutali biyo mu businsimi, pele mu kuyiisya Ijwi, a— a kukombela baciswa. Wa kalekela muntu kuti afwe cakuwida aansi moonya awa mu cibuye, mpawo waka boozegwa ku buumi, kuba citondezyo cakali ca bwini. Yebo ulazwidiliza Ijwi Lyako lyoonse.

³⁸⁹ Lino, Mwami, ko Li tondezya ndyoonya eno kuciindi ne Ndili kumbelelya Cuuno Cako cabwami. Kobweza bantu aba boonse, Mwami, kogwisya nyika kuzwa kuli ndiswe. Ndi bweze, Mwami, notucili mu Busyu Bwako. Kogwisya buyo nyika, koonyaonya mu myoyo yesu, Leza, ndyoonya eno. Kosomona nyika a misaalo ya nyika kuzwa kuli ndiswe. Atube Banakristo ba salazigwa, O Leza, kuba baluyando a buuya a bubotu, katuzyala mucelo wa Muuya. Sa tokocita na, Mwami? Tuli kumbele lya Cuuno Cako cabwami. Cibi casiya kaimba kasubila aali umwi aumwi wesu, pele Bulowa Bwako bulakonzya kucijatila, Mwami, akucibamba kutuba buu mbuli caanda. Ko cipa, kuciindi notu lindila kuli Nduwe. Kotu bweza; tuli Bako; kosalazya maumi esu kuli Nduwe. Mu Zina lya Jesu Kristo, ko cipa, Mwami, kuli umwi aumwi wesu.

³⁹⁰ Koonyaonya moyo wangu, Mwami. Nda bona bulubizi bwangu boonse. Nda bona kulubizya kwangu. Leza, kuzwa ku ciindi eci, Nda sola kupona kabotu maningi mbuli Mbwe konzya, kuti ndi Ku gwasye. Ndi yanda kuunka, Ndi yanda kusalazya buumi bwangu cabupya kuli Nduwe, koonse kuno cifumo ecino.

³⁹¹ Kumane kuleta kupa mulandu oku kulwana beenzuma bangu—bangu bapaizi ku masena kuya, a kuti ndeedele kwaamba zintu ezi ziyumu, pele, Mwami, Nda cicita kwiinda ku bunanike Bwako. Nda limvwa kuti Wa kandambila kuti ndicicite. Lino cazwa ku mulimo wangu, Mwami. Nda—Nda kkomana kuti cazwa. Aba cite a ncico kufumbwa mbo bayanda, Taata. Nda lomba kuti bayo citambula. Nda lomba kuti Uyo futula boonse, Mwami.

³⁹² Akube kuti kuyutuka lubukulusy lwa balulami, a Nguzu zipati kucitika mu Mbungano kakutanaba buyo kuunka kwa Njiyo. Nda. . . Tacili ciyumu ku lomba eco, nkaambo Wa kacisyomezya. Elyo tulalangila, Mwami, ku kukwelwa oko kwatatu oko nkotuzi kuti kuyooocita zintu zipati aakati kesu.

³⁹³ Ndili Wako, Mwami. Nda litula aa cipaililo eci, caku lisalazya mbuli mbo Ndi zyi kuli bamba. Kogwisya nyika kuzwa kuli ndime, Mwami. Kogwisya zintu kuli ndime ezyo zinyonyooka biyo; kondipa zintu zitanyonyooki, Ijwi lya Leza.

Akube kuti Ndi konzye kupona mbuli Ijwi eelyo kabotu loko, kusikila Ijwi likabe muli ndime, a Ndime mu Ijwi. Ko cipa, Mwami. Akube kuti Ndi takali Li futatili. Akube kuti Ndi jatilile Ipanga eelyo lya Mwami anguzu loko, a ku Li jatilila kabotu loko. Kocipa, Mwami.

³⁹⁴ Tu longezeye antoomwe. Tuli balanda Bako, mbuli mbo tuli salazya kuli Nduwe cifumo eci, munzila impya, mu myoyo yesu. Tuli Bako, mu Zina lya Jesu Kristo, nkambo ka mulimo.

Jesu . . .

Leza aku leleke! Mukwesu Neville.



KUPA MULANDU TNG63-0707M
(The Indictment)

Oyu Mulumbe aa Mukwesu William Marrion Branham wakakambaukwa lutaanzi mu Chikuwa Munsondo kuseeni, Kunkumunamasamu 7, 1963, ku Branham Tabernacle mu Jeffersonville, Indiana, U.S.A., wakagwisigwa kuzwa ku rekordi yamagnetiki a kulembwa cakutagwisyacintu mu Chikuwa. Obu busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2018 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu ciyanza cakujokolosya, kusandululwa mu misyobo iimbi, na kubelesegeka kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org